



15.6.431



DE TESTIUM RATIONE

QUAE ROMAE CICERONIS AETATE OBTINUIT.

DISSERTATIO INAUGURALIS

QUAM

CONSENSU ET AUCTORITATE

ILLUSTRIS JURISCONSULTORUM ORDINIS

IN ALMA

UNIVERSITATE LITTERARIA TURICENSI

PRO SUMMIS

IN UTROQUE JURE

HONORIBUS

RITE ADIPISCENDIS

DIE XVII MENSIS SEPTEMBRIS A. MDCCCXLII

PUBLICE DEFENSURUS EST

AUCTOR

JOANNES HENRICUS ALFREDUS ESCHER

TURICENSIS.

Opponentibus: BENJ. BRAENDLIN, CAND. JUR.

JAC. BUCHER, CAND. JUR.

JAC. HAUSER, CAND. JUR.

TURICI

EX OFFICINA ZÜRCHERI ET FURRERI

MDCCCXLII.



15.6. 431

112

PRAECEPTORI DE ME MERITISSIMO
RESTITUTORI JURISPRUDENTIAE TULLIANAE

FRIDERICO LUDOVICO KELLERO

JURIS UTRIVSQUE DOCTORI ET ANTECESSORI TURICENSI

ET

AMICO FIDELISSIMO

JOANNI JACOBO BLUMERO

JURISCONSULTO GLARONENSI

HAS LITTERARUM PRIMITIAS

LAETO ANIMO

OFFERT

AUCTOR.

Fortasse non deerunt, quibus me de eo, quod in hac materia exponenda disputatio mea versetur, hac ipsa materia purgare frustra aggrediar. Quare, antequam ad rem ipsam accedam, unde haec mea commentatio originem duxerit, his paucis enarrabo. Ordo antecessorum Turicensium hanc quaestionem, in qua tractanda operam navari, cum praemio proposuit. Plerique ordini adscripti quum, riri quam maxime venerandi, ad quaestionem expediendam me excitavissent, voluntati eorum obtemperavi: sed operosa cura, qua ea, quibus veteres quaestioni lumen afferrent, conquirenda erant, retardatus eam usque ad diem

*fuitam explicare aequiri. Ne frustra operam
tempusque consumsisse viderer. jam nihil mihi
restitit, nisi ut de ea in dissertatione mea in-
augurali agerem.*

*Non possum quin, jucuudo pietatis officio
satisfaciens, illustrissimis viris **KELLERO** et
GEIBIO, qui in hoc opusculo perficiendo con-
silio suo me adjuverunt animumque meum
erexerunt, publice gratias quam maximas
agam.*

PROSPECTUS.

	pag.
<u>Cap. I. Quis fuerit testis</u>	1
<u>Cap. II Cui testimonii dandi facultas fuerit</u>	16
<u>Cap. III. De ratione, qua, ut testimonium diceretur, coactum sit</u>	50
<u>Cap. IV. Quid de numero producendorum vel denuntiatione obstringendorum testium constitutum fuerit, quaeritur</u>	71
<u>Cap. V. De iurejurando, quo testimoniorum fides firmanda fuerit</u>	80
<u>Cap. VI. Quomodo testimonia data sint</u>	88
<u>Cap. VII. Quando testimonia cum iudicibus communicata sint</u>	122
<u>Cap. VIII. De fide testimoniis habita</u>	139

CORRIGENDA.

Pag. 21. l. 18. leg. *possimus*.

- 32. - 2. l. *abolitum*.

- 33. - 6 et 7. adn. b. l. *substitutorem*
idoneam.

- 73. - 25. l. *utramque*

- 77. - 13. l. *denuntiari*.

- 79. - 15. l. *accusandum*.

- 90. - 23. l. *testificatione*.

Pag. 91. l. 2. adn. b. l. l. §. 174.

- 92. - 14. l. *raüy*.

- 93. 18. l. *veritatem*.

- 96. - 3. adn. b. l. *testentur*.

- 99. - 8. adn. b. l. *Catilia*.

- 110. - 19. l. *decurionum*.

- 118. - 21. l. *omnia*.

CAP. I.

Quis fuerit testis.

Testis erat, si de judiciali vocis usu loquimur, qui aut coram iudice, ab actore vel reo productus, aut per tabellas cum iudice communicandas rem gestam ejusve partem, in qua actor vel reus quive eorum causam agebant nitebantur, iudici de ea ut persuaderetur, illustrabat.

Is solus, qui eculeo non impositus hoc modo iudicem certiores fecerat, testis habebatur. Nusquam enim, quod sciam, si quis per tormenta interrogatus, quum ceteroquin eadem, quam modo in teste requisivimus, ratione iudicem edoceret, respondit, vel ipse testis vel, quod dixit, testimonium dicitur; sed *quaestionis* nomine semper in eo utuntur.¹⁾ Nusquam porro quaestio ut testimonii species quaedam nominatur, sed e contrario, ubi de diversis rerum in iudicio probandarum modis agitur, quaestiones a testimoniis

¹⁾ Cic. pro Dejot. 1. §. 3. Schol. Bobiens. in Cic. orat. in Clod. et Cur. pag. 338. 339 (in M. Tull. Cic. oper. ed. Orell. Vol. V. pars alt.) Cic. orat. partit. xxxiv. §. 117. i. f. 118. Valer. Max. VI. viii. §. 1. VIII. iv. pr. §. 3. Tacit.

Annal. II. 30. Cic. pro Rosc. Amer. xxviii. §. 77. (et Schol. Gronov. ad h. l.) xli. xlii. (et Schol. Gronov. ad h. l.) pro Milon. xxi. §. 59. 60. pro Sull. xxviii. §. 78. pro Cluent. lxvi. §. 187.

sejunctae tamquam peculiare aliquid enumerantur.²⁾ Quinetiam Tacitus expresse, per tormenta vel in quaestione interrogatos non testes esse habitos, demonstrare videtur. De Firmio Cato enim, qui id egit, ut Libonem Drusum novas res moliri Tiberio indicaret, narrans: „Ut,“ ait,³⁾ „satis testium et qui servi eadem noscerent, repperit, aditum ad principem postulat.“ Tacitus igitur de iis personis loquens, per quas crimen Libonis probatum iri Catus speravit, servos inter eas a testimonium dicturis secernit. Jam non habemus, quomodo hanc distinctionem possimus explicare, nisi statui liceat, hos servos aequae atque omnes, qui in judiciis, ut suis verbis aliquid probarent, comparebant, in quaestione esse interrogatos, qui autem in equuleum impositi rogati essent, non testes esse habitos. Quodcunque igitur aliquis eculeo impositus testatus erat, quaestio vocabatur; quaestiones autem non inter testimonia numerabantur.⁴⁾

Signator est, quatenus hic ratio ejus habenda, qui tantum id confirmat, eum, qui in tabulis testimonium continentibus tamquam ejus auctor compareat, revera, quae tabulis contineantur, testatum esse. Signator igitur ipse haudquam, quae in testimonio per tabulas reddito dicuntur, vera esse asseverat.⁵⁾

Advocatus, ut jam, quid inter hujus partes et testis intersit, dicamus, nequaquam similiter ac patronus ipse actoris vel rei causam orabat, sed iis jus, in quo niterentur, ita suppeditabat, ut vel consilium tantummodo daret vel ipse quoque verba faceret: quamquam hoc minime ut necessarii aliquid in avvocato requirebatur.⁶⁾

²⁾ Auct. ad Herenn. II. VI. VII. §. 10. Cic. de invent. II. XIV. §. 46. 47. XVI. §. 50. de orat. II. XXVII. §. 116. 118. 119. XL. §. 173. orator. parit. XIV. §. 49. 50. XXXIV. XXXV. §. 120. Brut. LXXX. §. 277. Valer. Max. VIII. IV. pr. coll. c. v. §. 1.

³⁾ Tacit. Annal. II. 28.

⁴⁾ Sigon. de judic. II. 15. a. I. Heinecc. Antiq. Rom. IV. XVIII. §. 26. a. I.

⁵⁾ Cf. Cap. VI.

⁶⁾ Cic. de orat. II. LXXIV. §. 301. pro Cluent. XL. §. 110. pro Coel.

Interdum voces *testis* et *index* ab antiquis scriptoribus ita inter se junguntur,⁷⁾ ut earum significationes omnino diversae esse videantur; quinetiam vocibus *testis* et *accusator* promiscue utuntur:⁸⁾ et contra iidem eodem in iudicio *testes* et *indices* vocantur.⁹⁾ Necesse est igitur considerare, quae sit ad res forenses pertinetis significatio vocis *index*.¹⁰⁾

Laxiore sensu vox *index* eum significasse videtur, qui, ubi ipse sententiam laturus, accusatore non admissio, inquirebat, latebras delictorum huic patefaciebat, aut, ubi haec officia separata, sed privato accusandi facultas non erat, magistratui accusandi potestate praedito crimina deferrebat.

Cuius significationis specimina jam haec afferimus. Livius narrat: „Minucia Vestalis . . . insimulata . . . apud pontifices ab indice servo . . . facto iudicio viva sub terram . . . defossa est;“¹¹⁾ et paullo post:¹²⁾ „Ancilla quaedam ad Q. Fabium Maximum aedilem curulem indicaturam se causam publicae pestis professsa est, si ab eo fides sibi data esset, haud futurum noxae indicium. Fabius confestim rem ad consules, consules ad senatum referunt consensuque ordinis fides indici data. Tum patefactum muliebri fraude civitatem premi matronasque ea venena coquere; et si sequi extemplo

iv. §. 10. in Verr. II. xxx. §. 74.
73. Valer. Max. VII. viii. §. 7.
Cic. pro Quint. viii. §. 31. xxi.
§. 69. ii. §. 9. pro Muren. xii.
topic. xviii. Ps. Ascon. ad Cicer.
divin. in Caecil. pag. 104. (Or.)
Cic. in Verr. III. lxxx. §. 184.
pro Sull. xlix. §. 81. pro Sest.
lvi. §. 119. ad famil. VII. xiv.
§. 1. de offic. I. x. §. 32. Ferrat.
ep. I. 3. i. f. Waite, Gesch. des
röm. Rechtes, S. 798.

7) Cic. pro Cluent. xiii. §. 38.
Liv. xxxix. §. Iustin. Hist. xliii. 2.

8) Tacit. AnnaI. iv. 28 — 30.

9) Cic. in Catil. III. vii. §. 17.
coll. c. Cic. ibid. ix. §. 21. iv.
§. 8. v. §. 11. vi. §. 13 et Sal.
Iust. Catil. 45. 50.

10) De hac quaestione agunt
Danz, Lehrbuch der Gesch. des
röm. Rechtes, I. S. 57 et Mit-
termaier, deutsch. Strafverf. 3te
Aufl. Einl. §. 13. S. 46.

11) Liv. viii. 15.

12) Liv. viii. 18. Cf. praeterea
Valer. Max. II v. §. 3.

„velint, manifesto deprehendi posse. Secuti indicem et co-
 „quentes quasdam medicamenta et recondita alia invenerunt.
 „... (Convictae) et comprehensae extemplo earum comites
 „magnum numerum matronarum indicaverunt.. Neque de
 „veneficiis ante eam diem Romae quaesitum est.“ Tum servus
 Vindex, qui conjurationem, post exactos reges ab nobilibus
 quibusdam adoleſcentibus Romanis cum Tarquiniis initam,
 ad consules detulit, index vocatur.¹³⁾ Livius narrans, Ro-
 manos milites Capuae aedificiis emotos in portis murisque
 tecta militarily aedificasse, haec noctis una hora omnia in-
 cendere centum septuaginta Campanos, principibus fratribus
 Blossiis, conjurasse, indicium ejus rei ex familia Blossiorum
 factum esse, servos, qui conjurationem detexere, indices no-
 minat.¹⁴⁾ Servus quidam, qui, magnis illis incendiis Romae,
 ut omnes consensere, fraude factis, amplo praemio ei, qui
 incendii auctores professus esset, proposito inductus dominos
 et quinque praeterea juvenes nobiles Campanos id incendium
 fecisse vulgoque facturos alia, ni comprehensi essent, patefecit,¹⁵⁾
 Aebutius, qui, se flagitia in Bacchanaliis commissa ex
 Hispala Fecenia iis initiata comperisse, ad consulem Postu-
 mium detulit,¹⁶⁾ P. Sulpicii servus, qui Sulpicium a senatu
 hostem judicatum in quadam villa latentem ita prodidit, ut
 hic retractus occideretur,¹⁷⁾ denique Firmius Catus, qui
 suspicionem in Libonem Drusum, quod novas res moliretur,
 conferre studens hunc adduxerat, ut coram testibus, quae
 eum suspectum reddere poterant, inconsulte diceret faceret-
 que, deinde crimen et reum Tiberio per equitem Romanum
 demonstravit,¹⁸⁾ indices vocantur. Porro Licinius quidam
 popa de circo maximo ad Pompejum detulit, *servos Milo-*
nis apud se ebrios factos sibi confessos esse de interficiendo

¹³⁾ Liv. II. 4. 5. Dionys. Halic.
 V. 7 — 13. l. 2. §. 24. de orig.

jur.

¹⁴⁾ Liv. XXVII. 3.

¹⁵⁾ Liv. XXVI. 27.

¹⁶⁾ Liv. XXXIX. 8 — 19.

¹⁷⁾ Liv. epit. 77.

¹⁸⁾ Tacit. Annal. II. 27. seqq.

*Pompejo conjurasse, dein postea se gladio percutsum esse ab uno de illis, ne indicaret.*¹⁹⁾ Senatus, ab Aebutio Hispalaeque Fecenia de flagitiis in Bacchanalibus commissis certior factus, pro eo, quod Livius refert, alios indices praemiis invitari jubet;²⁰⁾ itemque senatus a Cicerone de Catilinae conjuratione, quam Curius ei patefecerat, certior factus decrevit, ut si quis indicavisset de conjuratione, quae contra rem publicam facta erat, praemium servo libertas et sestertia centum, libero impunitas ejus rei et sestertiorum ducenta millia essent.²¹⁾ Allobroges denique, qui ad hujus ipsius conjurationis societatem invitati studium conjurationis Cicerone jubente simulaverunt ejusque ita latebras huic potuerunt patefacere, indices vocantur.²²⁾ Bellorum intestinorum aetate multi nnico studio sibi crimina majestatis investiganda habuisse²³⁾ atque propterea contentui fuisse videntur. Cicero Clodium in invidiam adducere studens: »Ille,« inquit,²⁴⁾ »qui monumenta publica, qui aedes sacras . . . oppugnavit, excidit, incendit, qui »stipatus semper sicariis . . . munitus indicibus fuit.« In oratione pro Sulla habita hunc de Catilinariae conjurationis societate postulatum eum Lentulo, qui conjurationis societatem capite luerat, comparans, ut illum ornaret, hujus autem famam attereret: »Quis« inquit,²⁵⁾ »Lentuli societates eum »indicibus, quis insaniam libidinum, quis perversam atque »impiam religionem recordatur, qui illum aut nefarie co- »gitasse aut stulte sperasse miretur?« Idem quum pro Mu-

¹⁹⁾ Cic. pro Milon. xxiv. §. 65. Ascon. in Cic. Milon. pag. 51. (Or.).

²⁰⁾ Liv. xxxix. 14.

²¹⁾ Sallust. Catil. 30.

²²⁾ Sallust. Catil. 49. 50. Cic. in Catil. III. v. §. 11. vi. §. 13. IV. iii. §. 5. v. §. 10. pro Sull. v. §. 17. xiii. xiv.

²³⁾ Cic. ad Quint. frat. II. iii. §. 5. Nulla re cogimur accipere, Nerium, quod Sestium de ambitu postulavisset, indicem vocatum esse.

²⁴⁾ Cic. pro Sest. xlv. §. 95.

²⁵⁾ Cic. pro Sull. xiv. §. 70.

rena diceret, *Catilinae vallati indicibus atque sicariis*²⁶⁾ mentionem fecit.

Certo semper vel respublica ipsa vel ejus nomine ipse senatus delicta in rei publicae integritatem et securitatem et tranquillitatem atque in populi majestatem commissa patefacienda puniendaque curabat. Nisi enim tum, cum senatus de ejusmodi delicto certior fiebat, jam privatus aliquis hoc erat persecutus, senatus non amplius exspectans, num forte homo privatus delictum persecuturus esset, in delictum ipse inquirebat.²⁷⁾ Senatus autem non solum indicia eorum, qui ipsum ultro de talibus criminibus certiores fecerant, respiciebat, sed etiam, talia indicia ne deessent, populo senatuique curae erat. Jam enim constat,²⁸⁾ senatum saepe peculiari aliquo decreto ei, qui aperti sceleris auctores nondum manifestos indicavisset, praemia pollicitum esse. Porro pristino tempore more usuque, posteriore aetate certa quadam de majestatis similibusque criminibus lege generatim sceleris talis socio, qui de eo indicavisset, impunitas proponebatur. Conjurazione enim in urbe Servio Sulpicio Camerino et M. Tullio Longo Cons. ad reges restituendos facta Publius et Marcus, qui inter primos conjuratorum fuere, con-

²⁶⁾ Cic. pro Muren. xiv. §. 49.

²⁷⁾ Cf. Dirksen, über die Crim. Jurisd. d. röm. Senates (Civil. Abhandl. 1r. Band, S. 93. ff.), Schweppe röm. Rechtsgesch. u. Rechtsalterth. 2te Ausg. §. 632. v. A. Nullo modo ergo Klenze (Lehrb. des Strafverf. S. 27.) docenti: „Von der Regel des „accusatorischen Verfahrens finden „sich seit den Kaisern allmählig „Ausnahmen und wirklich Inquisitorisches Verfahren;“ neque Feuerbach (Lehrb. d. peinl. Rechtes,

herausg. v. Mittermaier, 13te Ausg. §. 520 a.) dicenti: „Das römische „Recht kennt nur den accusatorischen Prozess;“ neque Osenbrüggen (Cicero's Rede für Milo S. 35.) praecipienti: „Das röm. „Criminalrecht kannte nur den „Anklageprozess (und) keine Spur „vom Inquisitionsprozesse,“ assentire possumus.

²⁸⁾ Liv. xvi. 27. xxxix. 14. Sallust. Catil. 30.

jurationis indicium²⁹⁾ sibi nihil timentes consuli fecere.³⁰⁾ Cicero porro quum in divinatione in Caecilium huic, quae ab justo accusatore postulatur, derogat: „Facile,“ inquit, „omnes intelligent, vobis (Verri et ejus quaestori Caecilio) „inter vos non modo voluntatem fuisse conjunctam, sed ne „praedam quidem adhuc esse divisam. Quapropter, si tibi „(Caecilio) indicium postulas dari, quod tecum una fecerit, „concedo, si id lege permittitur. Sin autem de accusatione „dicimus, concedas oportet iis, qui nullo suo peccato im- „pediuntur, quominus alterius peccata demonstrare possint.“³¹⁾ His ex Ciceronis verbis elucet, certa quadam lege ei, qui indicavisset socium non cujuslibet, sed quorundam tantum criminum — et si legis praeceptum non ad omnia delicta pertinebat, nonne, id ad ea, quibus rei publicae integritas securitasque periclitaretur, pertinuisse, jam maxime verisimile est? — impunitatem saltem promissam esse.³²⁾ Quam nostram sententiam Pseudo-Asconius quoque confirmat, quum praecipit:³³⁾ „Certa sunt, in quibus impunitas indici datur, in „caussa proditionis, majestatis et si quid hujusmodi est . . . „Itaque repetundarum caussa non per indices agi solet . . .

²⁹⁾ Graeca verba *μὴνείν*, *μὴνύειν*, eandem vim, quam Latina *indicare*, *indiciū*, *index* habere, persuadetur nobis comparantibus Dion. Cass. *lxxviii*. 33. Appian. *bell. civili*. *ii*. 3. cum Sallust. *Catil.* 26, 28; Dion. Cass. *lxxvii*. 35. cum Sallust. *Catil.* 48; Dio Cass. *Halic.* *v*. 7. 13. cum Liv. *ii*. 4. 5.

³⁰⁾ Dion. *Halic.* *v*. 54.

³¹⁾ Cic. *divin.* in Caecil. *xi*. §. 34.

³²⁾ Inde quod Sallust. in *Catili*. 30. narrat, senatum Catilinaria conjuratione patefacta decrevisse, ut si quis indicavisset de conjura-

tione, quas contra rem publicam facta erat, praemium servo libertas et sestertia centum, libero impunitas ejus rei et sestertiorum ducenta millia forent, non magis, impunitatem non generali quadam lege cuilibet socios conjurationis indicaturo promissam esse, concludi potest, quam servum, conjurationis socium qui indicavisset, liberum quidem factum esse nummosque accepisse, sed nihilominus poenam ab eo, qui conjurationis socius fuisset, sumtam esse.

³³⁾ Ps. Ascon. in Cic. *divinat.* in Caecil. pag. 114. (Or.)

„salvis legibus.“ Curius, quem ³⁵⁾ Catilinae conjurationis socium Cicero amplis promissis per Fulviam ³⁴⁾ ad id adegerat, ut primus occulta Catilinae consilia consuli proderet, hoc sua sponte fecit minime fidem publicam, ne indicium sibi noxae esset, implorans. Cicero Dejotari regis servo Phidippo, qui Dejotarum vitae Caesaris insidias fecisse accusavit ejusque sceleris se Dejotaro conscium fuisse contendit, respondet: ³⁵⁾ „Quid . . . ? ita demens (Dejotarus) erat, ut eum (Phidippum), quem conscium tanti sceleris habebat, a se dimitteret? Romam etiam mitteret, ubi et inimicissimum sciret esse nepotem suum (Castorem, alterum Dejotari accusatorem) et C. Caesarem, cui fecisset insidias? praesertim cum is unus esset, qui posset de absente se indicare.“ Denique fortasse etiam aliquot Livii narrationes huc referri debent. Quod pro certo dicere non possumus, quia indices, qui in iis comparent, sceleris socios fuisse, non ipsis verbis adeo constat. Livius enim haec tradit: „Servitia urbem ut incenderent distantibus locis conjurarunt . . . Avertit nefanda consilia Jupiter indicioque duorum comprehensi sotes poenas dederunt;“ ³⁶⁾ et alio loco: ³⁷⁾ „Obsides Carthaginiensium Setia custodiebantur. Cum iis ut principium liberis magna vis servorum erat . . . Cum conjurationem fecissent, missis ex eo numero, qui in Setino agro, deinde circa Norham et Circeios servitia sollicitarent, satis jam omnibus praeparatis, ludis, qui Setia prope diem futuri erant, spectaculo intentum populum aggredi statuerant, Setia per caedem et repentinum tumultum capta, Norham et Circeios occupare. Hujus rei tam foedae indicium Romam ad L. Cornelium Merulam, praetorem urbis, delatum est. Servi

³⁴⁾ Sall. Catil. 23. 28. l. 8. ad leg. Jul. maj. Dio Cass. xxxvii. 33. (Cic. pro Flacc. ii. §. 5. pro Sest. lxi. §. 145. pro Milon. xxxvii. §. 103.)

³⁵⁾ Cic. pro Dejot. vii. §. 21.

³⁶⁾ Liv. iv. 45.

³⁷⁾ Liv. xxxii. 26.

„duo ante lucem ad eum venerunt atque ordine omnia, quae
 „acta futuraque erant, exposuerunt.“ Si quis socius sceleris
 vel in ipso facinore deprehensus vel jam accusatus, minime
 sua sponte, se sceleris noxium esse, aperiens indicium obtu-
 lerat, ejus indicii commoda ei vel concedi vel denegari po-
 terant. Hoc inde apparet, quod consul Postumius Hispalae
 Feceniae, quam Bacchis initiatam Aebutius ad consulem de-
 tulerat,³⁸⁾ antequam ex ea quaerit, quae in luco Similae
 Bacchanalibus in sacro nocturno solerent fieri, fidem dat,
 eam, si verum indicium³⁹⁾ facere in animum inducere posset,
 perturbari non debere;⁴⁰⁾ quod Memmius, quum in Scauro et
 aliis in Africam, ut Jugurtham contra populi Romani jussa
 facientem poena afficerent, missis, sed a Jugurtha, ut sibi
 faverent, corruptis id hoc modo exprobravisset: „Hosti acer-
 „rumo prodita senatus auctoritas, proditum imperium Ro-
 „manum, domi militiaeque res publica venalis fuit;⁴¹⁾ po-
 „pulo persuasit, uti L. Cassius, qui tum praetor erat, ad Ju-
 „gurtham mitteretur eumque interposita fide publica Romam duceret,
 quo facilius indicio regis Scauri et reliquorum delicta patefec-
 rent;⁴²⁾ quod Volturcius, Catilinae conjurationis socius, a
 praetoribus Flacco et Pomptino, literas Lentuli ad Catilinam
 secum portans,⁴³⁾ in ponte Mulvio per insidias deprehensus⁴⁴⁾
 et a Cicerone in senatum introductus tantummodo, ubi fide
 publica dicere jussus est,⁴⁵⁾ indicium⁴⁶⁾ fecit, quo omnia ad
 conjurationem pertinentia aperta sunt; quod L. Tarquinio, qui
 ad Catilinam proficiscens ex itinere retractus et ad senatum
 adductus erat, dicere opus fuit, se indicaturum, si fides pu-

³⁸⁾ Liv. xxxix. 11.

³⁹⁾ Liv. xxxix. 14.

⁴⁰⁾ Liv. xxxix. 12.

⁴¹⁾ Sallust. Jugurth. 31.

⁴²⁾ Sallust. Jugurth. 32.

⁴³⁾ Sallust. Catil. 44. Cic. in
 Catil. III. II. §. 4.

⁴⁴⁾ Sallust. Catil. 45. Cic. in
 Catil. III. II. §. 6.

⁴⁵⁾ Sallust. Catil. 47. Cic. in
 Catil. III. IV. §. 8.

⁴⁶⁾ Sallust. Catil. 50. Cic. in
 Catil. IV. III. §. 5. v. §. 10.

blica data esset; ⁴⁷⁾ quod Vettius, qui praemiis a Caesare inductus, ut se de inferenda Pompeio nece sollicitum a quibusdam (Caesaris inimicis, quibus hic invidiam facere studebat) profiteretur, ⁴⁸⁾ ad hoc conficiendum id egit, ut in foro cum pugione et item servi ejus comprehenderentur cum telis, deinde ille se diceret indicaturum, ⁴⁹⁾ postea vero, re nimis mature patefacta et ad senatum delata, in senatum introductus fidem publicam postulare necesse habuit ⁵⁰⁾ quodque Vettius hac denegata reus apud Crassum Divitem de vi factus, quam esset damnatus, erat indicium postulaturus, et Cicero hoc referens addit: ⁵¹⁾ „Quod si Vettius impetrasset, judicia fore „videbantur;“ quod denique Vectius Valens, qui, fortasse unus de hominibus, qui obsignarent ⁵²⁾, adhibitis, conseiis ⁵³⁾ erat matrimonii, quod Silius consul designatus cum Claudii conjuge Messalina inierat, Claudio, cui hoc facinus apertum erat, confessus indicium offert, sed sine dubio, quia Claudius indicium non accepit, hujus jussu ad supplicium trahitur. ⁵⁴⁾

Strictiore sensu vox *index* etiam in eo praecipue usurpata esse videtur, qui sceleris socius de hoc indicabat, ut ipse impunitatem sui delicti assequeretur.

Primum enim Cicero in divinatione in Caecilium huic, quod una cum Verre crimen repetundarum commiserit et ne praeda quidem adhuc inter eos sit divisa, exprobrans pergit hoc modo: ⁵⁵⁾ „Quapropter, si tibi (Caecilio) indicium „postulas dari, quod tecum una fecerit, concedo, si id lege permittitur.“ Inde quod hic sceleris socio, ut indicium ejus sibi daretur, postulare necesse esset et hoc ei tantum, si id lege permitteretur, concedi posset, concluden-

⁴⁷⁾ Sallust. Catil. 48. Dio Cass. xxxvii. §. 35.

⁴⁸⁾ Sueton. Caes. 20.

⁴⁹⁾ Cic. ad Attic. II. xxiv. §. 3.

⁵⁰⁾ Cic. ad Attic. II. xxiv. §. 2.

⁵¹⁾ Cic. ad Attic. II. xxiv. §. 4.

⁵²⁾ Tacit. Annal. xi. 27.

⁵³⁾ Tacit. Annal. xi. 35.

⁵⁴⁾ Cf. adn. ⁵³⁾

⁵⁵⁾ Cf. adn. ³¹⁾

dum esse videtur, nudam vocem *indiciū* hoc loco professionem ejus significare, qui crimen, cujus socius est, impunitate proposita aperuerit. Quod ipsum atque generatim illam strictiorem vocabuli significationem confirmat Pseudo-Asconius, qui ad divinationis locum, quem modo exscripsimus, haec moneat: »Index est . . . , qui facinoris, cujus »ipse est socius, latebras indicat, impunitate proposita.« Deinde voce *index* interdum non accurato judiciali, sed translato quodam sensu usi sunt ad ordinarium reum, testem vel eum, qui ordinaria quaestione de se habita responderat, significandos, quibus, ni saltem ponere velimus, *indicare* hic simpliciter *dicere* significare, id tantum proprium est, ut in *criminis socium* hoc explanantes dicant. Cluentii accusator e. c. dicit, Nicostratum, Oppianici servum, quaestione de se habita *indiciū* fecisse,⁵⁶⁾ se una cum Cluentio veneno Oppianicum necasse, et Cicero in oratione pro Cluentio ab accusatore quaerit, qua ex caussa, Cluentium brevi tempore accusaturus, omiserit, Nicostratum *Romam deducere, ei dare potestatem indicandi, incolumem denique eum servare quaestioni*;⁵⁷⁾ et in eadem pro Cluentio oratione Cicero Oppianicum merito damnatum esse demonstrans: »Avilius,« inquit,⁵⁸⁾ »a libertis et amicis Asinii ante pedes Q. »Manilii, triumviri, constitutus . . . Asinium ab se, consilio »Oppianici, interfectum esse fatetur. Extrahitur domo latitans »Oppianicus a Manilio: index Avilius ex altera parte coram »tenetur . . . Ac tum in Oppianici caussa crimen hoc Asinianum quum testibus multis, tum vero indicio Avilii probabatur.« In oratione pro Milone habita Cicero adversarium sibi hoc modo contra monentem fingit:⁵⁹⁾ »Cur igitur Milo »servos (hujus pedisequos, quum Clodius occisus est) manu-

⁵⁶⁾ Cic. pro Cluent. LVI. §. 186.

⁵⁷⁾ Cic. pro Cluent. LVI. §. 187.

⁵⁸⁾ Cic. pro Cluent. VII. §. 38. 39.

⁵⁹⁾ Cic. pro Milon. VII. §. 57.

„misit? metuebat scilicet, ne indicarent, ne dolorem perferre
 „non possent, ne tormentis cogerentur occisum esse a servis
 „Milonis in Appia via P. Clodium confiteri.“ Postumius,
 accusator Murenæ, ambitus rei, de *deprehensis pecuniis*, ad
 eos, qui suffragium erant laturi, corrupendos destinatis, et
 de *divisorum* (hujus pecuniæ) *indiciis* loquitur.⁶⁰⁾ Accusa-
 tor hic aut, divisores testes crimen Murenæ patefacturos,
 dicit aut, eos privatim extra iudicium voces, quæ Murenam
 suspectum reddentes pervulgatae essent, jecisse, commonefac-
 cit. Utut est, Cicero de *divisorum indicis* ideo loqui vi-
 detur, quod accusator, divisores sceleris a Murena commissi
 socios fuisse, contendit. Quemdam etiam, cui, quum crimina
 repetundarum una cum alio commisisset, alterius accusator,
 si, quod ipse vellet, pro testimonio in sceleris socium dixis-
 set, promisit, *se eum periculo litium conjunctione criminum*
liberaturum esse,⁶¹⁾ et qui in testando certe, se criminum
 socium fuisse, dissimulavit, Pseudo-Asconius *indicem* vo-
 cat.⁶²⁾ Indices a Romanis ut sociorum proditores contem-

⁶⁰⁾ Cic. pro Muren. xxvi. §. 54.

⁶¹⁾ Cic. io Verr. I. xxxviii. §. 97.

⁶²⁾ Pa. Ascon. ad. Cic. Verr. pag. 169. (Or.) Reliquum est, ut hic memoremus saltem tres Ciceronia et Valerii Maximi narrationes. Cicero in Tusc. II. xxii. §. 52. hæc nuntiat: „Zeno . . . „Eleates . . . perpersus est omnia „potius quam conscios delendæ „tyrannidis indicaret.“ (Cf. In-soper Valer. Max. III. iii. §. 2.) Valerius Maximus porro in memo-rab. III. iii. §. 5.: „In Theodoro . . . „Hieronymus tyrannus frustra tor-torum manus fatigavit. Ropit „enim verbera . . . ut tyrannicidii „conscios indicaret.“ Tyranni Ze-

noem Theodorumque hortati sunt, ut conjurationis ad delendam ty-raonidem socios sibi patefacere. Haec patefactionem Romanus or-rationis auctor *indicium* vocat: at, dixerit fortasse aliquis, non so-lum, quod socius conjurationis eam patefacere debuit, sed etiam, quod *tyranno*, id quem conjuratio facta erat, aperire jussos est. De-nique Cicero, pro Cluent. LXIV. §. 179. 180. verba facieos, hæc refert: „Strato . . . medicus . . . „furtum fecit ei cadem ejusmodi. „Quom esset in aedibus armarium, „in quo sciret esse nummorum „aliquantum et auri, noctu doos „conservos dormientes occidit . . . „ipæ armarii fundum exsecuit et

nebantur. Quare interdum accusatores, qui accusando pietati officiebant, vel quos pravos accusatores videri intererat, translato vulgarique sensu *indices* dicebantur: ut Vibius Sereus, qui in senatum inductus patrem suum, quod principi insidias struxerit et in Galliam concitores belli miserit, *accusat* ⁶³⁾, modo *index* modo *accusator* a Tacito nominatur, et Cicero in oratione pro Murena habita, Sulpicii accusatoris quum sortem in praetura odiosam fuisse perspicuum reddere velit, quaerit ex eo ⁶⁴⁾: » Quid tua sors? tristis, atrox: quaestio peculatus, ex altera parte lacrimarum » et squaloris, ex altera plena catenarum atque indicum. «

Quamquam *index* — ut jam, hujus vocis tota vi cognita, indicem cum teste comparemus — quae indicabat, saepe certe etiam pro testimonio dicebat, tamen semper ne poterat quidem ea testari, et ubi revera una testis erat, indicis et testis partes in eo ut diversae nunquam non secerni poterant.

Ex totius vitae anteactae ratione moribusque rei argumenta in judiciis publicis vel pro reo vel adversus eum promebantur. Quod Ciceronis et aliorum accusationes defensionesque satis perspicuum faciunt. Generatim quoque Cicero: (Forum), inquit, ⁶⁵⁾ » qui cum summa elegantia atque » integritate vivunt, hoc maxime interest, non ex libidine » aut similitate aut levitate testium causas honestorum ho-

» (nummos aurumque) abstulit, uoo » ex servis puero noo grandi conscio. Aperte insimulato Stratooe » puer ille conscins pertimoit: rem » omnem dominae (Stratoois et ipsius, Sassiae, io cujus domo furtum factum erat) indicavit. « (Cf. Cic. pro Cinent. lxxv. §. 183.) Vox *indicare* hic sensu vulgari, quod, qui indicat, sceins ooo cum iudice magistrature commooicat, usurpa-

tur. Ceterum hoc quoque loco fortasse Cicero illa voce noo soim ea de causa utitur, quod sceleris socius aliquis crimeo patefecit, sed etiam, quia delictum ei apernit, cujus latebras ejus noscere, magoi lotereral.

⁶³⁾ Tacit. Annal. iv. 28, 29.

⁶⁴⁾ Cic. pro Mureo. xx. §. 42.

⁶⁵⁾ Cic. pro Sull. xxviii. §. 70.

„minum ponderari, sed in magnis disquisitionibus repenti-
 „nisque periculis vitam uniuscujusque esse testem.“ Porro
 Pseudo-Asconius non minus generatim: „Crimina repetun-
 „darum,“ ait ⁶⁶⁾ „et alia pleraque anteacta vita saepe firman-
 „tur. Sumitur etiam hinc saepe defensio. Omnis enim
 „confirmatio ab attributis personae et negotio sumi solet.
 „Ergo attributa personae maxime in anteacta vita quaeri
 „solent, negotio in ipso crimine.“ ⁶⁷⁾

Non minus autem quam singulae res ad crimen, de quo reus postulatus erat, probandum vel negandum prolatae, haec quoque totius vitae morumque ratio per testes iudicibus probaretur, necesse fuisse videtur.

Primum enim non soli defensores vitam reorum exornabant, sed etiam inveniuntur, qui, ne iudices arbitrentur, reos crimina, de quibus accusati erant, commisisse, nullo alio consilio in iudicio compareant, nisi ut reorum vitam, quatenus eam noverint, integram sanctamque esse testentur. Qui ipsi *laudatores* vocabantur. ⁶⁸⁾ Cicero e. g.

⁶⁶⁾ Ps. Ascon. argum. ad Cic. Verr. pag. 155. (Or.)

⁶⁷⁾ Cf. insuper Cic. in Verr. III. LXII. §. 146. auct. ad Herenn. II. III. Valer. Max. II. 1. §. 1. I. 7. §. 3. ad leg. Jul. maj.

⁶⁸⁾ Cic. pro Font. III. §. 6. 1. §. 23. pro Cinent. XI. §. 56. LXIX. §. 196. u. a. f. in Verr. V. XLII. §. 57. Ascon. ad Cic. Scaur. pag. 28. (Or.) Cic. pro Flacc. XLVI. pro Coel. II. §. 5. in Verr. II. XLVI. §. 114. XLVI. §. 64. IV. LXVI. §. 147. II. LXI. §. 139. v. §. 13. pro Font. II. §. 4. pro Scaur. II. §. 41. 43. pro Cluent. XI. §. 110. pro Sull. XXX. §. 81. de orat. II. LXXXIV. §. 344. LXXXV. §. 348.

Pompejus laudationum nsm lege aut omnino interdisisset (Dio Cass. XI. §. 52.) aut saltem circumscripsisset (Valer. Max. VI. II. §. 5.) videtur. Sed is ipse legem non curans Plancum, de vi ex lege Pompeia reum, landavit. Dio Cass. XI. 55. Plut. Cato min. 48. Pomp. 55. Valer. Max. VI. II. §. 5. Et Suetonius in Aug. 56. *laudationem judicalem* Octaviani aetate, Quintilianus in I. O. III. VII. §. 2. eam ipsius aetate rursus fieri solitam esse demonstrant.

Non ita apte Rosshirt (N. Archiv d. Criminalrechtes XI. S. 392.) laudatorum subscriptorumque partes similes vocat.

narrat, Syracusanam civitatem Verris, praetoris Siciliensis, *laudationem*, quae in iudicio, in quod de repetundis vocatus erat, cum iudicibus communicaretur, decrevisse⁶⁹⁾ et eo in decreto his verbis usam esse⁷⁰⁾: „Quod Verres virgis „neminem cecidisset, quod vigilanter provinciam administrasset, quod praedones procul ab insula Sicilia prohibuisset.“ Etiam laudatores, quam vim voci *testis* fuisse docuimus, pro testibus habere debemus atque revera interdum auctores veteres, quum de iis agunt, voce *testimonium* utuntur.⁷¹⁾ Non raro ceterum vox *laudator*, quae enim denotabat, qui generatim de rei vita moribusque testimonium dicebat, voci *testis*, quae ipsa strictiore sensu eum tantum significaret, qui singulas res gestas ad crimen, de quo reus postulatus erat, probandum vel negandum prolatus testaretur, opposita esse videtur.⁷²⁾

Tum reis ab accusatoribus non id unum crimen, de quo nomen eorum delatum erat, sed alia etiam exprobrabantur, aperte non ea de causa, ut rei horum quoque criminum poena afficerentur, sed ut eorum vitae afferretur infamia, quo certius reus crimine, quo eo ipso tempore erat accusatus, condemnaretur. Et de his quoque criminibus, de quibus reus non postulatus erat, ergo solum ad probandum, vitam rei reprehendendam esse, testes interrogabantur.⁷³⁾ Testes, qui

⁶⁹⁾ Cic. in Verr. IV. LXIII. §. 141. seqq.

⁷⁰⁾ Cic. in Verr. IV. LXIV. §. 144.

⁷¹⁾ Cic. in Verr. II. XLVI. §. 114. pro Cluent. XLVIII. §. 132. LXIX. §. 196. pro Planc. XI. §. 27. pro Sest. IV. §. 9. 10. pro Flacc. XV. §. 36.

⁷²⁾ Cic. pro Balb. XVIII. §. 41. pro Cluent. LXX. §. 198. pro Flacc. XVI. §. 37.

⁷³⁾ Cic. in Verr. I. IV. §. 11. v. XXVIII. §. 71. Ps. Ascon. ad Cic.

Verr. pag. 155. (Or.) Cic. in Verr. III. XXXVI. §. 83. LXXV. §. 175. (coll. c. LXXVI. §. 177. LXXXVIII. §. 206.) IV. XL. §. 86. (coll. c. XII. §. 88.) V. XXIV. §. 61. LV. §. 143. XXIX. §. 73. (coll. c. XXX. §. 79.) XXXIV. §. 90. LIX. §. 154. LXIII. §. 163. (coll. c. LXVII. §. 173.) (III. LXXX. §. 168.) pro Coel. XXVIII. §. 66. Cf. ad. h. l. Waechter Revis. der Lehre von d. Verbr. der Gewaltthät. im N. Archive d. Criminalrechtes XIII. S. 11.

generatim tantum, vitam moresque rei reprehendenda esse, iudicibus probare sint conati, quos forte *vituperatores* vocatos esse existimares, non invenimus.

Saepe etiam vox *auctor* ad testem significandum usurpabatur⁷⁴⁾ et *auctoritates* nonnunquam testimonia praesertim civitatum significabant.⁷⁵⁾

Dicendi formula *adesse alicui*, qua saepe de iudiciis agentes utebantur,⁷⁶⁾ minime, ut quidam⁷⁷⁾ arbitrari videtur, ad solas patroni partes pertinebat. Quam e contrario non minus in advocati⁷⁸⁾ et laudatoris⁷⁹⁾ quoque partibus usurpatam esse, certo scimus.

Etiam in teste⁸⁰⁾ et laudatore⁸¹⁾ *defendere* dicebatur.

CAP. II.

Cui testimonii dandi facultas fuerit.

Non solum singulis hominibus, sed etiam civitatibus collegisque privatis testimonii reddendi erat copia.

Primum de civitatum privatorumque collegiorum testimoniis disseremus.

⁷⁴⁾ Cic. pro Font. III. §. 6. in Verr. V. I. §. 131.

⁷⁵⁾ Cic. pro Coel. XII. §. 55. in Verr. act. I. XVIII. §. 56. III. §. 7. XI. §. 33. III. LXII. §. 146. V. XXXIX. §. 103. Ceterum auctoritates hisce in Verr. locis commemoratae tantummodo ad testimonia ac non ad tabulas publicas, in quibus aliud quid conscriptum fuerit, referendas esse, exploratum non est.

⁷⁶⁾ Cic. ad Att. I. I. §. 3. n.

a. f. ad famil. VI. XIV. §. 3. topic. XVII. §. 65. (Phll. II. XXXVII. §. 95.) Suet. Aug. 56.

⁷⁷⁾ Hanboid in Helnecc. antiq. Rom. ed. Hanbold pag. 56.

⁷⁸⁾ Cic. pro Sull. XXX. §. 81. XXX. §. 83. pro Quint. VIII. §. 30. 31. (de orat. II. LXV. §. 262.)

⁷⁹⁾ Cic. pro Sull. XXX. §. 81.

⁸⁰⁾ Cic. pro Balb. XIX. §. 43.

⁸¹⁾ Cic. in Verr. IV. LXIV. §. 143. pro Font. II. §. 4. coll. c. III. §. 5. pro Sull. XXX. §. 81.

Jam non defuerunt, qui statuerent, testimoniis vel a civitatibus vel a privatis collegiis redditis iudices non de singulis rebus, quae in crimine, de quo reus postulatatus erat, momenti aliquid habebant, edoctos, sed per ea sententiam tantum aliquam, qua rei vitam vel laudarent, vel eam vituperarent, allatam esse. Pro ea opinione testimonia a civitatibus vel aliis collegiis pro reo reddita semper laudationum nomine comprehendenda essent.

Sed quae ab antiquis traduntur, parum opinionem istam adjuvant, in qua id tantum veri inest, testimonia de singulis et plerumque quam maxime occulte gestis rebus rarius a publicis privatisve collegiis pro magno eorum, qui hoc conjuncti sunt, numero quam a singulis hominibus dari posse et ergo rarius data esse.

Quod enim ad collegiorum testimonia *adversus* reum dicta attinet, multi veterum loci, qui de iis accuratius copiosiusque agunt, testimoniorum afferunt exempla, quibus iudices de singulis ad crimen, de quo rei nomen delatum erat, pertinentibus rebus edocti sunt: ut legati Centuripinae, Halesinae, Catinensis, Panormitanae multarumque praeterea civitatum in Verrem pro testimonio dicunt, *tota Sicilia per triennium neminem ulla in civitate senatorem factum esse gratis; neminem, ut leges eorum sunt, suffragiis; neminem nisi istius imperio aut literis: atque in his omnibus senatoribus cooptandis non modo suffragia nulla fuisse, sed ne genera quidem spectata esse, ex quibus in eum ordinem cooptari liceret, neque census neque aetatis neque cetera Siculorum jura valuisse.*¹⁾ Porro Cicero refert,²⁾ Artemonem Andronemque legatos a Centuripina civitate esse delectos, *ut possent multas Verris et varias injurias quam apertissime iudiciis planissimeque explicare;* legatos Enneuses publice dixisse,³⁾ sese a suis civibus ea habere mandata, ut ad Verrem

¹⁾ Cic. in Verr. II. XLIV. §. 120.

³⁾ Cic. in Verr. IV. LI. §. 113

²⁾ Cic. in Verr. II. LXIV. §. 114.

adirent eumque Cereris et Victoriae simulacra (quae Verres Ennensibus abripuerat) reposcerent, si Verres ea non reddidisset, *tum ut iudicio adessent et de Verris injuriis* (sine dubio de simulacris illis abreptis) *judices edocerent*; legatos Tyndaritanos publice apud iudices dixisse, Mercurium, qui sacris anniversariis ab ipsis ac summa religione colebatur, a Verre vi sublatum esse,⁴⁾ Romae Verrem esse pollicitum, sese id signum legatis esse redditurum, si ejus rei testificatio tolleretur cautumque sibi esset, ne ii testimonium dicerent, dixisse hoc apud iudices Zosippum et Hismeniam, principes Tyndaritanae civitatis.⁵⁾ Dicit nimirum illos Tyndaritanos legatos. In caussa Verrina iudicibus Cicero Apronij, administri Verris in decumis exigendis, improbitatem singularem gravissimarum legationum querimoniis comprobata in memoriam redigit.⁶⁾ Testimonia publica Agyrinensis civitatis,⁷⁾ Liparensium,⁸⁾ Tissensium,⁹⁾ Amestratinorum,¹⁰⁾ Thermitanorum,¹¹⁾ Imacharensium¹²⁾ in Verrem data accurate indicavere, quantum frumenti atque pecuniae Verres per occasionem decumarum exigendarum hisce civitatibus extorsisset. Philinus Herbitensis *de calamitate aratorum et de fuga et de reliquorum paucitate, de Verris rapinis in decumis exigendis effectis publice*, i. e. a civitate sua jussus ejusque nomine¹³⁾, pro testimonio dixit.¹⁴⁾ Cicero in caussa

⁴⁾ Cic. in Verr. IV. xxxix. §. 84.

⁵⁾ Cic. in Verr. IV. xlii. §. 92.

⁶⁾ Cic. in Verr. III. ix. §. 22.

⁷⁾ Cic. in Verr. III. xxi. §. 73. 74.

⁸⁾ Cic. in Verr. III. xxxvii. §. 84. 85.

⁹⁾ Cic. in Verr. III. xxxviii. §. 86. 87.

¹⁰⁾ Cic. in Verr. III. xxxix. §. 88. 89.

¹¹⁾ Cic. in Verr. III. xlii. §. 99. 100.

¹²⁾ Cf. adn. ¹¹⁾

¹³⁾ Cic. in Verr. IV. viii. §. 17. V. xxi. §. 58. xlix. §. 128. II. xlix. §. 120. III. xlii. §. 100. lxxiii. §. 170. lxxxvii. §. 200. IV. vii. §. 16. xi. §. 25. xlii. §. 92. xlvii. §. 104. li. §. 113. 114. lxi. §. 139. lxiv. §. 142. lxx. §. 145. lxxvii. §. 150. V. lviii. §. 149. pro Flacc. vii. §. 17. xv. §. 34. pro Cluent. lxxix. §. 196.

¹⁴⁾ Cic. in Verr. III. xxxiv. §. 80.

Verrina ad iudices se convertens: „Memoria tenetis,“ inquit,¹⁵⁾ „Artemidorum Aetnensem, legationis eius principem, publice dicere, Apronium venisse Aetnam cum Veneriis; vocasse ad se magistratum; imperasse, ut in foro sibi medio lecti sternerentur... Sed mihi Aetnensium brevis est oratio. Ipsi enim venerunt... Docuerunt vos, quid lucelli fecerit homo non malus familiaris praetoris, Apronius. Id, quaeso, ex ipsorum testimoniis cognoscite. Recita testimonium Aetnensium. TESTIMONIUM AETNENSIMUM. Quid ais? (sc. tu, qui testimonium recitasti,) dic, dic quaeso clarius, ut... L MEDIMNUM, HS L MILLIA.“ Magnitudo igitur frumenti pecuniaeque Aetnensi civitati decumarum titulo expressorum illius civitatis testimonio accurate est indicata. „Quid,“ Cicero de hac Aetnensis civitatis spoliatione loquens pergit,¹⁶⁾ „hoc Aetnenses soli dicant? Immo etiam Centuripini, qui agri Aetnensis multo maximam partem possident.... Aratores Centuripini“ (qui quum a Cicerone senatui Centuripino oppositi sint, privato collegio conjuncti esse debebant) „tres legatos, cives suos, delegerunt, ut eorum testimonio non unius agri, sed prope totius Siciliae calamitates cognosceretis.“ Alio Verrinae accusationis loco Cicero: „Dicunt,“ inquit,¹⁷⁾ „legati Melitenses publice¹⁸⁾, spoliatum templum esse Junonis: nihil istum (Verrem) in religiosissimo fano reliquisse,“ et tertio loco de Verre narrat:¹⁹⁾ „Deinde alii quaestus instituantur, ex uno genere navali videte quam multi: accipere a civitatibus pecunias, ne nautas darent: pretio certo missos facere nautas: stipendium lucrari: reliquis, quod deberet, non dare. Haec omnia ex civitatum testimoniis cognoscite;“ denique:²⁰⁾ „Verrem pretio milites remigesque dimisisse ar-

¹⁵⁾ Cic. in Verr. III. XLIV. §. 105. 106. XLV. §. 106.

¹⁶⁾ Cic. in Verr. III. XLV. §. 108.

¹⁷⁾ Cic. in Verr. IV. XLVII. §. 104.

¹⁸⁾ Cic. in Verr. II. LXIV. §. 156.

¹⁹⁾ Cic. in Verr. V. XXIV. §. 61.

²⁰⁾ Cic. in Verr. V. LI. §. 133.

„quo . . . Hoc Netinorum foederata civitas publice dicit : „hoc Herbitenses, hoc Amestratini, hoc Ennenses, hoc Agyrinenses, Tyndaritani, Locrenses publice dicunt.“ In caussa Flacciana Asclepiades, qui se Acmonensis civitatis ad testimonium ejus nomine in Flaccum dandum legatum esse simulat, dixit publice data drachmarum CCVI millia,²¹⁾ et Maeandrius, qui pro Trallianae civitatis legato ejusque publico teste se gerit, Flaccum reum pecuniam apud Trallianam civitatem Flacci patris nomine a civitatibus collatam inde abstulisse queritur.²²⁾

Quod ad testimonia pro reo dicta attinet, civitates aut collegia privata etiam singulas res, quae accusationem refutarent, judices edocuisse, ergo non laudationes tantum de bonis rei moribus dedisse, Cicero e. g. in oratione pro Archia poeta adversus Gratium, Archiam civem Romanum esse negantem, habita significat, quum haec dicit²³⁾: „Adsunt Heracleenses legati, „uobilissimi homines: hujus judicii caussa cum mandatis et „cum publico testimonio venerunt, qui hunc adscriptum Heracleensem (al. Heracleae) dicunt.“ Cicero, Archiam civitatem habere, probaturus lege Silvano et Carbone rogantibus lata nititur, quae praecepit, ut civitas data esset, *si qui foederatis civitatibus adscripti fuissent: si tum, quum lex ferebatur, in Italia domicilium habuissent: et si sexaginta diebus apud praetorem essent professi*. Itaque primum omnium Ciceroni, Archiam foederatae alicui civitati adscriptum fuisse, planum faciendum est. Quod Cicero publico illo Heracleensium testimonio, quo, Archiam Heracleae, foederatae civitati, adscriptum esse, confirmatur, ostendit.

Ceterum constat, sicut civitates et sine dubio privata quoque collegia singulas res ad crimen, de quo reus postulatus erat, pertinentes pro iis, quae modo exposuimus, te-

²¹⁾ Cic. pro Flacc. xv. §. 34.

²³⁾ Cic. pro Arch. iv. §. 8.

²²⁾ Cic. pro Flacc. xiii. §. 55.

stata sint, eadem et laudationes reorum decrevisse²⁴⁾ et res, quae non ad crimen, quo reus accusatus erat, pertinebant, sed eo solo consilio commemorabantur, ut iudices male de rei vita et moribus existimarent, testata esse.²⁵⁾

Itaque, si testandarum rerum natura spectetur, civitates, privata collegia et singulares homines eandem testandi copiam habere existimabantur.

Jam nobis hoc loco etiam illud examinandum est, utrum, qui civitate inter se connexi aut collegio aliquo privato conjuncti erant, cuncti de testimonio dando vel non dando et de iis, quae testimonio affirmanda essent, decreverint, an eorum nomine soli senatus, decuriones et qui forte collegiis privatis praeerant.

Testimonii a collegio privato dati unum tantum exemplum nobis traditum est, testimonium illud aratorum Centuripinorum in Verrem dictum.²⁶⁾ Hic fortasse — nam hoc de testimonio non satis accurate accepimus, ut certi aliquid statuere possemus — aratores ipsi legatos ad testimonium in Verrem dandum delegerunt et iis, quae aratorum nomine pro testimonio dicerent, praescripserunt.

De testimonio contra a civitate dando hic populi concionem, illic senatum decurionesve civitatis decrevisse et decretum ab iis testimonium pro civitatis testimonio comperimus habitum esse. Sed, parum hac de re ab antiquis scriptoribus edocti, non habemus, quomodo, ubi populi concio, ubi senatus de civitatis testimoniis decreverit, certo statuamus.

De civitatum testimoniis ab ipsarum senatu decurionibusve decretis haec cognovimus: Primum Cicero testimoniis in Flaccum a Graecis civitatibus, ut hujus adversarii contendeant, redditus detrabere cupiens exclamat:²⁷⁾ „Hoc testimonium

²⁴⁾ Cic. in Verr. IV. LXIII. §. 141. seqq. V. XLII. §. 57. pro Cluent. LXX. §. 196. 197. pro Coel. II. §. 5. pro Sest. IV. §. 9. 10.

²⁵⁾ Cic. in Verr. III. LXXVI. §. 83. LXXV. §. 175. coll. c. LXXVI. §. 177. V. XXIV. §. 61.

²⁶⁾ Cic. in Verr. III. XLV. §. 108.

²⁷⁾ Cic. pro Flacc. VII. §. 17.

„est civitatis? Ego testes a Sicilia publice duxi. Verum „erant ea testimonia non concitatae concionis, sed jurati „senatus.“ Dicit igitur aperte Cicero, senatum illa Sici-
liensia testimonia, quae ex Verrina causa satis nobis cognita sunt ac publica illic vel civitatum testimonia dicuntur, dedisse eaque civitatum testimonia habita esse. Quod idem confirmat Ciceronis oratio in Verrem de Centuripinae civitatis testimonio, unde constat, tum *senatum* legatis Centuripinis Androni et Artemoni ea mandata dedisse, quae publice ad civitatem eorum pertinerent, *senatum et populum Centuripinum* de iis injuriis, quas cives Centuripini in aliorum finibus acceperant, legatos noluisse mittere,²⁸⁾ tum Artemonem, Centuripinum legatum atque publice testem, cum Androne legatum *a suis civibus* delectum esse, ut posset multas Verris injurias iudicibus explicare;²⁹⁾ porro, legatos Centuripinos, Halesinos, multarum *praeterea civitatum* pro testimonio dixisse,³⁰⁾ ibidem legimus. Deinde Cicero laudationes *civitatum* commemorat, de quibus barum senatus decurionesve decreverunt. Ubi vero ejusmodi laudationes inveniuntur, ibi etiam alia testimonia civitatum ab earum senatu decurionibusve decreta esse videntur. Non est enim, cur in diversam sententiam eamus. Cicero e. g. ubi *senatum Syracusanum* Verris laudationem decrevisse narrat, copiose refert, neminem senatorum sua sponte primum hac de re suasisse, propterea sortem, cui primo suadendum esset, ductam esse; quibus verbis *senatusconsultum laudationis* conceptum fuerit; denique *senatum* decrevisse, ut laudatio, quae Verri decreta fuerat, tolleretur. Alio loco Cicero hanc eandem laudationem spectans Verris *a Syracusanis publice laudati* mentionem facit.³¹⁾ Denique Cicero Cluentium defendens, quamquam de eadem agit

28) Cic. in Verr. III. XLV. §. 108.

30) Cic. in Verr. II. XLIX. §. 120.

29) Cic. in Verr. II. LXIV. §. 156.

31) Cic. in Verr. II. v. §. 15.

laudatione, et Larinales Cluentium publice laudare et Larinales decuriones laudationem Cluentii decrevisse dicit.³²⁾

Quod ad testimonia civitatum, de quibus populi conciones constituiebant, attinet, Cicero eorum exempla praebeat in oratione pro Flacco habita. Hunc enim ab Asiaticarum civitatum testimoniis defendens Cicero exclamat:³³⁾ „Si Athenis conciones turbulentae fuerunt, quam moderationem putatis in Phrygia aut in Mysia concionum fuisse? . . . „Caesus est virgis Cymacus ille Athenagoras, qui in fame frumentum exportare erat ausus. Data concio Laelio (Flacci accusatori, provincias, in quibus Flaccus numeribus publicis erat functus, ad inquirendum peragranti,) est. Processit ille et Graecus apud Graecos non de culpa sua dixit, sed de poena questus est. Porrexerunt manus: psephisma natum est. Hoc testimonium est civitatis?“³⁴⁾ Et alio loco:³⁵⁾ „Quo (sc. Tralles) quum venisset Laelius ad iratos (sc. Flacco, qui Trallianos coegerat, Castricio cuidam pecuniam jamdiu debitam solvere,) et illud Castricianum vulnus refricuisset: exsiluerunt principes neque in illa concione adfuerunt neque istius decreti ac testimonii auctores esse voluerunt.“

In constituendis civitatum testimoniis senatores decurionesve de diversis sententiis inisse suffragia et plura numero suffragia superiora fuisse, ex eo concludimus, quod Cicero *prope cunctis* senatorum Syracusanorum sententiis consilium captum esse, ut laudatio, quae Verri erat decreta, tolleretur, nuntiat.³⁶⁾ In Asiaticis populi concionibus de testimonio a civitate dando habitis ea civitatis sententia habebatur, in quam plures porrexerant manus.³⁷⁾

³²⁾ Cic. pro Cluent. lxxix. §. 196. 197. Cf. etiam Cic. pro Sest. iv. §. 10.

³³⁾ Cic. pro Flacc. vii. §. 17.

³⁴⁾ His quoque in civitatibus senatum fuisse, itaque non, quod eo caruerit, populum jus de te-

stimoniis civitatum decernendi habuisse, colligimus ex Cic. pro Flacc. xviii. §. 42.

³⁵⁾ Cic. pro Flacc. xxiii. §. 54.

³⁶⁾ Cic. in Verr. iv. lxxv. §. 145.

³⁷⁾ Cic. pro Flacc. vii. §. 17.

Quod *secundo loco* ad *singulos homines* attinet, commune juris praeceptum, quo cuilibet jus testimonii dicendi esset, ita valebat, ut pauci quidam exciperentur. Quorum alteri *aut omnino aut saltem omnibus in judiciis ex certa quadam singulari lege*, alteri vero *tantum in singulis quibusdam causis* jure testandi carebant.

Primum de illis agemus.

Servi ad testimonium dandum non admittebantur. In quaestione tantum i. e. eculeo impositi de eo, quod iudici planum fieri intererat, interrogabantur. Qui vero sic torti respondissent, non testes habitos esse, jam demonstrare studuimus.³⁸⁾ Ubiunque enim servus iudicem de re aliqua probanda certior facturus commemoratur, aut totidem verbis nuntiatur, quaestionem de eo habitam vel eum tormentis admotis interrogatum esse, aut, ubi id non refertur, non est quomodo, hoc non esse factum, explicemus. Porro etiam ille Taciti locus, ubi de Firmio Cato suspicionem in Libonem Drusum conferre studente narratur: „Ut satis testium et qui servi „eadem noscerent, repperit, aditum ad principem postulat;“ servis jus testimonii dicendi defuisse, confirmare videtur.

Sunt,³⁹⁾ qui, ab ea sententia profecti, contendunt tamen, aut semper in perduellionis et majestatis judiciis aut saltem in judiciis ex lege Cornelia majestatis exercitis servis aequae ac liberis per exceptionem testimonium dare licuisse. Quod ut planum faciant, provocant alius ad alium veterum locum. At quemcunque adhibent locum, ne ullo quidem servi testimonium dicunt, sed aut ut indices⁴⁰⁾ aut ut accu-

³⁸⁾ Cf. cap. 1.

³⁹⁾ Heinecc., antiq. Rom., IV. xviii. §. 48. c., Dieck, historische Versuche über das Criminalrecht d. Römer, S. 82.

⁴⁰⁾ Sallust. Catil. 30. Plin. paenegr. 42. Hic locus et ad indi-

cium et ad accusationem referendus est. Dio Cass. lxxviii. 1. ad indicium et ad accusationem et ad quaestionem spectasse potest. Non est, quod, Dionem non de his, sed de testimonio ordinario reddendo cogitasse, statuamus. Liv. ii. 4. 5.

satores⁴¹⁾ commemorantur: quare perspicuis de caussis quaestionis de servo habitae mentio non fit.⁴²⁾ Sed non modo huic exceptioni officit, quod exemplis probari non potest: Cicero, eam nullam esse, luculenter demonstrat. De quaestionibus enim agens laudat instituta Romanorum prudentissimorum hominum, qui, quum de servis in dominos quaeri noluerint . . . , tamen de conjuratione, quae facta Cicerone consule sit, quaerendum putaverint,⁴³⁾ eoque exempla affert servorum, qui eo ipso tempore, quo lex Cornelia majestatis valuit, in caussa quadam majestatis minime eadem, qua ordinarii testes, ratione, sed, sicut in aliis caussis, in quaestione testati sunt. Porro Tacitus non raro servos commemorat⁴⁴⁾, qui in majestatis aliqua caussa, minime ipsi rei, tormentis in reum interrogati sint. Et posteriore quoque tempore in caussis majestatis servos in caput domini tortos esse, his ipsis verbis nobis tradunt.⁴⁵⁾ Quis jam credere potest, Ciceronis aetate servis non in eculeo interrogatis fidem esse habitam, imperatorum tempore iis tantum, quae tormentis adhibitis testati essent, fidem tributam?

Callistratus docet: „Quidam propter lubricum consilii sui . . . admittendi non sunt ad testimonii fidem,“ qui-

⁴¹⁾ l. 7. ad leg. Jul. maj.

⁴²⁾ Vopisc. Tacit. 9. „In eadem oratione (Tacitus) cavet, ut servi in dominorum capita non interrogarentur, ne in caussa majestatis quidem.“ Si hoc loco verba: *Aliquem in quolibet reum interrogare* ad testimonium ordinarium, quod faciunt adversarii, ac non ad quaestionem referre velimus, illic plura statuuntur, quam quae adversarii ipsi statui volunt. Tacitus enim hoc posito nuntiat, servos non modo in majestatis caussis, sed etiam in

aliis ordinarios testes existisse. Contra adversarii, servos tantummodo in majestatis judiciis testandi jus habuisse, statui volunt. Ceterum dicendi formulam: *Aliquem in quolibet reum interrogare* etiam ad quaestionem referri posse, e. g. ex Paull. R. S. V. xvi. §. 5. seqq. et l. 18. §. 6. seqq. de quaestion. efficitur.

⁴³⁾ Cic. orator. partit. xxiv. §. 118.

⁴⁴⁾ Tacit. Annal. ii. 30. III. 67.

⁴⁵⁾ l. 8. §. 1. Cod. ad leg. Jul. maj.

bus verbis spectat ad legis Juliae de vi praeceptum, *ne hac lege in reum testimonium dicere liceret, qui impuberes erunt.*⁴⁶⁾ Haec legis verba non tantum ad testes in reum, sed ad omnes omnino testes referenda esse, lege ergo minus accurate solam majorem testium partem commemorari, recte ponere nobis videtur eo, quod non est, quomodo explicemus, *impueri et judicio publico damnato, quive ad bestias, ut depugnaret, se locaverit, quaeve palam quaestum faciet fecerit*, quibus etiam per legem Juliam de vi, *in reum testimonium dicere*, non licet, copiam fuisse testandi pro reo, in reum non fuisse. Deinde illa ipsa a Callistrato nobis tradita legis Juliae de vi verba etiam in collatione legum Mosaicarum et Romanarum commemorantur,⁴⁷⁾ sed hisce verbis praemissis:⁴⁸⁾ „*Lege Julia de vi quibusdam testimonium*“ (quodlibet ergo et non id solum, quod in reum dandum erat,) „*omnino interdicitur.*“ Nemo erit, qui eo legis Juliae de vi praecepto, impuberibus ante legem Juliam de vi latam in judiciis de vi testimonii dicendi potestatem fuisse, concludat. Fieri enim potuit, ut lex Julia vel tantum verbis exprimeret, quod more jamdiu obtinuerat, vel demum constitueret, quod prior aliqua lex jam sanxerat.

Itaque non est, cur, impuberibus in judiciis de vi Ciceronis aetate testimonii dicendi facultatem fuisse, statuamus: sed neque est, unde, iis hanc defuisse, certo sciamus. Quod si in judiciis de vi obtinendum est, ut idem etiam de aliis judiciis publicis dicamus, animus inclinat.

Sed sint, qui repetundarum in judiciis ex lege Cornelia impuberes testandi copiam certo habuisse contendunt, et e contrario alii, pupillis iis in judiciis testimonii dicendi facultatem defuisse, pro certo arbitrentur. Utrique enim ad suas sententias probandas afferant Ciceronem, qui Verrem, de repetundis ex lege Cornelia reum, accusans de delictis ab eo,

⁴⁶⁾ L. 3. §. 5. de test.

⁴⁶⁾ Coll. legg. M. et R. IX. iv.

⁴⁷⁾ Coll. legg. M. et R. IX. iv §. 2.

§. 1.

quum Malleoli tutor esset, commissis verba faciens haec dicat:⁴⁹⁾
 „Malleolus a me productus est . . . Cur cogis sodalis (C. Malleoli, quaestoris Cn. Dolabellae,) filium, hanc primam „in foro vocem cum dolore et querimonia emittere? . . . „Recita omnium testimonia. Testimonium matris et aviae.“
 At ipse Malleolus non videtur testimonium dixisse; nam si dixisset, procul dubio foret recitatum: sola vero matris et aviae testimonia recitantur. Non oportet autem nos statuere, eum *vocem cum dolore et querimonia* nisi in testando nullo modo emittere potuisse. Denique, Malleolum Verrini iudicii tempore impuberem fuisse, ne exploratum quidem est. Sicut vero hoc ex Ciceronis loco, impuberem testimonium in Verrem dixisse, non efficitur, contra inde, quod Malleolus testimonium l. c. non tribuerit, non debet concludi, impuberi in repetundarum ex lege Cornelia iudicio jus testimonii dicendi defuisse. Nam primum, quod modo commemoravimus, Malleolum etiam Verrini iudicii tempore impuberem fuisse, non exploratum est. Deinde posito, eum hoc tempore fuisse impuberem, Malleoli testimonium in Verrem fortasse propterea poterat deesse, quod hic tam tenerae fuisset aetatis, ut, quomodo Verres ipsum spoliaret, non intelligeret, itaque non haberet, quae pro testimonio diceret. Neque ex loco statim nobis commemorando Ciceronis, impuberem in repetundarum ex lege Cornelia iudicio testandi facultatem non habuisse, confici potest. Cicero de Junio pupillo a Verre expilato agens: „Hic etiam priore actione,“ inquit,⁵⁰⁾ „Q. Hortensius (Verris defensor) pupillum Junium „venisse praetextatum in vestrum (iudices) conspectum et „stetisse cum patruo testimonium dicente questus est: et me „populariter agere atque invidiam commovere, quod puerum „producerem, clamitavit.“ Junius ergo pupillus non dicit testimonium, sed *stat cum patruo testimonium dicente*. Sed

⁴⁹⁾ Cic. in Verr. I. xxxvi. xxxvii.

⁵⁰⁾ Cic. in Verr. I. lvi. ii.

Junium ut pupillum lege testimonium dicere vetitum esse et non propterea testem in Verrem non exstitisse, quod aeque ac Malleolus, quum Verres eum spoliaret, annis minor fuisset, quam ut, quomodo id factum esset, pro testimonio accurate dicere posset, ex hoc loco commemorato iterum minime concludere debemus. Et Junius et Malleolus a Cicerone sine dubio, qui iudicum misericordiam commoverent, sunt producti. Saepe enim, qui in iudicium tantummodo ad iudicum misericordiam implorandam sint adducti, inveniuntur.⁵¹⁾ Ex hisce duobus igitur locis nondum compertum habemus, neque pupillos in repetundarum ex lege Cornelia iudicii jus testimonii dicendi habuisse, neque iis hoc defuisse. Qui, pupillis testandi facultatem in iudiciis repetundarum ex lege Cornelia fuisse, contendunt, jam in alio Verrinae accusationis loco niti conentur, ubi Cicero: „Dicent“ ait⁵²⁾ „hoc (Verrem a Sopatro ob rem iudicandam pecuniam accepisse) Siculi omnes dicent omnes Halicyenses: dicet etiam praetextatus Sopatri filius.“ Sed primum minime certum est, Ciceronem hic testimonium, quod Sopatri filius in iudicio vel revera dicturus esset vel saltem dicere posset, spectasse neque id tantum dicere voluisse, omnes Siculos, omnes Halicyenses atque Sopatri filium praetextatum, si quis forte privatim et non coram iudicibus eos interrogasset, quae ab ipso cum iudicibus essent communicata, confirmaturos esse: deinde Halicyis nusquam tradunt togam praetextam eodem modo et eodem quo Romae tempore positam esse: denique inter ipsos quoque cives Romanos utrum voces *praetextatus* et *impubes* vel *pupillus* eandem vim Cicero-

⁵¹⁾ Cic. pro Flacc. XLII. §. 106. in Verr. I. XII. §. 32. V. XLIX. §. 129. pro Font. XVII. pro Sull. XXXI. §. 88. 89. pro Sest. LXIX. §. 144. pro Coel. XXXII. §. 79. As-

con. ad Cic. Scaur. pag. 29. (Or.) Ps. Ascon. ad Cic. Verr. pag. 167. (Or.).

⁵²⁾ Cic. in Verr. II. XXXIII. §. 80.

nis aetate habuerint⁵³⁾ necne, nondum liquet.⁵⁴⁾ Nequaquam igitur hoc quoque ex Cicronis loco, pupillo in repetundarum iudiciis ex lege Cornelia testandi facultatem fuisse, concludi liceat.

Utrum Cicronis aetate impuberes in iudiciis privatis testandi facultatem habuerint necne, nondum satis habemus compertum.

Callistratus iis, quibus per legem Juliam de vi testimonium dicere non licebat, commemoratis haec addit:⁵⁵⁾ „Quidam propter notam et infamiam vitae suae admittendi non sunt ad testimonii fidem.“

Huc referendum, quod lex Julia de vi vetuit, ne, qui in vinculis custodiare publica esset, in iudicio hac ex lege exercendo testimonium tribueret.⁵⁶⁾ Legis auctor sine dubio eos dixit in iudiciis publicis reos, qui in vinculis tenebantur.⁵⁷⁾ Hanc exceptionem etiam aliis in iudiciis valuisse, verisimile videtur, sed pro certo contendere non possumus.

Improbo intestabilique, qui passim etiam *intestabilis* una voce inducitur, jus testimonii in iudiciis tribuendi deerat. Instituerunt duodecim tabulae:⁵⁸⁾ „Qui se sieri testarier libripensve⁵⁹⁾ fuerit, ni testimonium fariatur, improbus intestabilisque esto.“ Illa verba: *Qui se sieri testarier li-*

⁵³⁾ Savigny, System d. heut. röm. Rechtes, Bd. III. S. 59. ff.

⁵⁴⁾ Liv. xii. 57. coll. c. Macroh. Saturnal. vii. 7. Cf. Gölling, Gesch. d. röm. Staatsverf., S. 67. Zimmern, Gesch. d. röm. Privatr., Bd. I. S. 427.

⁵⁵⁾ I. 3. §. 5. de test.

⁵⁶⁾ I. 3. §. 5. de test. Coll. legg. M. et R. IX. ix. §. 2.

⁵⁷⁾ Liv. iii. 13. xxv. 4. Cic. ad Alt. II. xxiv. Schol. Bobiens. ad Cic. orat. in Vatin. pag. 320.

(Or.) ad orat. pro Sest. pag. 309.

(Or.) Ascon. ad Cic. orat. pro Milon. pag. 51. (Or.) Valer. Max. V. iii. §. 2. VI. i. §. 9. 10. IV. vii. §. 3. VI. ix. §. 13. I. 4. pr. ad leg. Jul. maj. Cf. Brisson., de formul. V. pag. 471. seqq. Klenze, Lehrb. d. Strafverf. S. 50.

⁵⁸⁾ Gell. N. A. XV. xiii. §. 11. Cf. etiam ibid. VI. vii. §. 3.

⁵⁹⁾ Gaj. ii. 107. „nam et is (libripens) testium numero est.“

bripenſe fuerit sine dubio ad mancipationem testamentumque per aes et libram pertinent. Sed quae incommoda improbo intestabileque enascebantur? Sunt, qui putent, ⁶⁰⁾ improbum intestabilemque principio nihil nisi jus sollemnis testimonii dicendi perdidisse, posteriore autem quadam interpretatione intestabili etiam testamenti factionem copiamque aliquid testamento ab alio accipiendi ademptas esse. Quorum sententiae si subscriberemus, improbum intestabilemque, cui secundum illos semper jus testimonii in judiciis dandi fuerit, hic omittere nobis liceret. Sed jam explanabimus, cur nos quidem improbo intestabileque hoc jus derogandum esse arbitremur. Primum vocem *intestabilis* eum utique, cui omnino, ergo et in mancipationibus testamentisque et in judiciis, testimonii tribuendi jus dceſt, ſignificare ſatis conſtare videtur, niſi quis planum fecerit, banc vocem eum ſolum petere, cui testimonii ſollemnis dandi copia deſit. A nobis ſtant Baſilica, quae vocem *intestabilis* in ἀνάγκης vel ἀπόβλητος εἰς μαρτυρίαν ſine ulla circumscriptione vertunt. Tum Gajus haec tradit: ⁶¹⁾ „Cum lege ^{61a)} quis intestabilis jubetur eſſe, eo pertinet, ne ejus testimonium recipiatur et eo amplius, ut quidam putant, neve ipſi dicatur „testimonium.“ Rurſus non habemus, unde eluceat, Gajum hoc in fragmento unum testimonium ſollemnne et nequaquam forenſe dicere. Quod ſtatuit vir quidam doctiſſimus, ⁶²⁾ quoniam Gajo auctore *quidam*, ne ab aliis quidem intestabili testimonium dici licere, putaverint: niſi autem Gajus ſollemnne tantum testimonium ſpectaret, ex illorum ſententia intestabilis omnis juris expers fuerit, quod accipi non liceat. Sed, quod *quidam putant*, idcirco nondum communiter comprobatum juris eſt praecſcriptum neque is, cui testimonium non dicitur, hac de cauſa omnino juris expers eſt. Non minus

⁶⁰⁾ Marezoll, d. bürgerl. Ehre, S. 85. f. Zimmern, Geſch. d. röm. Privatr., Bd. I. S. 460.

⁶¹⁾ l. 26. qui test. fac. poſſ.

^{61a)} Cf. adn. ⁶¹⁾

⁶²⁾ Zimmern l. c.

generatim porro quam Gajus Porphyrio ad Horatium haec tradit: „Antiqui eos, quos in testimonium dimitti nolebant, „intestabiles vocabant.“ Quarto loco, si statuere velimus, intestabili a principio unum hoc tam exiguum jus testimonii sollemnis dandi defuisse aliaque jura interpretatione posteriore demum tempore ei ablata esse, haud liquet, quanquam de causa jam ante eam aetatem, qua illa interpretatio fieri debuit, is usus loquendi, ex quo homines quam maxime invisi despectique vulgari et non ad jus pertinente sensu, tamen huic aptissimo intestabiles vocabantur,⁶³⁾ oriri poterit.⁶⁴⁾

⁶³⁾ Sallust. Jugurth. 67. Gell. N. A. VII. XVIII. Tacit. Annal. VI. 40. 51. XV. 55. Histor. IV. 42. Sallust. orat. Lepid. a. I. Plin. H. N. XXVIII. 7. XXX. 2. Horat. Serm. II. III. 81.

⁶⁴⁾ Quia de causa adducimur, ut non modo, intestabilem semper jure testimonii sollemnis et judicialis tribuendi caruisse, arbitremur, sed etiam, usque ab omni tempore, ex quo intestabiles fieri poterant, testamenti factionem copiamque testamento aliquid ab alio adquirendi eum defecisse, statuamus. Ceterum etiam missa hac ratione. Intestabilem jam ex XII. tabulis testamenti faciendi copiam defecisse, ex l. 18. §. 1. qui test. fac. poss. et l. 5. §. 9. de injur. collatis colligi potest. L. 18. §. 1. cit. constituit: „Si quis ob carmen famosum damnatur, seu auctorconsulto expressum est, ut „intestabilis sit; ergo nec testamentum facere poterit nec . . .“ L. 5. §. 9. cit. sancitur: „Si quis

„librum ad infamiam alicujus pertinentem“ (certe idem, quod carmen famosum) „scripserit, composuerit . . . et si condemnatus sit, qui id fecit, intestabilis ex lege esse jubetur.“ Secundum fragmentum prius nobis allatum Senatusconsultum poenam, qua intestabilis afficitur, in damnatum ob carmen famosum transtulit. In altero autem fragmento, quo traditur: *hic intestabilis ex lege esse jubetur*, si ex lege cum jubetur conjungere accipereque velimus, hoc fragmento enuntiari, legem aliquam, e. g. Corneliam, ut ob carmen famosum damnatus intestabilis redderetur, sanxisse, tum, hanc vim in verbis: *ex lege jubetur* inesse, vix explanare possumus (Cf. Walter, Geschichte des römischen Rechtes, S. 810. N. 52. et Marezoll, die bürgerliche Ebre, S. 91. N. 4.), tum commemorata duo fragmenta inexplicabiliter quodam modo inter se repugnant. Quin, quod ad verba attinet, multo

Ceterum Ciceronis aetate intestabilium conditionem nondum obolitam fuisse, ex eo conjici potest, quod in Institu-

aplius *ex lege* cum *intestabilis* conjungimus et, ne duo illa fragmenta inter se discrepent, Senatusconsultum constituiamus dicimus, ut ob crimen famosum damnatus intestabilis esset habendus, itaque in commodis, quibus lex XII. tabularum hunc mitteret, esset afficiendus? Quoniam autem ex lege 5. §. 9. cit. scimus, ob crimen famosum damnato incommoda, quae lex XII. tabularum intestabili constituit, illata esse et ex l. 18. §. 1. cit. cognitum habemus, ob crimen famosum damnatum intestabilem redditum esse et ergo testamenti faciendi copiam eum defecisse, jam concludamus necesse est, secundum XII. tabularum quoque legem intestabilem testamenti factionem non habuisse. Difficile est intelligere, quomodo, qui contendunt, omnia jura, excepto eo uno testimonii sollemnibus praebendi jure, posteriore demum tempore intestabili adempta esse, hoc ex Gaii l. 26. qui testamentum facere poss., Gellii Noct. A. VI. VII., Porphyronis ad Horatium verbis supra exscriptis, Basilicis denique, quae vocem *intestabilis* verbis ἀνάγκη vel ἀνάγκη τῆς μαρτυρίας in linguam Graecam transtulerint, colligere possint. Refert quidem Gajus: „Quoniam lege quis Intestabilis jubetur esse, eo pertinet,

„ne ejus testimonium recipiatur;“ at Digestorum compilatores minime propositum habuere, omnia incommoda, quibus intestabiles affecti sint, enumerare, sed sub titulo: *Qui testamenta facere possunt* aperte id commemorare satis habuerunt, quod Gajus de iis solis improborum intestabiliumque in commodis, quae ad testamentum faciendum pertinebant, nuntiaverat. Omnino idem etiam de Ulpiani l. 18. §. 1. qui test. fac. poss., quae, ob crimen famosum damnatum Senatusconsulto intestabilem fieri, ergo nec testamentum facere posse nec ad testamentum adhiberi, traditur, dicendum est. Gellius porro docet, lege Horatia Tarratiae plurimos honores factos, inter quos jus quoque testimonii dicendi ei tributum testimoniique una omnium feminarum ut esset, datum esse. Aperte ad nudam vocem *testabilis* respiciens Gellius addit: „Contrarium in XII. tabulis scriptum est: improbus intestabilisque esto.“ Jam sic concludunt: *Testabilis* idem quod praecedentia verba i. e. eam, cui jus testimonii dicendi tributum sit, significat et a Gellio ea sola de causam adjicitur, ut ipsum verbum, quo lex Horatia usa sit, commemoretur. Sed nunc hac de re certiores sumus? *Jus testimonii dicendi*, pergunt, est jus testimonii solle-

tionibus quoque Justinianeis⁶⁵⁾ improbi intestabilesque inter eos, qui in testamento faciendo testes esse non possint, enumerantur⁶⁶⁾ et porro in Digestis hic illic⁶⁷⁾ statuitur, ob carmen famosum damnatum intestabilem reddi.

Nequaquam teneri potest, *infami* generatim jus testimonii in iudicio tribuendi defuisse. Primum enim nusquam, quod sciam, hoc juris praeceptum a Romanis scriptoribus statuitur neque, quicumque erant infames, singuli juris testimonii dicendi aut omnino aut singulis in judiciis expertes fuisse traduntur. Deinde leges Juliae de vi, repetundarum et peculatus, quae enumerasse videntur, quibus testandi jus

mnis praebendi. Cujus circumscriptionis causam aliquam rursus non addunt. Denique statuunt, vocem *intestabilis*, quam Gellius legis Horatiae voci *testabilis* fortasse verbi tantummodo gratia opposuit, accurate contrarium ac vocem *testabilis* continere. At hoc quunque auctoritate eget. His ex vano positis tandem elucere dicunt, intestabilem eum significare, cui jus testimonii sollemnis dandi desit. Porphyronis deinde adnotationi ad Horatium opponimus Scholiastae ad ejusdem Horatii Sermon. II. III. 81. allam adnotationem: „Intestabilis, cui non licet testamentum condere vel testamento quid ab alio accipere.“ Si ex illo loco colligi necesse sit, antiquitus intestabilem solum jus testimonii sollemnis dandi defecisse, hoc ex ioco concludere debemus, intestabili posteriore tempore testamenti factionem copiamque testamento aliquid ab alio acquirendi defuisse, jure contra testimonii et sollemnis

et judicialis tribuendi non caruisse. Nemo erit autem, qui hoc defendat. Neutro enim in loco id agitur, ut omnia detrimenta, quae intestabilis patitur, enumerentur, neutro in loco subtilitas juri investigando idonea animadvertere possumus. Vox denique, qua Basilica vocem *intestabilis* in Graecum transferant, nulli momenti est. Verbum quam brevissime tantummodo reddendum fuit: tota vero verbi vis non nisi multis Graece exprimi poterat.

⁶⁵⁾ §. 6. J. de testam. ord.

⁶⁶⁾ Theopilius ad hanc paragraphum eandem illam causam, ex qua quis intestabilis fiat, refert, quam ex XII tabulis cognitum habemus. Aetali, qua scripsit, congruenter Theopilius non de testamento per aes et libram, sed de testamento per septem testes subscribendo loquitur.

⁶⁷⁾ I. 18. §. 1. qui test. fac. poss. I. 21. pr. de test. I. 5. §. 9. 10. de injur.

in judiciis his ex legibus deesset, certos quosdam infames in horum numero non retulerunt. Compertum enim habemus,⁶⁸⁾ in publico iudicio calumniae causa aliquid fecisse iudicatum infamia notatum esse. Papinianus autem de hoc dicit:⁶⁹⁾ „Quaesitum scio, an in publicis iudiciis calumniae damnati „testimonium iudicio publico perhibere possunt? Sed neque „lege Remmia prohibentur et Julia lex de vi et repetundarum „et peculatus eos homines testimonium dicere non vetuerunt; „verumtamen, quod legibus omisum est, non omittetur religione iudicantium, ad quorum officium pertinet, ejus „quoque testimonii fidem, quod integrae frontis homo dixerit, perpendere.“ Jam hoc ex fragmento id quoque intelligitur, Papinianum nullum juris praeceptum, secundum quod infami generatim testimonium dicere non liceret, cognitum habuisse; quia, si habuisset, certe Papinianus, qui calumniae damnatos a testimonio propulsare quam maxime cupit, propter illud praeceptum calumniae damnato jus testimonii dicendi ademisset. Quoniam vero Papinianus juris aliquod praeceptum, quo infami generatim jus testandi defuerit, cognitum non habuit, quilibet sine dubio facile, id omnino non fuisse, arbitrabitur.

Lex Julia repetundarum propter turpitudinem senatu motum neque restitutum testimonium dicere vetuit.⁷⁰⁾ Quia senatu moveri minori erat damno quam infamem reddi,⁷¹⁾ jam dixerit quispiam, non esse verisimile, minori poena affectum jus testimonii tribuendi amisisse, majorem quandam poenam sustinentem hoc jus retinuisse, statuendum esse

⁶⁸⁾ l. 1. de his, qui not. inf.

⁶⁹⁾ l. 13. de test.

⁷⁰⁾ l. 2. de senator.

⁷¹⁾ l. 3. de senator. et g. 5. J. de cap. minut. coll. c. l. 2 g. 4. de his, qui not. inf. et l. 3. Cod. de re milit. Cf. Savigny.

Syst. d. heut. röm. R. Bd. II. S. 210. (b.) Liv. VII. 2. Valer. Max. II. IV. 4. Augustin. de civit. del. II. 13. coll. c. Liv. XLV. 15. Cic. pro Cluent. XLII. g. 122. l. 5. g. 2. de extraord. cognit.

igitur, legem Juliam repetundarum etiam infamibus jus in judiciis hac lege exercendis testimonii dicendi ademisse. At sic concludi non debere, Digestorum quodam fragmento⁷²⁾ docemur, ex quo, unam saltem classem infamium ex lege Julia repetundarum jure testimonii dicendi praeditam fuisse, constat.⁷³⁾ Ergo omnibus infamibus ex lege Julia repetundarum testimonii tali in quaestione dicendi jus defuisse, nequaquam teneri potest. Sed neque, illo fragmento auctore, omnes infames in quaestionibus ex lege Julia repetundarum juris testimonii dicendi participes fuisse, statui licet, quum, eam conjecturam vanam esse, exemplo legis Juliae de vi, quae ut lex Julia repetundarum calumniae in iudicio publico damnato jus testimonii dicendi concedit,⁷⁴⁾ aliis infamibus contra adimit,⁷⁵⁾ doceamur.

De facultate infamium dicendi testimonii his omnibus expositis hoc tantum certo scimus: Lege Julia de vi cautum est, ne hac lege testimonium dicere ei liceret, qui capitali crimine damnatus neque in integrum restitutus est,⁷⁶⁾ qui ad bestias ut depugnaret se locavit, qui depugnandi causa auctoratus quive jaculandi causa ad urbem missus est.⁷⁷⁾ Contra publico iudicio calumniae damnato leges Juliae de vi, peculatus et repetundarum, testimonium dicere, permisissent.⁷⁸⁾ Quae una lege sancita essent, in unoquoque ex

⁷²⁾ l. 13. de test.

⁷³⁾ Omnino ejusmodi conclusiones incertae sunt. Sint etiam a. g., qui statui necesse esse ducant, simulac qui pro socio, tutelae, mandati, depositi suo nomine damnum fuissent, infamia sint notati (l. 1. de his qui not. inf.), etiam omnes in iudicio publico poena affectos infames reditos esse. Atque hanc opinionem falsam esse, demonstrant l.

1. de his qui not. inf., l. 1. §. 6. de postul. l. 1. pr. ad leg. Jul. de vi priv.

⁷⁴⁾ l. 13. de test.

⁷⁵⁾ l. 3. §. 5. de test.

⁷⁶⁾ l. 3. §. 5. de test. l. 1. §. 6. de postul.

⁷⁷⁾ l. 3. §. 5. de test. Coll. iegg. M. et R. IX. ix. §. 2. l. 1. §. 6. de postul. l. 1. de his, qui not. inf.

⁷⁸⁾ l. 13. de test.

aliis etiam legibus iudicio valuisse, temere statuat aliquis. Quod in dubio relinquendum esse, quum ex aliis tum inde, quod Marcellus tradit,⁷⁹⁾ *Cassium Longinum non putasse ei permittendum, qui propter turpitudinem senatu motus nec restitutus sit, testimonium dicere, quia lex Julia repetundarum hoc fieri vetaret*, colligimus. Per Marcellum igitur comperimus, ipsius adhuc aetate illam opinionem, ex qua, quod una aliqua lege de testimonii dicendi copia esset constitutum, nisi ex criminis, de quo haec lex ageret, proprietate explicari posset, ubique esset ratum, nequaquam omnibus acceptam fuisse: quamquam hodie saepius ea defenditur.

Nonnulli etiam Ciceronis aetate *non infames quidem, sed quadam tamen vitae nota affecti* iure testimonii in iudiciis certis quibusdam ex legibus dandi carebant. Copia testandi deerat in quaestionibus ex lege Julia de vi ei, qui publico, non capitali iudicio damnatus neque in integrum erat restitutus, tum ei, quae palam corpore suo quaestum fecerat,⁸⁰⁾ denique ei, qui, ob testimonium dicendum vel non dicendum pecuniam accepisse, iudicatus vel convictus erat:⁸¹⁾ deerat in iudiciis ex lege Julia repetundarum ei, qui propter turpitudinem senatu motus nec restitutus erat.⁸²⁾ Denique lege Julia repetundarum condemnatus baud dubie hac lege omnino testimonio prohibebatur.⁸³⁾

Denique nobis jam de *feminarum* testandi facultate exponendum est.

⁷⁹⁾ l. 2. de senator.

⁸⁰⁾ Cf. Savigny, Syst. d. heut. röm. R. Bd. II. S. 220. et Beil. VII.

⁸¹⁾ l. 3. §. 5. de test. Coll. legg. M. et R. IX. IX. §. 2. Qui pecunia accepta falsum testimonium dixerat, quo quis publico iudicio rei capitalis damnetur, ca-

pitali poena afflictebatur, infamis reddebatur: itaque huc non pertinet. l. 1. §. 1. l. 3. §. 5. ad leg. Cornel. de sicar. l. 2. de publ. iud. l. 1. §. 6. de postul.

⁸²⁾ l. 2. de senator.

⁸³⁾ l. 6. §. 1. de leg. Jul. repetund. l. 15. pr. de test. l. 20. §. 5. qui test. fac. poss.

Ante omnia paucis videamus, num feminis facultas testimonii judicialis dandi jam antiquitus et ante Ciceronem fuerit. Primis rei publicae Romanae temporibus feminis eam copiam defuisse, vix in dubium vocari licet.⁸⁴⁾ Gellius per legem Horatiam super Tarratia, virgine Vestae, ad populum latam quum plurimos ei honores factos esse, tum *jus* quoque testimonii dicendi *testabilisque una omnium feminarum ut esset, datum esse* refert.⁸⁵⁾ Plutarchus de Poplicolae aetate agens idem his verbis enuntiat: ⁸⁶⁾ „Ἐσχε δὲ τιμὰς ἀντὶ τούτου μεγάλας, ἐν αἷς ἦν καὶ τὸ μαρτυρίαν αὐτῆς δεῖ-
„χεσθαι μόνης γυναικῶν.“ Ex quo Plutarchi loco id tantum novi comperimus, Poplicolae aetate h. e. statim post reges exactos Tarratiae illum honorem datum esse. Jam si Tarratiae uni omnium feminarum *jus testimonii dicendi* tributum est, ceteris feminis, et ipsi Tarratiae ante legem illam Horatiam latam, *jus testimonii dicendi* defuisse constat. Quum concedamus, *jus testimonii dicendi*, de quo Gellius agit, fortasse non ad solum testimonium judiciale sed ad testimonia etiam sollemnia referendum esse, altera ex parte non minus confidenter contendimus, non esse cur arbitremur, *jus testimonii dicendi* ad testimonium solum sollemne et nullo pacto ad testimonium forense pertinere. De eo, utrum mos an certa quaedam lex feminis *jus testimonii* in judicio dandi derogarit, acriter contendere nolumus. Illud nobis vero propius esse videtur. Sin autem quidam, solum morem feminis *jus testimonii dicendi* derogasse, arbitantes putant, sibi hoc posito datam esse copiam statuendi, feminarum testimonia judicialia inusitata quidem, sed tamen peculiaribus de causis concessa fuisse, contra monemus, Gellio auctore Tarratiae *jus testimonii dicendi* lege Horatia tributum esse, itaque, feminis copiam testimonii dandi legis Horatiae tempore

⁸⁴⁾ Cf. Dirksen, Beiträge zur Kunde des röm. Rechtes, 5te Abhdl.

⁸⁵⁾ Gell. N. A. VI. VII.

⁸⁶⁾ Plut. Poplic. 8.

omnino defuisse, Gellium nuntiare, ueque id tantum, feminae ut testarentur, illa aetate non moris fuisse. Minime ante oculos positum est, Valerium Maximum narrantem,⁸⁷⁾ Semproniam, Tib. et C. Gracchorum sororem, ad populum a tribuno plebis productam esse, ejus ut testis in iudicio mentionem facere. Atque Hortensiam, caussam matronarum gravi tributo a triumviris oneratarum apud hos agentem,⁸⁸⁾ non testem iudicalem fuisse, certum est.

Sunt,⁸⁹⁾ qui putare videantur, Cornelium Sullam primum feminis jus testimonii in maiestatis reos et in hos solos dandi lege sua de maiestate concessisse. Quae opinio nititur unica lege 8. ad legem Juliam maiestatis, cujus verba haec sunt: „In quaestionibus laesae maiestatis etiam mulieres audiuntur; „conjuracionem denique Sergii Catilinae Julia (corr. ex Fulvia) „mulier detexit, et M. Tullium consulem indicium ejus in- „struxit.“ Sullam ipsum mulieribus jus in hoc fragmento commemoratum dedisse, nimirum ex eo colligitur, quod proxima lex de crimine maiestatis ante Catilinariam conjurationem Cornelia fuit. Sed fragmentum illud minime de jure testimonii dicendi exponit. Primum enim fragmentum ei praecedens de iis, quibus maiestatis accusare aut maiestatis crimen deferre liceat, agit et in paragrapho secunda ejus inter alia hoc modo scriptum est: „Servi quoque deferentes au- „diuntur“ et rel. Jam Sallustius, quum de Catilinaria agit conjuratione, narrat, illam Fulviam Ciceroni enuntiasse, G. Cornelium et L. Vargunteium consilium eum confodiendi iniisse.⁹⁰⁾ Fulvia ergo index fuit, quod Papinianus commemorato in fragmento confirmat, quum de indicio Fulviae loquatur. Porro fac, legem Corneliam maiestatis solam et per exceptionem mulieribus jus testimonii in reos ex hac lege

⁸⁷⁾ Valer. Max. III. viii. §. 6.

⁸⁸⁾ Valer Max. VIII. iii. §. 3.

⁸⁹⁾ Sigon., de judic. ii. 29. Heinecc., antiq. Rom. iv. 48. Dieck,

histor. Vers. über d. Criminalrecht d. Römer. S. 87. 88. Rosshirt, N. A. d. Criminalrechtes xi. S. 414.

⁹⁰⁾ Sallust. Catil. 23. 26. 28.

tribuendi concessisse, quomodo explicandum est, quod Cicero Verrem ex lege Cornelia repetundarum ab eodem Sulla lata accusans feminas testes in Verrem facere⁹¹⁾ potuit?

Non dubium est,⁹²⁾ Ciceronis aetate feminas generatim jus testimonii in judiciis dicendi habuisse ejusque juris exercendi causa et ipsas in judicia venisse. Cicero Verrem repetundarum accusans hisce verbis utitur:⁹³⁾ „A me productae mater ejus (Malleoli) atque avia . . . ; eversum a te „(Verre) puerum patriis bonis esse dixerunt;“ porro: „Cur „pudentissimas lectissimasque feminas (sodalis uxorem et socrum) in tantum virorum conventum . . . prodire cogis?“ Quae verba planum faciunt, has feminas in ipso iudicio praesentes voce testimonium tribuisse neque tabulas tantum, in quas testimonium conscripsissent, afferendas iudicibus curasse. Suetonius de Clodio reo adulterii et pollutarum Bonae Deae caeremoniarum narrans, matrem Caesaris Aureliam et sororem Juliam *apud iudices omnia ex fide retulisse*,⁹⁴⁾ tradit, quae iis de adulterio Clodii cum Caesaris uxore Pompeia et de caeremoniis Bonae Deae ab eodem pollutis comperta fuerint. De eadem re in scholiis Bobiensibus haec accepimus: „Aurelia, Caesaris mater, testis in iudicio (al. iudicium) citata est. Ea pro testimonio dixit, suo jussu eum „(Clodium) esse dimissum. Idem dixit Julia soror Caesaris;“⁹⁵⁾ et paulo post:⁹⁶⁾ „Feminae quoque, quae illi sacrificio interfuerant, de interventu virili testimonium dixerant.“ Atqui Clodii delicta *apud iudices* referentes aut in

⁹¹⁾ Cic. in Verr. I. xxvii.

⁹²⁾ Klenze (Zeitschrift für gesch. Rechtswiss. Bd. 7. S. 113.) omnes statim enumerandos locos, qui, feminis Ciceronis et posteriore aetate copiam in judiciis testandi fuisse, probant, negligens, feminis hanc facultatem defuisse, putare videtur.

⁹³⁾ Cic. in Verr. I. xxvii. §.

94.

⁹⁵⁾ Sueton. Caes. 74.

⁹⁶⁾ Schol. Boblens. ad Cic. orat. in Clod. et Cur. pag. 336. 337. (Or.)

⁹⁷⁾ Schol. Boblens. ad Cic. orat. in Clod. et Cur. pag. 338. (Or.)

judicio citatam necesse fuit, in consessu judicum testimonia praesentes dare. Asconius Pedianus de vis judicio, in quod Milo vocatus erat, agens haec narrat: ⁹⁷⁾ „Ultimae testimonium dixerunt Sempronia, Tuditani filia, socrus P. Clodii, „et uxor Fulvia et fletu suo magno opere eos, qui adstant, commoverunt.“ Quae antea ab Asconio sunt relata, demonstrant, mulieres, testimonia dicentes, media in seditiosa turba, quae judicio interfuit, stetisse. In caussa denique Flacciana Falcidii mater sororque ab accusatore productae ⁹⁸⁾ epistolas Falcidii ad se missas protulerunt dixeruntque, Falcidium ad se scripsisse, talenta quinquaginta ipsum Flacco dedisse. ⁹⁹⁾ Ciceronem, Verris in accusatione, quum hunc Catinae signum Cereris ex fano sustulisse narrat, inter alia dicentem: ¹⁰⁰⁾ „Rem cunctus senatus Catinensium legibus iudicat. „Sacerdotes (illius fani) vocantur: ex his quaeritur secreto „in curia, quid esset factum. Respondent illae, praetoris in „eo loco servos esse visos;“ huc afferre nolo, quia Cicero de judicio a cuncto senatu Catinensium exercito, non de judicio Romano loquitur. De ratione autem iudicii apud Romanos exercendi ex institutis forensibus magistratus provincialis conjectura capi non potest.

Jam mihi liceat, etiam ex tempore Ciceronis mortem proxime insequente et exempla feminarum promere, de quibus non ut aliquid novi inusitatique nuntiatur, in judicio testimonium dixisse, et legum fragmenta commemorare, quae, nisi feminis generatim jus testandi fuisse statuas, prorsus non intelligi possunt. Tacitus, Gaium Lutorium Priscum carmen composuisse, tradit, quo Drusi, qui tantum aeger, sed adhuc inter vivos erat, suprema defleret, idque *socrum ejus Vitelliam coram multisque illustribus feminis legisse; quum ejus rei delator exstitisset, ceteris ad testimonium ex-*

⁹⁷⁾ Ascon. ad Cic. Mil. pag. 41.
(Or.)

⁹⁸⁾ Cic. pro Flacc. xxxvii. §.
93.

⁹⁹⁾ Cic. pro Flacc. xxxvi. §.
90.

¹⁰⁰⁾ Cic. in Verr. IV. xlv. §.
100.

• *territis, solam Vitelliam nihil se audivisse asseverasse.*¹⁰¹⁾ Cunctae igitur feminae, quibus coram Priscus legerat, testimonium in iudicio, quo Priscus vitam amisit, dixerunt. Idem Tacitus narrat, Urgulaniam, *testem in causa quadam, quae apud senatum tractata sit, venire dedignatam esse.*¹⁰²⁾ Ut novi aliquid Tacitus tum refert, missum esse praetorem, qui Urgulaniam domi interrogaret. Sine dubio ergo hic femina in causa judiciali testis est et Tacitus id tantum miratur, quod Urgulania non coram ipso iudicio testimonium dicere coacta sit. Suetonius in Claudii vita refert, *scorta meritoria* (sine dubio in causa, cujus cognitionem imperator tractavit)¹⁰³⁾ *citata esse*, quae adversus equitem Romanum, obscoenitatis in feminas reum, testimonium dicerent¹⁰⁴⁾ et in ejusdem imperatoris vita haec narrat: „Inducta teste in senatu: Haec, „inquit (Claudius), matris meae liberta et ornatrix fuit.“¹⁰⁵⁾ Legum mox post mortuum Ciceronem latorum fragmenta, quae supra diximus, haec sunt: *Lege Julia de vi cautum est, ne hac lege ei testimonium dicere liceret, quae palam corpore quaestum faciet, feceritve.*¹⁰⁶⁾ Ex hac exceptione efficitur, feminam corpus non vulgantum in iudiciis de vi secundum legem Juliam jus testimonii tribuendi habuisse. Porro Papi- nianus refert, mulieribus mortem exsequentibus eorum earumque, *in quos ex lege publicorum testimonium invitae non dicunt*, publicam accusationem concessam esse.¹⁰⁷⁾ Ergo secundum legem Juliam iudiciorum publicorum illicitum est, mulieres ad testimonium in certos quosdam reos cogi. Quod fieri vetans lex Julia iudiciorum publicorum profitetur, esse feminis jus testimonii in iudiciis dicendi. Denique Paullus praecipit:¹⁰⁸⁾ „Ex eo, quod prohibet lex Julia de adulteriis

¹⁰¹⁾ Tacit. Annal. III. 49.

¹⁰²⁾ Tacit. Annal. II. 34.

¹⁰³⁾ Cf. Walter, Gesch. des
rom. R. Cap. 26 N. 73.

¹⁰⁴⁾ Sueton. Claud. 15.

¹⁰⁵⁾ Sueton. Claud. 40.

¹⁰⁶⁾ I. 3. §. 5. de test. Coll.

legg. M. et R. IX. II. §. 2.

¹⁰⁷⁾ I. 2. pr. de accusat.

¹⁰⁸⁾ I. 18. de test.

„testimonium dicere condemnatam mulierem, colligitur, etiam „mulieres testimonii in iudicio dicendi jus habere.“ Similiter Ulpianus docet:¹⁰⁹⁾ „Mulier testimonium dicere in testamento quidem non poterit, alias autem posse testem esse mulierem, argumento est lex Julia de adulteriis, quae adulterii damnatam testem produci vel dicere testimonium vetat.“ Cum Paullo et Ulpiano ex hoc praecepto legis Juliae de adulteriis ab Augusto ex integro sanctae¹¹⁰⁾ concludimus, illius aetate feminis universim in iudiciis testandi copiam fuisse. Sunt, quibus mirum esse videatur, primum quod Paulus et Ulpianus, quum planum facere vellent, feminis in iudiciis testimonii dicendi jus esse, hoc nullo modo nisi ex aliqua exceptione, quibusdam feminis testimonio forensi interdicante, conficere potuerint, tum quod Paulus et Ulpianus solius legis Juliae de adulteriis praecepti, testimonium dicere iudiciale feminas adulterii damnatas vetantis, mentionem fecerint, quasi haec una lex quibusdam feminis jus testimonii dicendi ademisset. Quod prius reprehendunt, Paulus et Ulpianus aperte id egere, ut non solo more, quem feminis copiam iudicialis testimonii tribuendi concedere non ignorabant quodque esse fragmentis modo commemoratis nullo modo negaverunt, sed certae cujusdam legis auctoritate, feminis hanc copiam esse, edocerent. Sine dubio autem nulla lege vel expresse et generatim, feminae ut jus testimonii dicendi haberent vel ut in iudiciis ex singulari aliqua lege iis copia testandi esset, praeceptum, sed id tantum legibus sancitum erat, ut certis quibusdam feminis testandi jus deesset. Leges enim non, quibus testandi facultas esset, sed quibus ea deesset, praescripsisse videntur. In alteram animadversionem ante omnia in eo satis est subsidium, quod Paulus et Ulpianus minime docuerunt, ex una lege Julia de adulteriis, feminas jus testandi habere, colligi posse. Facile autem ac-

¹⁰⁹⁾ l. 20. §. 6. qui test. fac. ¹¹⁰⁾ Suet. Octav. 34. poss.

cidere potuit, ut ambo juris consulti, feminarum jus testandi etiam legibus niti probaturi, e pluribus legibus, in quibus, feminis testandi copiam esse, satis perspicue erat cautum, fortuito eandem deligerent. Praeterea quod Paullus lege Julia de adulteriis nixus est, facile eo factum esse intelligas, quod Pauli commemoratum fragmentum ex ejus de adulteriis libris baustum sit. De argumento autem loci in Ulpiani libro primo ad Sabinum, unde Ulpiani illud fragmentum excerptum, nihil accepimus: quare non exploratum est, Ulpianum illo loco non eandem similemve materiam ac Paullum in libro II. de adulteriis tractasse.

De virginibus Vestalibus peculiare aliquid, quod ad jus testimonii forensis dandi attinet, constitutum fuisse, conperit non habemus.¹¹¹⁾ Quod de aetate ante Ciceronem natum, feminas legis Horatiae tempore jus testimonii dicendi non habuisse, ex Gellio et Plutarcho scimus, id etiam ad virgines Vestales referendum esse, iisdem auctoribus certum est. Non nisi lege Horatia Tarratia, *quam virginem Vestae fuisse lex Horatia testis est*, jus testimonii dicendi acquirit testabilisque fit. Posthac eodem fere tempore, quo primas feminas testimonium in judiciis dicentes invenimus, etiam Vestales primae hoc faciunt. Asconius enim de testibus Miloniana in caussa in Milonem productis agens hoc narrat:¹¹²⁾ „Virgines quoque Albanae (al. Vestales)¹¹³⁾ dixerunt, mulierem ignoratam venisse ad se, quae Milonis mandato votum solveret, quod Clodius occisus esset.“ Tacitus vehementer iratus narrat, Tiberii aetate Urgulianiam testem, in senatum venire dedignantem, domi interrogatam esse, *cum virgines Vestales in foro et judicio audiri, quotiens testimonium dicerent, vetus mos fuerit.*¹¹⁴⁾ Qua ex narratione non accu-

¹¹¹⁾ Cf. Dirksen, Beiträge zur Kunde des röm. R. S. 247.

¹¹²⁾ Ascon. ad Cic. Milon. pag. 41. (Or.)

¹¹³⁾ Cf. Cicero's Rede für Milo v. Osenbrüggen. S. 27.

¹¹⁴⁾ Tacit. Annal. II. 34.

rata certe conjici non licet, Vestae virgines priores ceteris feminis spatio inter legis Horatiae et Ciceronis aetatem interposito jus testimonii in judicio dandi adquisivisse. Ceterum Tacitus l. c. solarum Vestalium mentionem facit et non de omnibus feminis loquitur, quippe qui imprimis indignetur, quod Urgulania eundem morem, quem ipsae Vestae virgines, castae sacerdotes, semper coluerint, tenere spreverit idque Urgulaniae sit concessum.

Omnia feminarum exempla testimonia judicialia dicentium, quae afferre possumus, ad judicia publica pertinent. Nihilominus, quia Ulpianus et Paulus ex illo legis Juliae de adulteriis praecepto colligunt, etiam mulieres testimonii in judicio dicendi jus habere, vel cas alias quam in testamento testes esse posse, feminis in privatis quoque judiciis testandi facultatem fuisse, statuere nobis recte videmur, praesertim cum non sit, quomodo feminas in judiciis publicis testari potuisse, in privatis non potuisse explicemus.

Jam secundo loco de iis agemus, quibus tantum in singulis quibusdam causis facultas testimonii dicendi deerat.

Callistratus eos, qui lege Julia de vi testimonium dicere vetabantur, enumerat et haec legis praecepta interpretans addit: „Quidam propter reverentiam personarum . . . non admittendi sunt ad testimonii fidem.“¹¹⁵⁾

M. Cato in oratione, quam apud censores in Lentulum habuit: „Testimonium,“ inquit,¹¹⁶⁾ „adversus clientem nemo dicit.“ Quibus ex verbis, non legem quidem in clientes testari vetuisse, attamen morem huic repugnasse, colligimus: id quod etiam Plutarchus confirmat, qui Gajum Herennium, ut in Marium testaretur, productum dixisse tradit,¹¹⁷⁾ τὸν νόμον ἀφίναί ταύτης τῆς ἀνάγκης (sc. καταμαρτυροῦν πελατῶν) τοὺς πάτρινας. Si per leges patrono, testimonium in clien-

¹¹⁵⁾ l. 3. §. 5. de test.

¹¹⁷⁾ Plut. Mar. 5.

¹¹⁶⁾ Gell. N. A. V. XIII. §. 4.

tem dicere, omnino non licuisset, Gajus Herennius certo non tantum his solis verbis usus esset. Singula illa Catonis verba si accurate, orationis perpetuitate, quam parum novimus, neglecta, sequi volumus, debemus statnere, patronum neque in publicis neque in privatis judiciis in clientem testatum esse. Callistratus nos certiores facit,¹¹⁸⁾ libertis per legem Juliam de vi in patronos liberosve eorum testimonium dicere non licuisse. Quod Ulpianus confirmans addit,¹¹⁹⁾ hac lege liberos praeterea in patronos patronorum suorum testari vetitos esse. Jam animus inclinatur, ut legis Juliae judiciorum publicorum praeceptis¹²⁰⁾ nitentes suspicemur, legem Juliam de vi etiam praecepisse, ne libertis in patronorum parentes, virum et uxorem neve patronis in liberos testari liceret. Nam facile accidere potuerit, ut etiam Ulpianus, id quod de Callistrato exploratum habemus, non omnes, quibus per legem Juliam testari omnino non licuerit, enumeraret. Omnia haec a lege Julia de vi praecepta etiam in aliis publicis saltem judiciis valuisse, verisimile nobis videatur. Sed hic rursus intelligere possumus, quantopere, ne de omnibus publicis judiciis ex nro aliquo conjecturam faciamus, cavendum sit, quum lex Julia judiciorum publicorum id tantum praecipiat,¹²¹⁾ ne liberti ad testandum in patronos et ejus liberos *cogantur*: quod aperte ita praecipere non potuit, si illo tempore in patronos eorumque liberos testari omnino non licuisset. Legem Juliam autem de vi ante legem Juliam judiciorum publicorum latam et hac illi derogatum esse, nusquam tradunt. E contrario, illa allata legum Juliarum de vi et judiciorum publicorum praecepta una aetate valuisse, conficitur inde, quod Trihonianus ea in Digestorum collectionem recepit. Reliquum est, ut afferamus, M. Catonem, in oratione apud censores in Lentulum habita planum

¹¹⁸⁾ l. 3. §. 5. de test.

¹²⁰⁾ l. 4. de test.

¹¹⁹⁾ Coll. legg. M. et R. IX. 11.

¹²¹⁾ Cf. adn. praeced.

facere studentem, quam arcte inter se patroni et clientes essent conjuncti, ante illa ipsa supra commemorata verba haec dixisse: „Adversus cognatos pro cliente testatur.“ His fortasse ex verbis concludatur, contra cognatos testimonium dici, si minus diserte lege vetitum, tamen praeter morem fuisse, et si qui ita concludunt, in legibus Juliis de vi judiciorumque publicorum, ad testandum in cognatos cogi, vetantibus¹²²⁾ nitantur. Sed illis ex verbis hoc effici, minime necesse est. Nos quidem, earum rerum mentionem fecisse, satis habemus, quum ex paucis his locis, qui maximam partem ne ad Ciceronis quidem aetatem pertinent, parum elucere arbitremur, quos Ciceronis aetate singulis in judiciis respectu personarum ad testimonii fidem admitti non licuerit: quod ut nostro jure facere nobis videamur, Gellius quoque nos adducit, qui Romanos ipsos de gradibus ordineque officiorum dissensisse tradat.¹²³⁾

Saepe de more illo majorum, qui praescribit, in parentum loco quaestoribus suis praetores et consules esse debere,¹²⁴⁾ nobis nuntiatur. Nulla certa quidem lege quaestores in praetores consulesve, quibuscum eandem provinciam obtinuissent, testimonium dicere vetabantur. Attamen si qui quaestores hoc in judiciis publicis saltem fecerant, impietati iis tributum esse videtur.¹²⁵⁾

Sine dubio neque *judicibus* in iis ipsis causis, de quibus judicare debebant, neque praetoribus *judicibusve* quaestionis in quaestionibus, quibus praecerant, testimonium dicere licebat. *Judices* enim ipso munere testimonium dicere vetitos

¹²²⁾ Coll. legg. M. et R. IX. ix. §. 3. l. 4. de test. l. 10. pr. de grad. et aff.

¹²³⁾ Gell. N. A. V. xiii.

¹²⁴⁾ Cic. pro Planc. xi. §. 28. divinat. in Caecil. xix. §. 61. 62. ad fam. l. xiii. x. §. 1. in Verr.

l. xv. §. 40. divin. in Caecil. xx. §. 65. ad fam. l. xiii. xvi. §. 1. in Verr. l. xxx. §. 77. III. lxviii. §. 168. Valer. Max. IX. ii. §. 1. s. f.

¹²⁵⁾ Cic. in Verr. l. xv. §. 44. xxx. §. 77. Cf. Ps. Ascon. ad Cic. Verr. pag. 129. 130. 186. (Or.)

esse, et loci quidam significant, qualis est apud Valerium Maximum: „(Africanus censor) centurias recognoscens equitum, postquam C. Licinium Sacerdotem citatum processisse animadvertit, dixit, se scire, illum verbis conceptis pejerasse, proinde, si quis eum accusare vellet, usurum testimonio suo. Sed nullo ad id negotium accedente Traduc equum,“ inquit, „Sacerdos, ac lucrifac censoriam notam, ne ego in tuam personam et accusatoris et testis et iudicis partes egisse videar,“ ¹²⁶⁾ et ex studio illo iudices in iudicando liberos reddendi, cui etiam aequales Tullianae aetatis obtemperasse pro certo habemus, colligimus. Nihil huc facit Ciceronis locus, quo hic de decumis praeter leges a Verre extortis querens haec dicit: ¹²⁷⁾ „Hunc (C. Cassium) tu in hac causa testem, Verres, habebis, quoniam, iudicem ne haberes, providisti;“ quia minime necesse est statuamus, futurum fuisse, ut, hoc posito, a C. Cassio Verrem iudicari passum esse, Cassius una testimonium dicere vetaretur. Illis enim in verbis etiam ea vis inesse potest: Cassius cum et iudex et testis in te esse posset, jam, postquam iudicem rejecisti, certe testis in te erit. At nihilo verius ex aliis Ciceronianis locis, iudici revera in eadem causa etiam testem esse licuisse, concludi potest. Cicero quum in oratione pro Cluentio dicta omnes ejus studiosos enumerat, ea occasione: „Tudicii,“ inquit, ¹²⁸⁾ „senatoris par studium in testimonio et laudatione cognoscetis. Eadem spe, sed majore verecundia de te, P. Volumni, quoniam iudex es in A. Cluentium, dicimus.“ Fortasse sint, qui eadem spe ad praecedentia verba par studium in testimonio et laudatione pertinere credant, et sic explanato loco nitentes contendant, Volumnium et iudicem in Cluentium et testem pro eo fuisse. Sed non est, cur nobis accipiendum sit, verba eadem spe ad prae-

¹²⁶⁾ Valer. Max. IV. 1. §. 10.

¹²⁸⁾ Cic. pro Cluent. LXX. §.

¹²⁷⁾ Cic. in Verr. III. XLI. §. 97. 198.

cedentia tantum *par studium in testimonio et laudatione* et non generatim ad studium erga Cluentium pertinere posse, quum praesertim Cicero post commemorata verba quam maxime generatim pergat: „Et, ne longum sit, omnium vicinorum „summam esse in hunc benevolentiam confirmamus.“ Asconius porro eos enumerans, *qui de Milone sententiam dixerunt*, narrat:¹²⁹⁾ „Fuerunt, qui crederent, M. Catonis sententia „eum esse absolutum.“ Ex quo efficitur, Catonem iudicem in Milonem fuisse, quod et Cicero¹³⁰⁾ et Vellejus Paterculus¹³¹⁾ sic aperte dicunt. „Nominaverat (Cicero) quoque,“ Asconius referre pergit, „eum (Catonem) praesentem et te „status erat audisse a M. Favonio, ante diem tertiam, quam „caedes facta erat, Clodium dixisse, perituum esse eo tri- „duo Milonem.“ Dixerit jam quispiam, hoc loco planum fieri, iudicem in eadem caussa etiam testimonii dicendi copiam habuisse. At haudquaquam necesse est, ut propter verba commemorata statuamus, M. Catonem veluti ordinarium testem a Cicerone interrogatum pro Milone testimonium dixisse, quum a vero non abhorreat, Ciceronem inter orationem pro Milone ad Catonem, qui inter iudices aderat, provocasse dixisseque, Catonem illam Clodii vocem cognitam habere. Immo hanc veram loci sententiam esse, orationis pro Milone is ipse locus, qui eam testationem continet, luculenter docet, ubi Cicero haec dicat:¹³²⁾ „Te, Q. Petilli, „appello optimum et fortissimum: te, M. Cato, testor, quos „mibi divina quaedam sors dedit iudices. Vos ex M. Favonio audistis, Clodium sibi dixisse, et audistis vivo Clodio, „perituum Milonem triduo.“ Inde jam quod hac in caussa ex lege Pompeia testes ante accusatoris reiue orationes sunt interrogati¹³³⁾ et, quae modo commemorata, Ciceronis verba

¹²⁹⁾ Ascon. ad Cic. Milon. pag. 53. seq.

¹³⁰⁾ Cic. pro Mil. xvi. §. 44.

¹³³⁾ Ascon. ad Cic. Milon. pag.

¹³⁰⁾ Cic. pro Mil. vii. §. 16.

37. (Or.).

¹³¹⁾ Vell. Patere n. 47.

demonstrant, Petillium Catonemque ante accusationem defensionemque testimonium non dixisse, hos in causa Miloniana testes non fuisse satis elucet. Deinde perspicuum est, Ciceronem, qui, Plancium ex lege Licinia de sodalitiis reum quum defendit, dicat: ¹³⁴⁾ „Si . . . ita fecisses (Laterensis, „qui Plancium accusavit,) ut huic (Plancio) et suam et ab „hoc observatas tribus ederes,“ (quæ de Plancio judicarent,) „non modo non quererer, sed hunc iis iudicibus editis, qui „testes iudem esse possent, absolutum putarem;“ minime existimasse, futurum fuisse, ut si ex his tribus iudices lecti fuissent, iudem etiam testimonium dicerent. Denique sint, qui, iudicem eodem in iudicio etiam testimonium tribuere potuisse, arbitrantes id Verris exemplo, qui in causa Philodami Lampsaceni in Neronis consilio fuerit idemque in Philodamum testimonium dixerit, ¹³⁵⁾ firmare conentur. Sed primum Verres in consilio tantum Neronis ac non iudex fuit; deinde sine dubio agendi ratio in iudiciis provincialibus solutior erat quam in iudiciis Romae exercitis; atque his omis- sis Cicero graviter Verrem reprehendit, quod is, quum in consilio Neronis, de Philodamo sententiam laturi, sederet, idem testimonium in hunc dixerit. Ex eo autem, quod Verres simul et in Neronis consilio et testis in Philodamum fuit, hoc contra leges aut morem non fuisse, haudquaquam col- ligi licet.

Patrono rei, in iudicio ex lege Cornelia repetundarum in reum testimonium dicere, non licebat. Cicero enim in Ver- ris causa narrat, ¹³⁶⁾ Dionem Halesinum non potuisse, quin Verri magnam pecuniam numeraret, ut caussam, in qua ne tenuissima quidem dubitatio esse poterat, Verre cognoscente obtineret. Verris patronus, Hortensius, hanc rem penitus cognitam habuisse videtur. Propterea jam Cicero: „Nonne „multi mei testes“, inquit, „quæ tu (Hortensi) scis, ne-

¹³⁴⁾ Cic. pro Planc. xvii. §. 42.
Cf. xv. §. 37.

¹³⁵⁾ Cic. in Verr. I. xxxix. §. 74. seq.

¹³⁶⁾ Cic. in Verr. II. viii. §. 24.

„sciunt? nonne te mihi testem in hoc crimine eripuit non „istius (Verris) innocentia, sed legis exceptio?“ Aliam huius exceptionis causam quam Hortensii patrocinium afferre non possumus. Fortasse haec exceptio etiam aliis in iudiciis et in accusatoris quoque patrono, ubi is invenitur, ¹³⁷⁾ valebat; fortasse ad id unum testimonium, quod ab invito dici debuit, pertinebat ¹³⁸⁾; quod accuratius statui non potest, quum nullo nisi modo commemorato loco de ea edoceamur. ¹³⁹⁾

CAP. III.

De ratione, qua, ut testimonium diceretur, coactum sit.

Primum omnium planum facere debemus, ad testimonium dicendum revera cogi potuisse.

Quo loco ante omnes Ciceronem afferimus, qui in causa Flacciana ex accusatore quaerit, cur Falcidius quidam testis in Flaccum non prodeat, et hoc addit: „Tu „(accusator) certe eum coëgisses (ad testimonium dicendum). „si ullum firmamentum in illo teste posuisses.“ ¹⁾ Tacitus porro, liberae civitatis temporibus eloquentiam magis quam imperatorum aetate viguisse, inde repetit, quod illis temporibus etiam inviti ad populum sint producti. . . . cum testimonia quoque in iudiciis non absentes nec per tabellam dare, sed

¹³⁷⁾ C. 4. leg. Serv. repet. et in iudiciis privatis passim.

¹³⁸⁾ Hoc Ps. Asconius ad Cic. Verr. pag. 209. (Or.) coll. c. cap. III. a. i. existimare videtur.

¹³⁹⁾ Klenze, qui docet (Lehrh. d. Strafverf. S. 97.): „Als nicht be-

weisend dürfen manche Personen „gar nicht . . . abgehört werden;“ et omnes, quibus jus testimonii dandi decrat, als nicht bezeugend de hoc excludos esse, statuere videtur, assentire non possumus.

¹⁾ Cic. pro Flacc. XXXVII. §. 92.

coram et praesentes dicere cogerentur.²⁾ Ulpianus tradit, legem Juliam de vi publica et privata capite octogesimo septimo praecepisse: „Homines inviti“ (ergo coacti) „in reum „testimonium ne dicant, qui sobrinus est ei reo“ et rel.³⁾ Paullus refert: „Lege Julia judiciorum publicorum cavetur, „ne invito denuntietur, ut testimonium litis dicat adversus „socerum . . . et ut ne patroni, patronae adversus liberos, „neque liberti adversus patronum cogantur testimonium „dicere;“⁴⁾ et alio loco: „Lege judiciorum publicorum „contra affines . . . testimonium inviti dicere non cogimur.“⁵⁾ Papinianus hoc praecipit: „Certis ex causis concessa est „mulieribus publica accusatio veluti si mortem exsequantur „eorum earumque, in quos ex lege publicorum testimonium „invitae non dicunt.“⁶⁾ Ex horum juris consultorum verbis concludimus, secundum leges Julias de vi et judiciorum publicorum ad testimonium in omnes alias praeter exceptas personas dicendum cogi potuisse. Quintilianus denique monet, tacitam quandam cogitationem testimoniis per tabulas redditis refragari, *quod nemo per tabulas det testimonium nisi sua voluntate*,⁷⁾ ex quibus verbis, testimonia non per tabulas data interdum saltem etiam ab invitis tributa esse, hoc est, testes ad testandum cogi potuisse, aperte efficitur. Non sunt audiendi, qui, Ciceronis aetate neminem ad testimoniumtribuendum cogi potuisse, probaturi dixerint, Ciceronem in oratione pro Cluentio contententem, legem Corneliam de sicariis, quoad eum, qui coit, coierit, convenit, convenerit falsumve testimonium dixerit, quo quis iudicio publico condemnaretur, poena afficiat, solos petere magistratus senatoresque, exclamare:⁸⁾ „Si hoc iudicium plebi Romanae „propositum sit, dicturum quidem certe (testimonium) nemi-

²⁾ Tacit. de oral. 36.

³⁾ Coll. legg. M. et R. IX. 11.
§. 1. 3.

⁴⁾ l. 4, de test.

⁵⁾ l. 10. pr. de grad. et aff.

⁶⁾ l. 2, de accusat.

⁷⁾ Quintil. J. O. V. VII. §. 2.

⁸⁾ Cic. pro Cluent. LVII. §. 157.

„nem unquam esse confirmo;“ iisque verbis Ciceronem non usurum fuisse, si quilibet ex plebe ad testimonium dicendum cogi poterat. At nos quidem hunc locum sic interpretamur: Aut Cicero, jus cogendi ad testandum, quod ipsius aetate valebat, respiciens, quum per se apertum esse arbitraretur, ad testimonium dicendum coactum hoc daturum esse, dixit: Nemo unquam sponte testimonium dicturus est; aut, quod tum valebat jus missum faciens, auguratus est, populum legem jussurum esse, qua deinceps ad testimonium dicendum cogi non liceret. Quam interpretationem nisi accipere velis, quomodo hic locus cum illis supra commemoratis congruat, non intelligo.

Reliquum est, ut ex illo Quintiliani loco, ubi haec legimus: „Tacita praeterea quaedam cogitatio refragatur his „omnibus (qui testimonia per tabulas dicunt), quod nemo per „tabulas dat testimonium nisi sua voluntate;“ ⁹⁾ colligamus, ei, qui ad testandum coactus esset, nonnisi praesenti et coram iudicio testimonium dare neque ullo modo, per tabulas testimonium tribuere, licuisse. ¹⁰⁾

Secundo loco, quomodo ad testandum sit coactum, examinemus.

Testes libripensque ad mancipationem aut ad testamentum, quod per aes et libram fieret, adsciti quodam juris vinculo, etsi non ordinario, ad testimonium iudiciale bis de rebus dicendum cogeantur. Si quis enim eorum id non dedisset, *improbis intestabilisque* fiebat. ¹¹⁾ Fuit, qui eo, quod ii testimonium non dicentes tantum improbi intestabilesque sint facti, confici diceret, ¹²⁾ ejas certe legis tempore neminem in caussis civilibus ad testimonium dandum cogi potuisse. Qui hoc contendit, hac ipsa lege neminem, ut testimonium diceret,

⁹⁾ Quintil. I. O. V. vii. §. 2.

¹¹⁾ Gell. N. A. XV. xii. §. 11.

¹⁰⁾ Cf. etiam Tacit. de orat. 36, qui locus non tantum, quantum Quintiliani probare videtur.

¹²⁾ Zimmern, Gesch. des röm. Privatr. Bd. III. §. 133. N. 3.

coactum esse existimat. Sed lex ei, qui testimonium non dixisset, incommodum minitata est. Nullo vero alio modo aliquis ad testimonium dandum cogi potest nisi poenae aliqujus metu ei injecto, si testimonium non tribuisset.¹³⁾ Is igitur, quo ad testandum cogeretur, modus paucos tantum, qui testes libripendesque ad testamentum mancipationemve acciti fuerant quibusque, mancipationem testamentumque facta esse, in judicio testimonio firmandum erat, petebat itaque extraordinarius erat. Nihil aliud caussae esse videtur, quum, ubi generatim de cogendo ad testandum agitur, saepius hic cogendi modus omissus est,¹⁴⁾ nisi quod non erat ordinarius ad testandum cogendi modus.

Ordinarius, quo ad testimonium dandum cogeretur, modus erat per *testimonii denuntiationem*, quin opinio, una testimonii denuntiatione ad testandum esse coactum, communis fuisse videtur.¹⁵⁾ Quintilianus enim tradit, *duo genera esse testium, aut voluntariorum, aut eorum, quibus iudex in judiciis publicis lege denuntiare solet*.¹⁶⁾ Prius de voluntariis¹⁷⁾ agit. Postea ad eos, quibus *denuntiatur*,¹⁸⁾ transit. Ex quo colligimus, testes, quibus denuntiabatur, eos fuisse, qui non voluntarii testimonium tribuerint, porro, quod scire nostra magni interest, *testimonio denuntiando* neque, si Quintilianum sequimur, alio modo, ut testimonium diceretur, coactum esse. Tum Paulus, de iis, qui ex lege Julia iudiciorum publicorum, te-

¹³⁾ Sic etiam Glück (Pandecten Bd. XXII. S. 164.) sentire videtur.

¹⁴⁾ Quint. J. O. V. vii. §. 9.

¹⁵⁾ Sigon. de jud. ii. 15. Heinecc. ant. Rom. IV. xviii. §. 26.

¹⁶⁾ Quint. J. O. V. vii. §. 9. Interpretationem hujus loci a Klenze (Rheinisches Museum für Philol. Gesch. u. griech. Philos. Bd. II. S. 37. 38.) allatam: „Man unterscheidet nämlich genau die frei-

„willigen Zeugen, also in Privatgeschäften, und die, von denen „Magistrat oder Richter ein Zeugnis verlangt;“ perspicuum vocare non possumus. Alio loco (Lehrb. des Strafverf. S. 97.), ubi de cogendo ad testandum agitur, Klenze testimonii denuntiationem omnino negligit.

¹⁷⁾ l. c. §. 10.

¹⁸⁾ l. c. §. 15.

stimonium ut dicant, cogi non possint, agens et dicendi formulis invito ¹⁹⁾ alicui denuntiare, ut testimonium litis dicat, et cogere aliquem, testimonium dicere, promiscue utens, ²⁰⁾ atque Ulpianus, qui ita docet ²¹⁾: „Inviti testimonium non dicunt“ (ergo: ad testimonium dicendum cogi non possunt) „publici, item is. . . Sed nec pupillis testimonium denuntiari potest;“ nobis item planum faciunt, testimonio denuntiando ad testimonium dicendum coactum esse. At Ciceronisne jam aetate testimonii denuntiatione ad testandum cogebatur? Cicero in oratione pro Flacco dicta narrat, Laelium, Flacci accensatorem, praemio et vi psephismata civitatibus in Flaccum extorsisse, adeo ut e. g. eos, qui domo exire volebant, testimonii denuntiatione terruerit. ²²⁾ Quomodo autem eorum domo exire nolentium terrorem explanare possumus, nisi statuere velimus, eos testimonii denuntiatione ad testimonium Romae dicendum coactos esse? Quam sententiam confirmant scholia Bobiensia, quae ad verba illa explicanda haec addunt ²³⁾: „Nolentes Romam proficisci territos ab Laelio (Cicero) dicunt denuntiatione veniendi, ut cogerentur, ea de Flacco mandare, quae nollent.“ Porro Cicero de signis, quae Verres in Asia sustulerat, apud se disposuerat et insolito accusationis modo perterritus domo removerat, loquens ex ipso quaerit: ²⁴⁾ „Non putasti, me tuis familiarissimis in hanc rem testimonia denuntiaturum, qui tuae domi saepe fuissent: ex quibus quaererem, signa scirentne fuisse, quae non essent?“ Nemo non concedet, Verri familiarissimos non nisi coactos in Verrem testimonium dicturos fuisse. Qui ergo ad testimonium dicendum erant cogendi, iis se testi-

¹⁹⁾ Similem pleonasmum invenimus etiam in l. 5. de test., ubi Gajus dicit: „In legibus, quibus excipitur, ne gener aut socer in civis testimonium dicere cogetur“ et rel. et in l. 10. pr. de grad. et aff.

²⁰⁾ l. 4. de test.

²¹⁾ l. 19. de test.

²²⁾ Cic. pro Flacco. vi. §. 14. viii. §. 18.

²³⁾ Schol. Bobiens. ad Cic. Flacc. pag. 236.

²⁴⁾ Cic. in Verr. l. iix. §. 51.

monium denuntiaturum Cicero affirmat. Denique Cicero in caussa Flacciana quaerit,²⁵⁾ cur Falcidius ipse testis in Flaccum non existat. Respondetur: „Venisset, si esset denuntiatum.“ Ad quod illico Cicero: „Tu (accusator) certe coëgisses, si ullum firmamentum in illo teste posuisses.“ Quo ex loco rursus elucere videtur, Tullii quoque aetate testimonio denuntiando ad testimonium dicendum esse coactum.

Quomodo autem haec testimonii denuntiatio fiebat? Qui erat hic ordinarius modus, quo, ut testimonium daretur, cogebatur. Quintilianus, ubi illam testium divisionem refert, in publicis tantum judiciis testimonium denuntiatum esse tradens, voluntarios testes distinguit ab iis, quibus iudex in judiciis publicis lege denuntiare solet.

Judex in judiciis publicis pro eo, quod Quintilianus dicit, testimonium denuntiabat. Qui iudex vix alius esse potest, quam is, qui iudicio publico praeest, in quaestionibus perpetuis praetor iudexve quaestionis. Non privatos homines, sed publico munere fungentem quempiam testimonii denuntiationi operam dedisse, colligimus ex eo, quod, qui ob denuntiandum vel non denuntiandum testimonium pecuniam acceperat, lege Julia repetundarum tenebatur.²⁶⁾ Magistratum testimonium denuntiandum curasse, conficitur ex fragmento legis, quam dicunt Aciliam, in tabula Bantina inscripto: „neive. „quis. mag. testimonium. poplice. eidem. sinito. denuntiari;“²⁷⁾ ex lege porro, quae dicitur Mamilia, constituite:²⁸⁾ „In „eam rem (terminum in colonia dolo malo ejectum motumve) „is, qui hac lege iudicium dederit (curator coloniae deducendae aut quicumque magistratus in ea colonia . . jure dicundo praeerit,) testibus publice dumtaxat in res singulas X

²⁵⁾ Cic. pro Flacc. xxxvii. §. 92.

²⁶⁾ I. 6. pr. de leg. Jul. repet. Cf. etiam l. 2. de concussor.

²⁷⁾ Rhein. Mus. für Philol. u. s. f. Bd. II. S. 37.

²⁸⁾ Rudorff in d. Zeitschrift f. gesch. Rechtswiss. ix. S. 386

„denuntiandi potestatem facito;“ denique e siglo ex edicto perpetuo deprompto et a Valerio Probo nobis conservato, ubi praetor ait: „Testibus . . dumtaxat decem denuntiandi potestatem faciam.“ Exemplum magistratus, qui, quum judicio praesset, accusatori roganti, ut se in afferendis indicis, quae accusationis veritatem planam facerent, adjuvaret, morem gessit, Cicero memoriae mandavit, qui nos certiores facit,²⁹⁾ M. Acilium Glabionem, qui praetor judicio Verrino praefuit, Cicerone postulante imperasse, ut piratae, quos Verres domi suae condidisset, ex hujus domo producerentur atque in carcerem darentur.

Deinde Quintilianus refert, judicem *lege* in judiciis publicis denuntiase. Itaque leges, et eae sine dubio de singulis criminibus latae, fortasse autem inde ab Octaviani aetate lex Julia judiciorum publicorum sola, iis, qui singulis quaestionibus praefuturi essent, fecere potestatem testibus denuntiandi unaque constituerunt, qui ad testimonium dandum cogi non possent,³⁰⁾ quibus testimonii denuntiationem poscere liceret,³¹⁾ et denique fortasse etiam, qua vi ea in re uti fas esset. Etenim quoniam, denuntiando testimonio, ut testimonium diceretur, coactum esse, scimus, magistratum, qui testimonium denuntiabat, non id solum egisse, ut invitaret, sed in eum, cui denuntiabat, vim aliquam, ut testimonium daret, adhibuisse, statuere non dubitamus: quamquam, quae ea vis fuisset, nobis nusquam traditum est. Id tantum in simili quadam re scimus, legem quandam, quam Corneliam repetundarum fuisse arbitramur, ei poenas imposuisse, qui, quominus accusatori ex legum praecepto in repetundarum reum inquirenti tabularum publicarum potestas fieret, impedivisset.³²⁾ Quae cum ita sint, jam nihil nobis relinquitur, nisi

²⁹⁾ Cic. in Verr. V. xxxv. §. 76.

³¹⁾ Plin. epist. vi. 5.

³⁰⁾ Coll. legg. M. et R. IX. ix.
§. 3. l. 4. de test. l. 10. pr. de
grad. et aff.

³²⁾ Cic. in Verr. IV. lxxvi. §.
149.

ut, magistratum testimonium denuntiantem minitatum esse, conjiciamus, se iis, qui ad testimonium dicendum ab ipso excitati non venissent, pignora capturum multamve dicturum esse. Qua coercendi ratione uti solebant magistratus in eos, qui ultro praeceptis ipsorum obtemperare noluerant.³³⁾ Si is, cui testimonium denuntiaturum erat, hoc non dederat, quam poenam denuntiatio minitata erat, ei importabatur atque fortasse denuo, reo ampliato, ei testimonium, sed tum gravioris, ni testaretur, poenae metu injecto, denuntiabatur: neque, eas denuntiationes continuari potuisse, dum testimonium datum esset, ita, ut aciora semper mala prae se ferrent, prorsus negare velim.

Jam reliquum est, ut perscrutemur, utrum is, qui iudicio publico praeerat, nominibus eorum, quibus testimonium erat denuntiandum, cognitis ipse testimonium iis denuntiandum curaverit, an denuntiationem petenti denuntiandi secundum legis praecepta poenaeque, qua magistratus ipsi refragantem afflicere poterat, minitandae copiam fecerit.

Dubitari non licet, quin in iis, quae crimina longe a Roma commissa petebant, iudiciis, ut in plerisque iudiciis repetundarum, quum accusator ex consuetudine intervallo inter nominis receptionem et ipsum iudicium interposito in eum locum, quo delictum erat commissum, se conferret ibique inquirendo³⁴⁾ saepe testes, de quibus antea non compererat, compararet, ab eo, qui quaestioni praeerat, accusatori testimonii secundum legem denuntiandi copia facta sit.³⁵⁾ Num quis credere potest, Ciceronem, qui in causa Verris post nominis

³³⁾ Dionys. Halic. x. 50. Gell. N. A. XI. 1. XIV. vii. Liv. xxxvii. 51. xliii. 16. Cic. de orat. III. 1. Phil. I. v. 1. 3. §. 9. de tabul. exhib.

³⁴⁾ Ascon. ad Cic. Scaur. pag. 19. (Or.) Cic. pro Scaur. ii. §. 23

— 26. 37. Cic. pro Flacc. vi. xv. §. 36. xxiii. §. 54. Schol. Bobiens. ad Cic. Flacc. pag. 235. (Or.) Cf. Ferrat. epist. i. 8. i. f.

³⁵⁾ Huschke, Richters Jahrbucher, Jahrg. I. S. 898.

receptionem in Sicilia inquirendo multa Verris facinora antea non sic aperta penitus cognoverat cuique necessitas testibus, de quibus Romae nihildum acceperat, denuntiandi obvenire poterat, nomina eorum Romam ad Glabrimonem nuntiasse Glabrimonemque deinde in Siciliam misisse, ut iis, quorum nomina Cicero secum communicavisset, testimonium denuntiaret? Ceterum de tali testimonii denuntiandi potestate, ab eo, qui quaestioni praeerat, accusatori facta, Cicero nos diserte certiores facere videtur. De praetoris enim Siciliensis Metelli studio erga Verrem loquens hoc dicit:³⁶⁾ „Nisi „apud Siculos non Metelli, sed Glabronis literis ac lege „pugnassem, tam multos huc evocare non potuissem.“ Ubi Cicero manifesto vim dixit, quam, ut testes in Verrem sibi compararet, adhibere coactus fuerat. Hanc vim vero *Glabronis literis ac lege* adhibuit. Quae lex sine dubio est lex Cornelia repetundarum, contra quam fecisse Verres accusatus est. Hac *lege*, nisi fallor, cogendi ad testimonium dicendum accusatori facultas concessa est. Sed quid fiat Glabronis literis? Cur lex Cornelia non suffecit? Certo his literis Glabrio praetor, qui iudicio de Verre praefuit, Ciceronem revera Verris nomen detulisse, fidem fecit unaque ei potestatem ad testimonium dandum cogendi ea vi adhibita, quae ex lege praetori iudicive quaestionis in testimonio denuntiando uti licebat, concessit. Porro Cicero narrat:³⁷⁾ „Pueris non „his audisse videor, L. Aelium libertinum hominem, literatum ac facetum, quum ulcisceretur patroni injurias, nomen „Q. Muttonis, sordidissimi, detulisse. A quo quum quaeretur, quam provinciam aut quam diem testium postulet, „horam sibi octavam, dum in foro bovario inquireret, postulavit.“ Quibus ex verbis effici videtur, praetorem iudicemve quaestionis huiusmodi literis, quibus accusatori testibus denuntiandi potestatem faciebat, definiisse, quae in pro-

³⁶⁾ Cic. in Verr. II. XLVI. §. 64.

³⁷⁾ Cic. pro Scaur. II. 23.

vincia accusatori testimonium denunciare liceret et quam in diem hoc esset faciendum. Pro iis, quae adhuc sunt exposita, nemo dixerit, Quintilianum, qui narrat, iudicem in iudiciis publicis, quorum sunt repetundarum quoque caussae, lege denunciare solitum esse, repugnare Ciceroni in repetundarum caussa dicenti:³⁸⁾ „Quibus ego testimonium denuntiavi, adhuc non venerunt.“

In iis autem iudiciis, quae de criminibus vel propter Romam vel procul a Roma admissis, sed accusatoris inquisitione, eo ipso loco, ubi commissae erant, instituenda, non egentibus exercebantur, utrum, qui iudicio praeerat, sit executus testimonii denuntiationem, an accusator, et, ubi reo ad testandum cogere licebat, reus, decernere non possumus. Ex eo, quod accusatori reoque in quibusdam ejusmodi iudiciis proditur³⁹⁾ testimonii denuntiatio fuisse, haudquaquam colligi licet, non eum ipsum, qui iudicio praeerat, nominibus eorum, quos accusator reusve ad testimonium dandum cogi volebat, cognitis, testimonium denuntiandum curasse. Facile is, qui de magistratu, ut alicui testimonium denuntiaret, petebat, ipse testimonium denuntiasset dici per compendium potuit.⁴⁰⁾

Sic *denuntiare testimonium* vel *denuntiare testibus*, in quibus formulis laxior sensus inesse posset, in eo solo usurpata esse videntur, qui, sive magistratus sive homo privatus, cui magistratus potestatem fecerat, aliquem ad testimonium dicendum ita excitabat, ut ei, ni testimonium diceret, poenam minaretur.⁴¹⁾

Quod dicunt *evocare testem* interdum saltem eandem vim ac *testi denuntiare* habuisse videtur: ut Plinius formulis *testem*

³⁸⁾ Cic. in Verr. II. xxvii §. 65.

³⁹⁾ Cic. pro Rosc. Amer. xxxviii. §. 110. Plin. epist. v. 20. vi. 5.

⁴⁰⁾ In iis iudiciis ex popularibus actionibus, in quibus testimonii denuntiationem inveniri infra videbimus, aut eum ipsum, qui

iudicium dabat, de hac curasse aut iudicibus recuperatoribusve aut ipsis litigatoribus, qui testibus indigebant, denuntiandi potestatem fecisse, statuere debemus.

⁴¹⁾ Huschke. a. a. O. S. 898. C. Seil. Recuperat. S. 289. ff.

*evocare et testi denuntiare promiscue utitur*⁴²⁾ et aliis locis,⁴³⁾ ubi aperte id agit, ut testes ad testimonium dicendum coactos esse vel eos, ut testarentur, cogi licuisse narret, *eos invitos evocatos esse et simpliciter eos evocari licuisse* refert.⁴⁴⁾

Denique *citare testem* plerumque praeconis est, qui minime curat, ut testes ad iudicium veniant, sed testes, qui voluntarii aut coacti in *iudiciis adsunt*, exhortatur, ut jam ad interrogata respondentes coram iudicibus testimonia dicant.⁴⁵⁾

⁴²⁾ Plin. epist. v. 20. vi. 3. 13.

⁴³⁾ Plin. epist. iii. 9. vi. 29.

⁴⁴⁾ Hoc praetermisit Sell. a. a. O. S. 288.

⁴⁵⁾ Cic. in Verr. I. vii. §. 20. Ps. Ascon. ad Cic. Verr. pag. 126. (Or.) Cic. in Verr. II. xxx. §. 75. pro Flacc. xv. §. 34. Sueton. Claud. 15. Caes. 74. Cic. de fin. II. xix. Ascon. ad Cic. Milon. pag. 40. (Or.) Cf. Brisson de formul. v. pag. 476. Formula *citare testem* etiam in Cic. Verr. II. lxx. §. 146. de offic. I. xxi. §. 75. Macroh. Saturn. i. 4. Petron. satyr. 2. et Phaedr. fab. I. xvii. 4. usurpatur, sed translata vulgarique significatione ita, ut his ex locis nihil ad propriam illam iudicalem vocis vim explorandam doceamur. (Cf. Sell. a. a. O. S. 288. 289.) Rein (röm. Privatr. S. 476.), qui significationem formularum *denuntiare testimonium* et *citare testem* non perspicit, et praetermittit, denuntiationem testimonii citationem testis non excludere, exponit: „Die Zeugen wurden öffentlich vorgeladen (Cic. Verr. II. xxx. pro Flacc. xv.) oder erschie-

nen auf Privatbekanntmachung, „(denuntiatio Cic. pro Flacc. vi. pro Rosc. Amer. xxviii. Quintil. I. O. V. vii.)!“. Significationem formulae *citare testem* neque Sell (a. a. O. S. 288.) neque Hirschke (a. a. O. S. 898.) neque Haubold (de ritu obvagulat. apud Roman. in Haubold. opusc. academ. ed. Wenck Tom. I. pag. 183.) recte comprehensam habent. Quomodo enim credi potest, Clceronem, qui refert, *primo die* (primae in Verrem, de quo Romae factum est iudicium, actionis) *testium tantum numerum* (et inter hos certe multos Sicilienses) *citatum esse, ut populus Romanus iudicaret, Verre absoluto rem publicam stare non posse*, quique porro in oratione pro Flacco habita, qui item Romae causam dicebat, de testibus in hunc his verbis narrat: „Citat „praeco voce maxima legatos Acemonenses. Procedit unus Asclepiades;“ quum formula *testes citare* interiret, de testibus domo excitandis, ut ad iudicia ad dicendum testimonium venirent, cogitasse?

Cur non semper in formula *citare testem* banc significationem inesse statuamus, caussa in eo est, quod in scholiis Bobiensibus, ubi de caussa Clodiana de incestu agunt⁴⁶⁾ a quibusdam legitur: „Aurelia Caesaris mater testis in iudicium citata est;“ et, si recte ita legatur, quod nequaquam certum, *citare* hic significat: aliquem excitare, ut in iudicio ad testimonium dicendum adsit.

Reliquum est, ut de *ritu obvagationis* exponamus.⁴⁷⁾ Festus s. v. *portum* dicit: „Portum in XII pro domo positum, omnes fere consentiunt: Cui testimonium defuerit, is tertiis diebus ob portum obvagulatam ito.“ Porro s. v. *vagulatio* docet: „Vagulatio in lege XII tabularum significat quaestionem cum convicio: Cui testimonium defuerit, is tertiis diebus ob portum obvagulatam ito.“ De quo ritu, quum nihil aliud nobis traditum sit, in conjecturis adquiescere cogimur. Cui *testimonium defuerit* i. e. cui, quum quempiam rogavisset, ut certa die in iudicio ad testimonium sibi dicendum adesset, rogatus morem non gesserit: is, comperendinato ob id iudicio, ob *portum hujus obvagulatam ito* i. e., pro iis, quae Festus tradit, ad domum ejus accedito et *cum convicio*, b. e. sine dubio clara voce et in vulgus, clamato, se eum quaerere, ut, qui in iudicio ad testimonium dicendum non affuerit, ob id comperendinato iudicio nunc saltem praesto sit, neque id ulla mora; nam *tertiis diebus* obvagulatam it i. e. tertio quoque die⁴⁸⁾ inde a iudicio, cui ille non interfuit, quae est perendina ipsa dies, in quam iudicium comperendinatum erat. Si quis ad testimonium dicendum excitatus exhortanti iterum defuerit, denuo iudicium comperendinatum atque illum denuo eodem modo, nullo, ut

⁴⁶⁾ Schol. Bobiens, ad Cic. orat. in Clod. et Cur. pag. 336. 337. (Or.)

⁴⁷⁾ Cf. Haubold, de ritu obvagationis apud Romanos. (In Hau-

boldii opusc. acad. ed. Wenck. Tom. I. pag. 147 — 186.)

⁴⁸⁾ Hoc idem *tertiis dies* significat in Gell. N. A. IX. iv.

apparet, poenae, ni testimonium diceretur, metu injecto, ad testandum excitatum et haec in infinitum esse continuata,⁴⁹⁾ neque ultro credere possumus neque est, cur hoc ita fuisse existimemus. De eo, qui rogatus, ut testimonium diceret, id se praestitutum illico negabat, locus commemoratus nihil affert. Posito eo, quod minime certum, hac vagulatione, cuiusmodi fuit, ad testandum esse coactum, id solum moris respectu, obvagationi non obediri vetantis, neque ulla alia coërcitione factum esse videtur. Hic XII tabulis saucitus ritus obvagationis fortasse in numero fuit *omnis illius duodecim tabularum antiquitatis*,⁵⁰⁾ quae Gellio auctore lege Aebutia lata consopita est. Obvagationis enim vel Ciceronis vel posteriore aetate factae exempla frustra quaeras. Hoc, qui obvagatione ad testandum coactum esse contendunt, fortasse eo explicant, quod molestus ille obvagationis ritus expeditore testimonii denuntiatione, cuius jam Cicero faciat mentionem, sit remotus.

Generatim, non omnibus testibus, ni testati essent, poenam impositam esse, hoc est, non omnes testes ad testandum coactos testimonia dixisse, et Quintilianus nos docet, qui dicit,⁵¹⁾ *duo genera esse testium aut voluntariorum, aut eorum, quibus iudex in judiciis publicis lege denuntiare soleat; illis partem utramque uti; et inde scimus, quod testimonia per tabulas data inveniuntur, ad testandum autem coactis non, per tabellas testimonium dare, licuisse, compertum habemus. Ceterum nobis in hoc nondum adquiescentibus reliquum est, ut jam tertio loco diligentius perscrutemur, utrum ubique ex solo testimonio indigentium arbitrio, num quem ad testimonium cogere vellent, pependerit, an generalibus quibusdam juris praeceptis aut, ubi ad testimonium dicendum cogendum esset, aut, ubi ad testandum cogi liceret, definitum sit.*

⁴⁹⁾ Hanc sententiam refert
Huschke a. a. O. S. 898.

⁵⁰⁾ Gell. N. A. XVI. x.

⁵¹⁾ Quintill. I. O. V. vii. g. 9.

Primo loco discriminis inter judicia publica popularique ex actione et reliqua privata judicia faciemus mentionem.

Quintilianus voluntarios testes ab iis distinguit, quibus iudex in publicis judiciis denuntiare soleat. Unde efficitur, Quintiliani saltem aetate in solis publicis judiciis ad testandum cogi licuisse.⁵²⁾ Insuper Justinianus constituit,⁵³⁾ μή μόνον ἐν ταῖς ἐγκληματικαῖς δίκαις, ἀλλὰ καὶ ἐν ταῖς χρηματικαῖς ἑκάστων ἀναγκάζεσθαι μαρτυρεῖν, et alio loco ad hanc constitutionem respiciens hoc dicit:⁵⁴⁾ „Si quando invitos „testes in pecuniariis caussis ex nostra lege aliquis trahere „invaluerit“ et rel. Quae planum faciunt, aucte Justinianum imperatorem in pecuniariis caussis ad testimonium dandum cogi non potuisse. His cognitis verisimile est, Ciceronis quoque aetate in privatis judiciis ad testandum cogi non potuisse: quin etiam, id non licuisse, eo, quod quascunque testimonii denuntiationes in ejus scriptis invenimus, in publicis factae sunt judiciis, confirmari videtur. Ille vir doctissimus, qui etiam inde, quod qui se siverit testarier libripensve fuerit, ni testimonium fariatur, ex XII tabularum lege improbus intestabilisque fiat, colligi licere putat, in judiciis privatis, ut testimonium daretur, cogi non potuisse, non modo id, de quo jam disseruimus, hac ipsa minatione ad testandum esse coactum, praetermittit, sed etiam, illo solo praecepto non prohiberi, quomius, qui se siverit testarier libripensve fuerit, si testimonium judiciale denegasset, non solum improbum intestabilemque factum esse, sed praeterea ordinario quoque modo, ut testaretur, cogi potuisse, arbitremur, non intelligere videtur: denique eundem in alium errorem lapsum esse apparet, quod posito, inde, quod aliquis improbus intestabilisque sit factus, concludi licere, eum, ut testimonium diceret, cogi non potuisse, hac ex re idem de judiciis publicis et privatis colligendum esset, quia testimonio ejus, qui se siverit testarier

⁵²⁾ Sell. a. a. O. S. 286.

de test.

⁵³⁾ Basil. XXI. t. 39. c. 16. C.

⁵⁴⁾ l. 19. C. de test.

libripensve fuerit, in iudiciis publicis aequae ac in privatis opus esse poterat.

Auctoritates autem quasdam, ex quibus colligendum esse videtur, non solum in publicis iudiciis ad testandum coactum esse, jam non omitemus.

In legis, quae dicitur Mamilia, Kl. V. poena statuitur in eum, qui in colonia hac lege deducta terminos ejecerit locove moverit. „Deque ea re“ lex constituit⁵⁵⁾ „curatoris“ (coloniae deducendae,) qui hac lege erit, jurisdictio reciperatorum datio, addictio esto. Cum curator hac lege non erit, tum quicumque magistratus in ea colonia, municipio, praefectura, foro, conciliabulo jure dicundo praeerit, ejus magistratus de ea re jurisdictio iudicisque datio, addictio esto inque eam rem is, qui hac lege iudicium dedit, testibus publice dumtaxat in res singulas X denuntiandi potestatem facito, ita ut e re publica fideque sua videbitur.⁵⁶⁾ Ex hujusce legis commemoratis verbis apparet, in uno saltem iudicio, quod ab uno iudice aut a recuperatoribus exercebatur, in quo porro, quod finis legis nos docet, pars dimidia pecuniae a reo condemnato solvendae accusatori dabatur, ubi quilibet denique accusandi potestatem habuisse videtur, ut paucis verbis utamur, in uno saltem iudicio ex actione populari,⁵⁶⁾ ut testimonium daretur, cogi concessum fuisse. Porro hoc siglum ex edicto perpetuo depromptum: „Q. E. R. E. T. P. J. R. D. T. Q. D. T. D. D. P. F.“ nobis conservatum est, quod Valerius Probus nec non ex sigli ea parte, quae nobis est maximi momenti, Petrus Diaconus hoc modo illustravit: „Quanti ea res erit, tantae pecuniae iudicium recuperatorium dabo testibusque dumtaxat decem denuntiandi⁵⁷⁾ potestatem faciam.“ Non est, cur hoc siglum ad iudicium aliquod ex

⁵⁵⁾ Rudorff, d. lex Mamilia de colonia, in der Zeitschrift für geschichtl. Rechtswiss. IX. S. 386.

⁵⁶⁾ Sell. a. a. O. S. 285. Huschke

a. a. O. S. 897. f. Rudorff, a. a. O. S. 407.

⁵⁷⁾ Sell. a. a. O. S. 294. f. Huschke a. a. O. S. 898.

populari actione referri posse uegemus.⁵⁴⁾ Jam, publicis judiciis exceptis, in solis popularium actionum judiciis, immo fortasse tantummodo in quibusdam eorum ad testandum cogi potuisse, nobis recte pouere videmur. Nam primum huic sententiae loci, quos ex lege Mamilia edictoque perpetuo exscripsimus, nullo modo officiant. Deinde iudicia ex actionibus popularibus, quae in nonnullis rebus similitudinem speciemque iudiciorum publicorum gerunt, his etiam iure testimonii exigendi exaequata esse, quam maxime verisimile videtur. Id ipsum enim, quod de judiciis publicis dicendum est, non solum uiuius cuiusdam privati hominis, sed saepe omnium civium, haec iudicia exerceri, magni interfuisse, praeterea etiam de plerisque judiciis ex populari actione constitutis concedi debet. In iis autem judiciis, quae, ut semper exerceantur, rei publicae curae sunt, accusatorem adjuuari oportet. Sed hic eo, quod ad testandum cogere ei licet, subleuatur. Tertio loco nostra sententia omnium minime illam Justiniani constitutionem illumque Quintiliani locum negligit. Nisi enim, verba *publicum iudicium*, quae nequaquam semper eadem sententia usurpantur, interdum etiam iudicium, in quo quis ex populo accusare poterat, significasse eaque ratione illis *iudiciis publicis*, in quibus solis ex iis, quae Quintilianus tradit, testimonii denuntiatio licuerit, iudicia in lege, quam vocant Mamiliam, constituta commemorataque in edicti perpetui siglo contineri, accipere possimus, et nisi porro contendere liceat, quas *pecuniarias* dicunt *causas* interdum populares causas non una comprehendere sicque Justinianum, quum, in pecuniariis causis ad testimonium cogi, ut aliquid novi permiserit, populares causas, in quibus id iamdiu licuerat, non respexisse: nihil quidem iam nobis relinquitur, nisi ut statuamus, et Quintilianum, quem etiam, quod accusatoribus tantum testimo-

⁵⁴⁾ Rudorff, a. a. O. S. 407.

nii denuntiandi potestatem fuisse doceat, per errorem labi infra exponemus, corrigendum esse, utqui popularium caussarum, in quibus testimonii denuntiatio item concessa esset, rationem non habuerit, et Justinianum, qui in *pecuniariis caussis* testimonii denuntiationem permiserit, hac denuntiationis potestate in popularibus caussis, quae nobis etiam inter pecuniarias numerandae sint, jamdudum facta, inaccurate locutum esse partemque solam majorem pecuniariorum caussarum, quarum minor pars populares caussae erant, respexisse. Quod quum statuamus, Justiniano et Quintiliano errorem attribuimus, quo quem magis exiguum iis assignare possimus, ut illa legis Mamiliae edictique perpetui praecepta sunt, non intelligimus. Sed quanto levior hic error fuerit, tanto vtro propius, Justinianum Quintilianumque per eum lapsos esse, videtur.

Nou igitur cum aliis⁵⁹⁾ facimus, qui ex illis legis Mamiliae et edicti perpetui locis, in omnibus recuperatoriis judiciis et in quibusdam privatis⁶⁰⁾ atque inter haec praesertim in popularibus ad testimonium perhibendum coactum esse, vel alia similia colligunt. Ii enim et nullam rationem relinquunt, qua, cur in aliis judiciis ad testandum cogi potuerit, in aliis hoc non licuerit, explicari possit, et Justinianum et Quintilianum omnino negligunt: nam cuilibet videatur non verisimile, eos, si in omnibus recuperatoriis judiciis

⁵⁹⁾ U l. e. c. Huschke, a. a. O. S. 898. 899.

⁶⁰⁾ Iia, qui, in omnibus recuperatoriis judiciis ad testandum cogi potuisse, pro certo habent, in his aelia praeter judicia publica ad testimonium dicendum cogi potuisse, non licet statuere, quia lex Mamilia praecipit: „Quicumque magistratus in ea colonia .. jure

„dicundo praeerit, ejus magistratus .. Jurisdictio judicisque datio „addictio esto inque eam rem .. testibus publice dumtaxat X denuntiandi potestatem facito.“ Quintetiam fortasse hic magistratus jure recuperatores audi omnino carebat. (Tabul. Heract. lin. 44. l. Rubr. de Gall. cisalp. lin. 25.)

et praeterea in privatorum judiciorum parte, ut testimonium daretur, cogi licuisset, id praetermisisset.

At denique sint, qui longe alio modo Quintiliani Justinianique et illos legis Mamiliae edictique perpetui locos inter se conciliaturi existiment, *testibus denuntiare* hisce in locis non adeo stricto sensu esse dictum, ex quo ordinarium ad testandum cogendi modum significari deberet, sed ad iudicem privatumve, qui aliquem ad testandum, nullo futuro incommodo, invitet tantum, referendum esse; ea significatione alibi etiam dici *testimonium denuntiare*.● Qui sic sentiant, statuent, id, quod Quintilianus Justinianusque doceant, in solis publicis judiciis, ut testimonium daretur, cogi potuisse, emendatione aliqua infirmetur, nullo modo necesse esse.

At locos, in quibus *testimonium denuntiare* certo non idem atque *ad testimonium dandum vocando obstringere* significet, non novimus. Fortasse quidem illi, quum primum fragmento quodam legis, ut contendunt, Aciliae in tabula Bantina inscripto nitantur, dicant, illam legem, poenam minantem alicui, constituisse: ⁶¹⁾ „Neive. quis. mag. testimonium. poplice. „eidem. signito. denuntiari.“ Si, jam pergant, testimonio denuntiando hoc loco, ut testimonium diceretur, coactum esset, et quia, ni, reo omnino teste uti non licuisset, statuere velimus, ⁶²⁾ etiam voluntarios testes productos esse, omnibus persuasum est, loci sententia esset: Cui lex poenam minatur, voluntarium testem esse licet, sed minime eum ad testimonium cogi fas est: quod jam neminem accepturum esse addant. At ante ipsa commemorata verba tabula Bantina defracta est, quare nescimus, an lacuna inde exorta exempli gratia hisce verbis explenda sit: „ne (puniendus) sponte sua „ad testimonium dicendum prodito.“ ⁶³⁾ Utique et in *neive* duplicem banc ad testimonium dicendum pertinentem interdictionem bene conjungit, et quae ante *neive* particulam o

⁶¹⁾ Cf. adn. 27)

⁶²⁾ Cf. adn. 51)

⁶³⁾ Talis disjunctio invenitur e. g. in l. 12. C. de test.

litera est conservata, nostrae conjecturae certe non repugnat. Porro Ciceronem afferent, qui, postquam narraverit, ⁶⁴⁾ se cum Heraclio Syracusano et Epicrate Bidino, quos Verres spoliaret quique Romam cum Cicerone decedere cupiebant, constituisse, quo die sibi Messanae praesto essent, hoc modo pergat: „Eo mihi nuntium miserant, se a praetore retineri. „Quibus ego testimonium denuntiavi, quorum nomina edidi „Metello (praetori) cupidissimi veniendi . . . adhuc non venerunt.“ Jam concludant ex eo, quod Cicero hic etiam cupidissimo testimonii dicendi testimonium denuntiaverit, colligendum esse, denuntiando testimonio, ut testimonium perhiberetur, non coactum esse. Sed saepe certe aliquis, testimonii tribuendi quamvis cupidissimus, contraria cujusdam voluntate deterritus prohibitusque esset, quominus testimonium diceret, nisi ad hoc dicendum juris necessitate esset adactus; saepe certe etiam cupidissimus testandi, quem ad testimonium dandum propensum esse, qui hoc testimonio egebat, nescierat, juris necessitate ad testandum cogebatur. Itaque hisce in locis testimonio denuntiando ad testandum non esse coactum, teneri non potest. Quoniam autem alibi, ubi verba *testibus denuntiare* leguntur, aut certo scimus, denuntiando testimonio, ut testimonium diceretur, esse coactum, aut saltem non est, quod, hoc non factum esse, statuamus, nullus autem est locus, unde, testimonii denuntiatione ad testandum non coactum esse, constet: haud temere nobis posuisse videmur, *testibus denuntiare* etiam in illis legis Mamiliae et edicti perpetui locis idem atque *ad testimonium dicendum vocando obstringere* significasse. ⁶⁵⁾

Praeterea monemus, minime verisimile esse, ut iis Romanae civitatis temporibus, quibus, de actione defensioneve probanda curare, ipsorum litigatorum ac non iudicis magi-

⁶⁴⁾ Cic. in Verr. II. xxvii. §. (897.) Rudorff a. a. O. S. 400.
65. Sell a. a. O. S. 285. 289. 291.

⁶⁵⁾ Huschke a. a. O. S. 898. 294. f.

stratusve fuit, magistratus etiam, ubi ejus coërcitione non opus fuerit, testes saltem, ut in judicio adessent, invitaverit. Quod obtinuisse, ne ullo quidem exemplo munitum est. Sint fortasse quidem, qui ad contrariam probandam sententiam ex fragmentis legis Serviliae minoribus haec verba ⁶⁶⁾ afferant: „Et quom ei res agetur, quam in rem quisque testis „er(it facito utei) omnes adsint testimo(nio);“ ex quibus verbis, omnes testes in repetundarum judicio ex lege Servilia a praetore iudiceve quaestionis ad testimonium dicendum invitatos esse, colligant. Sed rursus lacunae et ante et post locum modo commemoratum nos impediunt, quominus ex eo certi aliquid concludere possimus. Fortasse — quis, hoc ita non esse, planum facere potest? — his in lacunis verba, quae demonstrent, illum locum tantum ad eos, qui, ut testes essent, cogebantur, ac non ad voluntarios testes pertinere, desiderantur.

Secundo jam loco explanandum est, quid inter accusatorem et reum circa facultatem cogendi ad testimonium dicendum intersit.

Quintilianus tradit, ⁶⁷⁾ solis accusatoribus iis testibus, quibus iudex in judiciis publicis lege denunciare soleat, uti concessum esse. Plinius nos certiores facit, in judiciis ex lege repetundarum reum ex more copiam testimonii denunciandi non habuisse, Vareno cuidam in ejusmodi judicio copiam eam per exceptionem a senatu esse concessam Liciniumque Nepotem aegre ferentem in senatu dixisse, petendum a consulibus, ut referrent sub exemplo legis ambitus de lege repetundarum, num placeret, *ut sicut accusatoribus testibus denunciandi potestas ex ea lege esset, ita reus quoque fieret.* ⁶⁸⁾ Unde efficitur, in ambitus judicio reo testimonium denunciare licuisse et hactenus, quod Quintilianus statuit, corrigendum est. ⁶⁹⁾

⁶⁶⁾ Lex Servil. ed. Klenze lin. 32. pag. 53.

⁶⁷⁾ Cf. adn. ⁶¹⁾

⁶⁸⁾ Plin. ep. v. 20. vi. 5. 13.

⁶⁹⁾ Walter (Gesch. d. röm. R. S. 874), Sell (a. a. O. S. 286

Fortasse quod Licinius Nepos ad solum ambitus iudicium provocavit et ne Quintiliani sententia nimis multis exceptionibus labefactetur, statuere debemus, in iudiciis tantum ex lege ambitus reo denuntiationis jus fuisse. Quod ex Ciceronis aetate memoriae proditum est, huic adeo non repugnat, ut id magna ex parte confirmet. Ubiunque enim ex hac aetate testimonii denuntiationum fit mentio, accusatores iis vel utuntur, vel uti possunt.⁷⁰⁾ Porro Cicero Roscium Amerinum defendens, legatos ad Sullam missos a Capitone quodam deceptos esse, queritur additque:⁷¹⁾ „id quod, (iudices) ex ipsis (legatis) cognoscere poteritis, si accusator voluerit testimonium eis denuntiare.“ Si reus Roscius testimonium denuntiare potuisset, certe legatis testimonium denuntiasset neque Ciceroni necesse esset moleste ferre, quod legatis ab accusatoribus testimonium non esset denuntiatum: quare, Ciceronis aetate in iudicio de parricidio ex lege certe Cornelia de sicariis exercito reo, testimonii denuntiatione uti, non licuisse, nobis statuere licebit. Inde quod in plerisque publicis iudiciis uni accusatori copiam ad testimonium perhibendum cogendi fuisse, pro certo accipere debemus, necesse est arbitremur, hoc idem etiam obtinuisse in iis ex actione populari iudiciis, in quibus testimonii denuntiationi locum fuisse constat.

Sed tertio loco, *certas quasdam personas ad testimonium cogi, nullo modo licuisse videtur.*

Quorum numero imprimis ii, qui omnino copia testimonii dicendi carent, referendi sunt. Plutarchus porro nos

288), Klenze (Lehrb. d. Strafverf. S. 97) et, nisi fallor, etiam Sigonius (de iudic. ii. 15.), Heineccius (antiq. Rom. IV. xviii. §. 26) et Schweppe (röm. Rechtsgesch. und Rechtsalterth. 2. Ausg. S. 908) hoc praetermisere.

⁷⁰⁾ Cic. pro Rosc. Amer. xxviii.

§. 110. in Verr. I. xix. §. 51. II. iv. §. 12. xxvii. §. 65. pro Flacc. vi. §. 14. viii. §. 18. xv. §. 35. xxvii. §. 92. Cf. etiam Ps. Ascon. argum. ad Cic. Verr. pag. 125. 209 (Or.) Schol. Bobiens. ad Cic. Flacc. pag. 236. Valer. Max. VIII. i. §. 10.

certiores facit, patronum et clientem jam Romuli aetate ad testimonium invicem contra se dicendum cogi non potuisse.⁷²⁾ Patronum Marii aetate ad testimonium in clientem cogi non licuisse, Plutarchus confirmat,⁷³⁾ cum quo facit M. Cato, qui in oratione, quam dixit apud censores in Lentulum, bis verbis utitur:⁷⁴⁾ „Testimonium adversus clientem „nemo dicit.“ Nam si, patronum adversus clientem non testari, moribus nitebatur, certe nemo eos negligere, nullus patronus, adversus clientem testimonium dicere, cogi poterat. Lege Julia judiciorum publicorum cautum est, ne libertus aliquis in patronum suum,⁷⁵⁾ patroni parentes, liberos, virum, uxorem et liberos neve patronus in libertum testimonium ut dicat cogatur. Qui per legem Juliam de vi liberto in patroni patronum testari omnino non licuisse animadvertierint, facile ponere velint, libertum omnibus in publicis judiciis ad testandum in patroni patronum cogi non potuisse. Sit porro, qui ex illa Catonis oratione, in qua haec verba inveniuntur: „Adversus cognatos pro cliente testatur; testimonium adversus clientem nemo dicit;“ colligat, neminem ad testandum in cognatos cogi potuisse. Quam sententiam comprobare videntur leges Juliae de vi et judiciorum publicorum, quarum prior praecipit:⁷⁶⁾ „Homines inviti in „reum testimonium ne dicant, qui sobrinus est ei reo propioreve cognatione conjunctus.“ Altera ex iis, quae tradidit Panllus, cavit,⁷⁷⁾ ne quis ad testandum cogatur *adversus sobrinum sobrinam sobrino sobrinave*⁷⁸⁾ *natum eosve qui*

71) Cic. pro Rosc. Amer. lxxviii. §. 110.

72) Plut. Romul. 13.

73) Plut. Mar. 5.

74) Gell. N. A. V. xiii. §. 4.

75) Schrader, Titul. Dig. de cond. ob turp. caus. et de test. pag. 46 u. k.), pag. 48. critic. apparat. n. q.)

76) Coll. leg. M. et R. IX. 1x. §. 3. Huue locum Klenze (d. Cognateu und Affinen, in d. Zeitschrift f. gesch. Rechtswiss. Bd. vi. S. 108) neglectit.

77) l. 4. de test.

78) Schrader l. c. pag. 45. apparat. crit. n. e.)

priore gradu sunt, vel ex eodem Paulo brevius,⁷⁹⁾ ne quis contra cognatos⁸⁰⁾ testimonium invitus dicere cogatur. His ex duobus ejusdem Pauli locis inter se comparatis, voce cognati in posteriore obvia etiam prioris *sobrino natum* comprehensum esse, nobis statuendum est. Denique lex Julia de vi praecipit: ⁸¹⁾ „Homines inviti in reum testimonium ne dicant, qui socer, gener, vitricus privignusque ejus erit.“ Lege Julia judiciorum publicorum, quod Paullus tradit, cautum est, ⁸²⁾ ne invito denuntiaretur, ut testimonium litis diceret adversus socerum, generum, vitricum, privignum, vel brevius ex eodem Paulo: ⁸³⁾ „Contra affines testimonium invitum dicere neminem cogi.“ Gajus nuntiat, in iis legibus, quibus excipiat, ne gener aut socer invitus testimonium dicere cogatur, generi appellatione sponsum quoque filiae, item soceri appellatione sponsae etiam patrem contineri. ⁸⁴⁾ Fuit, ⁸⁵⁾ qui putaret, in illis legum Juliarum praeceptis, certos quosdam cognatos affinesque ad testimonium dandum cogi vetantibus, non fortuito modo solos viriles, modo femineos quoque enumerari. At si quis ita sentit, necesse est contendat, legem Juliam judiciorum publicorum sanxisse, ut, quum ad testandum in sobrinum, sobrinam, sobrino, sobrinave natum, socerum, generum, vitricum et privignum cogi non liceret, ad testandum in sobrino sobrinave natam, socrum, nurum, novercam et privignam ⁸⁶⁾ cogi concessum esset. Porro illi nevesse est statuere, secundum legem Juliam de vi nequaquam sobrinum, socerum, generum, vitricum, privignum ad testandum cogi potuisse, sed sobrinam, socrum, nurum, novercam, privignam ad testimonium cogi licuisse. ⁸⁷⁾ Quod

⁷⁹⁾ l. 10. pr. de grad. et aff.

⁸⁴⁾ l. 5. de test.

⁸⁰⁾ Klenze l. in adn. ⁷⁶⁾ cit. S.

⁸⁵⁾ Klenze l. in adn. ⁷⁶⁾ cit. S.

38. N. 2. et l. 4. de test.

113.

⁸⁴⁾ Coll. leg. M. et R. IX. 11. §. 3.

⁸⁶⁾ l. 4. de test.

⁸²⁾ l. 4. de test.

⁸⁷⁾ Cf. adn. ⁸⁴⁾

⁸³⁾ l. 10. pr. de grad. et aff.

ne ita ei statuere necesse sit, ponit ille, feminis omnino testandi facultatem definisse. Supra vero, quantopere ea opinio a vero abhorreret, docere conati sumus. Hoc autem loco perinde ac supra, ubi de iis, quibus propter reverentiam personarum testandi facultas defuerit, disseruimus, iisdem de causis atque illic, non ausim, conjecturam facere, quinam Ciceronis aetate singulis in judiciis ad testandum in pietate conjunctos cogi non potuerint.⁸⁸⁾

XII tabularum generali praecepto denique: „Qui se sio-rit testarier libripensve fuerit, ni testimonium“ (generatim) „fariatur, improbus intestabilisque esto;“ omnes, qui testes libripendensve ad mancipationes testamentaque adhibiti fuerant, ad testimonium his de rebus dandum, ubi eo opus erat, ergo etiam in privatis judiciis et pro reo et in illas exceptas pietate conjunctas personas cogebantur. Ceterum huic XII tabularum praecepto illa Justiniani constitutio locusque ille commemoratus Quintiliani non officinnt, quum aperte de usitato tantum et non de hoc extraordinario ad testimonium dicendum cogendi modo agant.

Ulpianus, qui, postquam lege Julia de vi, *quibusdam testimonium omnino, quibusdam interdictum esse invitis*, tradidit, haec legis Juliae verba commemorat:⁸⁹⁾ „Homines inviti in reum testimonium ne dicant, qui sobrinus . . .“ et rel., porro Quintilianus generatim docens⁹⁰⁾, *testibus voluntariis utrumque partem uti*, planum faciunt, quod fortasse quis in dubium vocare velit, ab accusatoribus quoque in judiciis publicis testes voluntarios produci potuisse, hoc est, non omnibus pro accusatore prodeuntibus testibus testimonium denuntiatum esse.

In publicis judiciis igitur et in nonnullis, fortasse in om-

⁸⁸⁾ Hic commemoratas personas ad testandum, als nicht beweisend, cogi non potuisse, cum Klenze (Lehrb. d. Strafverf. S. 97.)

accipere non possumus.

⁸⁹⁾ Coll. legg. M. et R. IX. IV.

⁹⁰⁾ Cf. not. ⁸¹⁾

nibus popularibus judiciis accusatori, ut testimonium daretur, cogere licebat. In ambitus iudicio etiam reo id erat concessum. Certae quaedam autem cum eo ipso, in quem testimonium dicendum erat, pietate conjunctae personae a nemine usquam ad testandum cogi poterant. Testi libripendique ad mancipationem testamentumque adhibitis his de rebus in judiciis publicis et privatis, pro actore et pro reo atque in illas exceptas personas testimonium dicendum erat, ni improbi instabilesque fieri vellent.

CAP. IV.

Quid de numero producendorum vel denuntiatione obstringendorum testium constitutum fuerit, quaeritur.

Arcadius nos certiores facit ¹⁾, certis quibusdam legibus amplissimum numerum testium definitum esse. Quae leges hoc fecerunt, vix aliae ac leges judiciorum publicorum esse possunt. *Amplissimum numerum testium definiētes*, quot plurimos numero testes produci fas esset, statuisse videntur.

Legem Corneliam repetundarum in earum legum numero referendam esse, nobis haud verisimile videtur; nam in iudicio de Verre ex lege Cornelia repetundarum exercito per novem dies testes prima jam in actione interrogati sunt ²⁾; porro Cicero in secunda in Verrem actione iudicibus hoc in memoriam revocat: ³⁾ „Scitis, Cn. Sertium, M. Modium, „equites Romanos, sexcentos praeterea cives Romanos multosque Siculos dixisse, se isti (Verri) pecuniam ob jus dicendum dedisse.“ Quamquam cavere debes, ne hoc ex loco

¹⁾ l. 1. §. 2. de test.

²⁾ Cic. in Verr. II. XLVIII. §. 119.

³⁾ Cic. in Verr. I. LX. §. 156.
VII. §. 20.

nimum elicias. Vox *sexcenti* enim saepe haud stricte intelligenda est, sed *permultos* tantum significat, ⁴⁾ et *sexcentos* loco allato hanc solam vim habere, orationis contextus satis demonstrare videtur.

Valerius Maximus narrat, accusatorem M. Aemilii Scauri, repetundarum rei, dixisse, lege sibi centum atque viginti hominibus denuntiare testimonium licere neque se recusare, quominus Scaurus absolveretur, si totidem nominasset, quibus in provincia nihil abstulisset, Scaurum autem tam bona conditione uti non potuisse, et rel. ⁵⁾ Quanam de lege accusator Scauri locutus est? Fuere, qui responderent, legem Serviliam repetundarum eum dixisse. ⁶⁾ Plerique simpliciter, id verum esse, statuunt adeo, ut ne ullam quidem, cur hoc ita esse arbitrentur, caussam afferant. Unus ⁷⁾ solus, quod sciam, eo consilio ad alium ejusdem Valerii Maximi locum ⁸⁾ provocat, ubi de quodam C. Cosconio, Servilia lege reo, agitur. Quemadmodum vero hac ex narratione, M. Aemilium Scaurum quoque ex lege Servilia reum fuisse, conjici possit, vix intelligere possumus. Qui ceteri legem Serviliam adhibuerunt, fortasse hoc Ciceronianae orationis pro M. Aemilio Scauro fragmento sunt innisi: „Reus est factus a Q. Servilio Caepione lege Servilia, quum judicia penes equestrem ordinem essent“ et rel. ⁹⁾ At Asconius Pedianus ad Scaurianam certiores nos facit, duos M. Scauros, et patrem et filium, de repetundis esse postulatos, patrem a Q. Servilio Caepione reum repetundarum lege, quam tulerit Servilius Glaucia, factum esse *tantaque continentia animi et magnitudine fuisse,*

⁴⁾ Cic. ad Att. XIV. XII. VI. IV. VII. II. §. 3. de divin. II. XIV. pro Font. [III. §. 4.] (Or.) pro Sest. XLVIII. §. 59. Martial. epigr. VI. 59. Plaut. Aulul. II. IV. 41. Trinum. III. III. 62. Terent. Phorm. IV. III. 63.

⁵⁾ Valer. Max. VIII. I. §. 10.

⁶⁾ Briasson. select. ant. II. 17. Sell. a. a. O. S. 287. Huschke a. a. O. S. 899.

⁷⁾ Sell. a. a. O. S. 287. N. 3.

⁸⁾ Valer. Max. VIII. I. 8.

⁹⁾ Cic. pro Scaur. I. §. 2.

ut Caepionem contra reum detulerit et breviori die inquisitionis accepta effecerit, ut ille prior causam diceret, M. quoque Drunum, tribunum plebis, cohortatum esse, ut judicia commutaret;¹⁰⁾ verba Ciceronianae pro Scauro orationis nobis conservata;¹¹⁾ „Non enim tantum admiratus sum ego illum virum, sicut „omnes, sed etiam praecipue dilexi;“ ad patrem esse referenda.¹²⁾ Filium autem M. Scaurum illum a Cicerone defensum, Asconius nos docet, L. Domitio Ahenobarbo et Appio Claudio Pulchro Conss. (700 a. u.) reum factum¹³⁾ summam fiduciam in paterni nominis dignitate reposuisse,¹⁴⁾ ipsum quoque cum sex patronis pro se dixisse magnoque opere iudices movisse et squalore et lacrimis et aedilitatis effusae memoria ac favore populari ac praecipue paternae auctoritatis recordatione.¹⁵⁾ Si nobis cum aliis statuere licet, id quod nequaquam exploratum est, Scaurum a Valerio Maximo commemoratum alterutrum, quorum Cicero in Scauriana Asconiusque in adnotationibus ad hanc orationem mentionem fecere, Scaurorum esse, jam ante oculos positum est, Scaurum, qui est apud Valerium Maximum, potius Ciceronis Asconique Scaurum filium quam patrem esse. Scaurum autem filium, quem 700 a. u. Asconius postulatum tradidit, non potest fieri quin ex lege Julia repetundarum 695 a. u. lata reum factum esse statuamus. Itaque si, qui est apud Valerium Maximum, Scaurus Ciceronis Asconique Scaurum filium esse, ponere velimus — id quod verisimile, sed minime certum est — lxx, cujus auctoritate Scauri accusatorem usum esse Valerius narrat, lex Julia ac non lex Servilia repetundarum esse de-

¹⁰⁾ Ascon. ad Cic. Scaur. pag. 21. (Or.).

¹¹⁾ Cic. pro Scaur. l. §. 4. a. (Or.).

¹²⁾ Ascon. ad Cic. Scaur. pag. 22. (Or.).

¹³⁾ Ascon. ad Cic. Scaur. pag. 18. (Or.).

¹⁴⁾ Ascon. ad Cic. Scaur. pag. 19. (Or.).

¹⁵⁾ Ascon. ad Cic. Scaur. pag. 20. (Or.).

buit.¹⁶⁾ Accusator Scauri dicit, lege, de qua modo disseruimus, sibi centum atque viginti hominibus *denuntiare* testimonium licere. Per banc ergo legem accusatori ad summum centum atque viginti homines ad testimonium cogere¹⁷⁾ licebat. Ex illis autem Valerii verbis certo confici non potest, neque accusatori ex illa lege ad summum centum et viginti testes producere licuisse,¹⁸⁾ neque ei plures quidem quam centum et viginti testes producere, sed tot solos ad testandum cogere concessum fuisse, fortasse, *ne effrenata potestate ad vexandos homines superflua multitudo testium protaheretur.*¹⁹⁾ Fortasse enim accusator, quum illis verbis utebatur, tantummodo amplissimum testium numerum, quibus testimonium *denuntiare* licebat, ac non amplissimum numerum testium et coactorum et voluntariorum indicare voluit. Nam facile praeceptum esse poterat, ut accusatori solos centum atque viginti testes ad testandum cogere, sed praeterea ex arbitrio voluntarios testes producere liceret. Sed contra exploratum non est, accusatorem idcirco voce *denuntiare* usum esse, quod ostendere voluerit, banc circumscriptionem ad voluntarios testes non pertinere eumque non, quum e. g. dicere vellet, accusatori ex commemorata lege summum centum et viginti omnino²⁰⁾ testibus uti licere, id forte bis verbis expressisse: Accusatori lege centum atque viginti hominibus testimonium denuntiari licet. Ut jam, quae adhuc exposuimus, paucis repetamus, secundum quandam, probabiliter Juliam repetundarum legem accusatori summum centum et viginti hominibus testimonium denuntiari aut, ut aliis verbis

¹⁶⁾ Rudorff, a. a. O. S. 406. N. 3. et Götting (Gesch. d. röm. Staatsverf. S. 488.) ad eandem banc sententiam, nescio, an per eandem viam, pervenerunt.

¹⁷⁾ Cf. Cap. III.

¹⁸⁾ Ut Sell. a. a. O. S. 287. 292.,

qui hoc loco illam formulae *testi denuntiari* significationem, quam ipse statuerat, oblitus esse videtur, et Götting a. a. O. (Rudorff, a. a. O. S. 406.)

¹⁹⁾ L. 1. g. 2. de test.

dicam, tot plurimos numero ad testimonium dicendum cogere licebat. Nequaquam vero scimus, num haec lex ad illarum, de quibus Arcadius loquitur, legum instar amplissimum numerum testium, quot omnino produci fas esset, definierit. Ergo hanc legem in numero earum, quarum Arcadius mentionem fecit, referendam esse, certo contendere non possumus.

Kl. V Mamiliae, ut vocant, legis constituit: „Curator „(coloniae deducendae) . . . et, cum curator hac lege non „erit, quicumque magistratus in ea colonia, municipio, prae- „fectura, foro, conciliabulo jure dicundo praeerit, in eam „rem (terminum ejectum, emotum) . . . testibus publice dum- „taxat in res singulas decem *denuntiandi* potestatem facito.“²⁰⁾ Nota illa ex edicto perpetuo excerpta: „Q. E. R. E. T. P. J. „R. D. T. Q. D. T. D. D. P. F.“ ex Valerii Probi auctoritate hoc praeceptum continet: „Quanti ea res erit, tantae pecuniae „judicium recuperatorium dabo testibusque dumtaxat decem „*denuntiandi* potestatem faciam.“ His in judiciis ergo ad summum decem homines ad testimonium dicendum cogi²¹⁾ concessum fuit. Per exscriptos igitur locos, quum, plures voluntarios testes produci, non vetarent, hoc evidenter licebat. Itaque falsa est eorum opinio, qui, quum his locis nitantur, statuunt, celeritatem illam in decernendo, propriam judiciis recuperatoriis,²²⁾ in eo etiam fuisse, quod in iis decem tantum testes produci licuerit.²³⁾ Hoc neque ex ea sola re, quod in causa Caeciniana reus decem testes produxit, certo confici, vix indicare debeo. Lex, quam vocant Mamiliam, in iudicio ex ipsa de termino dolo malo ejecto motove constituto sine dubio eo consilio decem solis dum-

²⁰⁾ Rudorff, a. a. O. S. 386.

²¹⁾ Cf. Cap. III.

²²⁾ Cic. pro Tull. 10. (Or.).

²³⁾ Sell. a. a. O. S. 291. 294.

Iterum, quum seorsum illum, quem

formulae *testi denuntiari* proprium fuisse ipse docuit, negligat, in errore versatur, qui, in iudicio ex lege Mamilia decem solos testes admissos esse, arbitretur.

taxat hominibus in res singulas testimonium denuntiari concessit, quae prohiberet, quominus nimis multi testimonii denuntiatione propter rem tam parvi ponderis vexarentur.²⁴⁾ Fortasse simili aliqua de causa etiam in iudicio, ad quod illud siglum ex edicto perpetuo, quod Valerius Probus nobis illustravit, pertinet, numerus eorum, quibus testimonium denuntiari liceret, coarctatus est. Quum autem, quam rem hoc iudicium petierit, nesciamus, de ratione illa decernere non possumus.

Ceterum, quot testes produci liceret, etiam praeceptis, qualia continebant leges Pompejæ de vi et ambitu, jubentes, *ut prius, quam causa ageretur, testes per triduum audirentur*,²⁵⁾ etsi non ipso testium numero addito, circumscribatur. Etiam Pseudo-Asconius, ad Ciceronis orationem in Verrem monens: „XX dies dabantur ad accusandem legitimi „totideme defensori ad respondendum;“²⁶⁾ hic commemorandus est, si quidem vox *accusare* non ad solam accusatoris orationem pertineat et Asconii narrationem fide dignam esse credas.

Judicem aut prætorem potestatem numeri testium terminandi habuisse, nusquam traditur. E contrario, quoniam iudicibus ex legibus, quae amplissimum testium numerum definierant, *hujus licentiae ad sufficientem numerum testium coarctandae* potestatem principum constitutionibus factam esse scimus, his saltem iudicibus eam antea defuisse constat.²⁷⁾ Fuerunt,²⁸⁾ qui, liberae civitatis jam ætate iudicibus jus testium numeri ad libidinem finiendi fuisse, contenderent, Ciceronis solo loco nisi, ubi hæc narrat:²⁹⁾ „A. Varius,

²⁴⁾ L. 1. §. 2. de test. Huschke a. a. O. S. 899. Rudorff a. a. O. S. 407.

²⁵⁾ Ascon. ad Cic. Mil. pag. 40. 37. (Or.)

²⁶⁾ Ps. Ascon. ad Cic. Verr. pag. 166. (Or.)

²⁷⁾ L. 1. §. 2. de test.

²⁸⁾ Trekel. ad Brisson. select. antiq. n. 17. Sell. l. c. pag. 288.

²⁹⁾ Cic. de finib. II. xix.

„qui est habitus iudex durior, dicere consessori solebat, „quum datis testibus alii tamen citarentur: „Ant hoc testium „satis est aut nescio, quid satis sit.“ Quomodo vero nos, in hoc loco eam inesse sententiam, arbitrari licet, ut Varius iudex, qui cum consessore tantum est collocutus, auctoritate muneris sui prohibuisse tradatur, quominus etiam plures testimonium dicerent? Commemoratis ex verbis id tantum effici videtur, Varium permultis jam datis testibus, quum nihilominus deinceps alios citari animadvertisset, privatim consessori insusurasse, satis sibi jam testium interrogatum esse videri.

Denique de laudationibus nobis hic commemorandum est, reo, qui laudationibus uti vellet, pauciores quam decem cum iudicibus communicare, inhonestum fuisse. Verrem enim accusans Cicero, Mamertina in laudatione Verris multa vulnera esse, contendit, quae, quum enumerare vellet, sic incipit: ³⁰⁾ „Primum, ut in iudiciis, qui decem laudatores dare non „potest, honestius est ei, nullum dare, quam illum quasi legitimum numerum consuetudinis non explere.“

CAP. V.

De iurejurando, quo testimoniorum fides firmanda fuerit.

A singulorum hominum testimoniis exordiemur.

Testibus, qui coram iudicibus testimonia dabant, in iudicio et publico et privato fidem testimoniorum iurejurando confirmandam fuisse, pro certo contendimus.

³⁰⁾ Cic. in Verr. V. xxi. §. 57.

Quod praeceptum obtinuisse, efficitur primum ex eis locis, qui, ut testes jurati dicant, tanquam generalem juris normam postulare videntur. Quintilianus enim, auctoritatem testimoniorum de auditionibus eo argumento, quod, ea testimonia qui dent, *non ipsi sint testes, sed injuratorum afferant voces*, refelli posse exponit.¹⁾ Itaque eo his testimoniis detrabitur, quod is, a quo testis, quod pro testimonio dicit, audit et a quo propterea, licet ut testis in judicio ipse non compareat, vi et effectu testimonium proficiscitur, injuratus hoc dixit. In justo igitur testimonio jurejurando, quo testis buic fidem firmaret, opus erat. Cicero porro, quum de religione Graecorum in testimonio dicendo loquitur, in eos his verbis invehitur:²⁾ „Graecus testis, quum ea voluntate processit, ut laedat, non jurisjurandi, sed laedendi verba meditatur . . ; ei jusjurandum jocus est, testimonium ludus.“ Fidem testimoniorum a Graecis datorum universim quum elevare studeat, Graeco testi, cupido laedendi, *jurisjurandi verba non meditant* dicit *jusjurandum jocum esse*. Ex qua probandi ratione colligimus, ex communi quodam juris praecepto testi jurejurando testimonium firmandum fuisse. Deinde Gallis testibus, qui in Fonteium testimonium dixere, et praesertim inter hos Induciomaro fidem derogans Cicero Fonteii in defensione haec dicit:³⁾ „(Induciomarus) primum illud verbum consideratissimum nostrae consuetudinis: *ARBITROR*, quo nos etiam tunc utimur, quum ea dicimus jurati, quae comperta habemus, quae ipsi vidimus, ex toto testimonio suo sustulit . . . An vero istas nationes religione jurisjurandi . . . in testimoniis dicendis commoveri arbitramini, quae tantum a ceterarum gentium more ac natura dissentiant?“ Hic Cicero primum in Induciomaro exprimat, quod inter testandum, se omnia scire, dixit et praeter morem voce *arbitror* non sit usus. Romanos vero hac voce in *testando* uti, etiamsi, quae comperta habeant et ipsi

¹⁾ Quintil. I. O. V. VII. §. 5.

²⁾ Cic. pro Font. IX. §. 19. 20.

³⁾ Cic. pro. Flacc. V. §. 11. 12.

viderint, pro testimonio dicant, Cicero his verbis significat: „(Qua voce) nos etiam tunc utimur, quum ea dicimus *jurati*, quae comperta habemus, quae ipsi vidimus.“ Simili quodam modo Cicero in oratione pro Sulla habita, quum accusatorem fingat in se dicentem, *se regnum (Ciceronis) ferre non posse*; . . . (omnes), in quos (Cicero) *testimonia dixisset, damnatos esse*, et accusatori respondere velit, *testem*, qui verum dicat cuique fides tribuatur, propterea nondum regnare, id his verbis exprimit: ⁴⁾ „Hic tibi ego de testimoniis meis hoc respondeo: . . si verum dixerim, non esse hoc regnare, quum verum *juratus* dicas, probare.“ Porro Cicero nostro in loco, ut omnium Gallorum testimoniis fidem detrahat, loco Fontejanæ defensionis supra exscripto, eos *religione iurijurandi non commoveri*, contendit. Eo quoque, testibus omnibus jurandum fuisse, ille significare videtur. Denique Seneca, qui dicit: ⁵⁾ „De parvula summa iudicatu, tibi res sine teste non probaretur: testis sine jurejurando non valeret;“ in judiciis privatis quamvis parvi momenti testimonium jurejurando firmandum fuisse, docere videtur: quod ita esse, si recte intelligimus, testi et in judiciis privatis magni momenti et in publicis judiciis jurandum fuisse, in dubium vocari non licet. ⁶⁾

Secundo loco, illud praeceptum obtinuisse, multa singula exempla testium, quos in judiciis publicis aut privatis juratos testimonia dedisse invenimus, nos docent, quia non est, cur existimemus, hos solos jusjurandum dedisse, ceteros contra testes, quos jurasse non tradunt, id non fecisse. Ejusmodi exempla in caussa Clodiana de Bonae Deae cerimonii pollutis, ⁷⁾ in caussa Verris, ⁸⁾ Fonteiana, ⁹⁾ etsi non

⁴⁾ Cic. pro Sull. vii. §. 21.

⁵⁾ Senec. de ira ii. 29.

⁶⁾ Cf. praeterea Juvenal. satyr. iii. 144 – 146.

⁷⁾ Cic. ad Att. I. x. Valer. Max. viii. v. §. 5. Cf. etiam Schol. Boetius. arg. ad Cic. orat. in Clod. et

Cur. pag. 330. (Or.).

⁸⁾ Cic. in Verr. I. v. §. 14. l.iii. §. 139. II. v. §. 13. IV. viii. §. 18. II. xxi. §. 80. lxxii. §. 177. IV. xxi. §. 50. V. vii. §. 15. xi. §. 27. lxxiv. §. 90.

⁹⁾ Cic. pro Font. vii. §. 14.

in hac ipsa causa datorum testimoniorum, in causa Philodami,¹⁰⁾ quod lictor Verris, Philodami filiam stuprare cupientis, in tumultu propterea exorto occisus erat, apud Neronem, qui Asiae provinciae praeerat, accusati, in causa Coeliana¹¹⁾ et in Caecinae¹²⁾ et Roscii Conioedi¹³⁾ causis invenimus¹⁴⁾. In illis exemplis sunt etiam testes in Fonteium,¹⁵⁾ Flaccum¹⁶⁾ et Scaurum¹⁷⁾ producti, in quibus Cicero, quod pejeraverint, exprobrat, et Vatinius, testis in P. Sestium, a Cicerone defensum, cui hic perjurium objicit:¹⁸⁾ siquidem eos testes, quum pejerare possent, jurasse necesse est. Ne quis, laudatoribus non jurandum fuisse, putet, hic separatim exprimere liceat, Ciceronem, multos Romanos Fonteium juratos privatim et publice laudasse, narrare.¹⁹⁾

Coram et non per tabellas testimonium dantibus testibus hoc jurejurando firmandum fuisse, diximus. Si qui per tabulas testimonium dixerint, ad tale jusjurandum adactos esse, negavimus. De hac quidem re non omnes nobiscum consentire videntur.²⁰⁾ Sed nihilominus ea tenenda est. Quintilianus enim, ubi explorat, cui diversorum probationum generum, quae, ab altero litigatore in alterum prolatae, inter se repugnent, major auctoritas concedenda sit: „Saepe,“ inquit,²¹⁾ „inter se collidi solent inde testatio, hinc testes: „locus utrinque: haec enim se pars jurejurando, illa consensu signantium tuetur.“ Quintilianus igitur, qui comoda probationis per testes, coram iudicibus interrogatos, propria componit cum commodis, quae in probatione per testa-

¹⁰⁾ Cic. in Verr. I. xxxiii. §. 84.

¹¹⁾ Cic. pro Coel. II. §. 4. VIII. §. 20. xii. §. 55.

¹²⁾ Cic. pro Caec. I. §. 3. ix. §. 25. x. §. 28.

¹³⁾ Cic. pro Rosc. Com. xv. §. 45. 44.

¹⁴⁾ Liv. xxvi. 3. jam de rebus 543 a. u. c. gestis agens nobis ju-

rarum festium exempla affert.

¹⁵⁾ Cic. pro Font. xvi. §. 35.

¹⁶⁾ Cic. pro Flacc. xi. §. 26.

¹⁷⁾ Cic. pro Scaur. II. §. 20. 29.

¹⁸⁾ Cic. in Vatin. I. §. 3.

¹⁹⁾ Cic. pro Font. x. §. 22.

²⁰⁾ Walter Gesch. d. röm. R. S. 751.

²¹⁾ Quintil. I. O. V. vii. §. 32.

tionem, i. e. testimonia tabulis inscripta et de his coram iudicibus recitata, laudanda sunt, iusjurandum, quo testimonii veritas affirmatur, commodum probationi per testes, coram iudicibus interrogatos, peculiare vocat. ²²⁾ Ergo, qui testimonium per tabulas dabat, fidem ejus jurejurando non confirmabat. Ne ullo quidem veterum loco, contrarium ut accipiamus, adigimur. Sit quidem, qui contra sentiens juratorum Luscii et Manilii in caussa Roscil Comoedi ²³⁾ et L. Luceii in Coeliana caussa ²⁴⁾ recitatis tantummodo testimoniis nitatur. Sed non est, cur sententiam improbemus, Coelianam et Roscianam caussas aequae ac Quintianam, Tullianam et Caecinianam ampliatas esse, Luscium, Manilium et Luceium priore in actione coram iudicibus juratos testimonium dixisse idque literis mandatum et in posteriore actione, in qua Cicero orationem nobis conservatam dixit, recitatum esse.

Reliquum est, ut nonnulla, quae ad *collegiorum* vel *alia per legatos cum iudicibus communicata* testimonia pertinent, afferamus.

Conciones, quae testimonia decreverunt, ea jurejurando firmasse, nobis neque verisimile videtur et testimonia illarum Graecarum concionum, quas Laelius, ut in Flaccum testarentur, impulit, *non jurejurando constricta* fuisse, Cicero nobis his ipsis verbis nuntiat. ²⁵⁾ Quum, haec testimonia fide non digna esse, Cicero planum facere studet, ea cum testimoniis publicis ex Sicilia, quae ipsi Verrem accusanti praesto fuere, comparat atque, ut testimoniorum in Verrem fidem commendet, hoc dicit: ²⁶⁾ „Erant ea testimonia non concitatae concionis, sed jurati senatus.“ Utrum haec verba ad sacra-

²²⁾ Non omittimus admonere, hunc locum quam maxime aperte, omnibus, qui coram iudicibus testimonium dicebant, hoc jurejurando confirmandum fuisse, demonstrare.

²³⁾ Cic. pro Rosc. Com. xv. §. 44, 45.

²⁴⁾ Cic. pro Coel. xii. §. 55.

²⁵⁾ Cic. pro Flacc. vi. §. 15.

²⁶⁾ Cic. pro Flacc. vii. §. 17.

mentum, quo senatores Sicilienses, e. g. munus ineuntes, se religioni in omnibus numeris officiis obeundis, quo etiam testimonia decernenda pertinebant, addixerint, an ad iusjurandum referenda sint, quo unius hujus testimonii fidem firmarint, pro certo dijudicare non possumus. In oratione pro C. Rabirio Postumo dicta, qui ex lege Julia repetundarum, quod pecunia a Gabinio, de repetundis damnato, capta ad eum pervenisset, reus factus erat, Cicero: „Aderunt“, inquit,²⁷⁾ „testes (in Rabir. Postumum), legati Alexandrini (sine dubio a Ptolemaeo Aulete „missi) Ii Gabinium laudaverunt . . . Non est, inquit „(Rabirii accusator), tum (in Gabinii iudicio) Alexandrinis testibus creditum . . . , creditur nunc (in Rabirii causa).“²⁸⁾ Accusatori, qui hoc statuit, Cicero respondet: ²⁹⁾ „Ubi semel quis pejeraverit, ei credi postea, etiamsi per plures „deos juret, non oportet.“ Hi legati ergo Alexandrini Gabinii laudationem iurejurando sanxere. Hos vero legatos, qui Ptolemaei testimonium cum iudicibus communicarent, Romam missos esse, non adeo certum est, ut hoc ex loco colligi liceat, legatis, qui iudicibus testimonium aliquod impertirent, missis, id coram iudicibus adjurarent, necesse fuisse. Quod ne ex eo quidem concludi potest, quod Hejus, princeps Mamertinae ad laudandum Verrem legationis, *juratus* ³⁰⁾ nonnulla cum iudicibus communicavit. Infra enim explanabimus, ³¹⁾ Heium illud non ut civitatis Mamertinae legatum, sed ut privatum a Cicerone productum testem pro testimonio dixisse. Archiam poetam, cujus civitas erat impugnata, defendens Cicero: „Adsunt Heracleenses legati“ ait ³²⁾ „ . . . hujus iudicii causa cum . . . publico testimonio venerunt,

²⁷⁾ Cic. pro Rabir. Post. xi. §. 31.

²⁸⁾ Cic. pro Rabir. Post. xii. §. 34.

²⁹⁾ Cic. pro Rabir. Post. xiii. §. 36.

³⁰⁾ Cic. in Verr. II. v. §. 13. IV. viii. §. 18.

³¹⁾ Cap. VI. s. f.

³²⁾ Cic. pro Arch. iv. §. 8.

„qui hunc (Archiam) adscriptum Heracleensem dicunt . . . „habes (Gratius, Archiae adversarius,) . . . integerrimi muni-
cipi jusjurandum fidemque.“ Iterum hic decernere non possumus, utrum hoc jusjurandum generale quoddam Cicero dixerit, quo Heracleenses senatores — eos enim de testimonio decrevisse, verisimile videtur — se religioni in omnibus seuatus officiis obeundis addixerint, an jusjurandum ab illis, ut huius solius testimonii religio firmaretur, datum, an jusjurandum, quod legati civitatis nomine coram iudicibus trihuerint. Nihil plus proficimus his Ciceronis, quae in oratione pro Fonteio dixit, verbis: ³³⁾ „Omnes in Gallia qui sunt socii populi Romani et amici M. Fonteium . . . iurati privatim et publice laudant.“

Fuit, ³⁴⁾ qui doceret, testes in iudiciis privatis iurejurando omnino non obligatos esse: alius, ³⁵⁾ aperte rationem non habens illius discriminis inter testimonia a praesentibus dicta et per tabellas data, praecepit, ut, hos testes interdum, sed non semper iurejurando adstrictos esse, statueremus. Utraque opinio falsa est.

Hic ad Ciceronis orationem pro Roscio Comoedo provocare videtur, ubi Cicero haec dicit: ³⁶⁾ „Tibi vero, Piso (qui iudex illa in causa fuit) diu deliberandum et conquirendum est, utrum potius Chaereae injurato (actori in causa Rosciana) an Maudio et Luscio iuratis (quorum testimonium recitatum erat) in alieno iudicio credas.“ Quomodo hoc ex loco, ubi ea, quae testes iurejurando obligati dicunt, iis, quae actor injuratus dicit, opponuntur, colligi possit, testes interdum, sed non semper iuratos testimonium dixisse, equidem non intelligo.

Contra alteram sententiam eorum, qui, testes in iudiciis privatis omnino non iuratos dixisse, putant, acriter pugnant

³³⁾ Cic. pro Font. x. §. 22.

³⁵⁾ Rein. röm. Privatr. S. 476.

³⁴⁾ Zimmern. Gesch. d. röm. Privatr. Bd. III. §. 133.

³⁶⁾ Cic. pro Rosc. Com. xv.

illa testium jurajuranda, quae in Caecinae Rosciique Co-
moedi caussis ³⁷⁾ commemorantur. ³⁸⁾ Ad hanc sententiam
probandam primus Quintilianus quidem assertur dicens: ³⁹⁾
„Nam tota genera testimoniorum (elevata ab oratoribus sci-
„mus): ut de auditionibus; non enim ipsos esse testes, sed
„injuratorum afferre voces.“ At hic non testes ipsi, qui
cum iudice testimonium communicant, injurati sunt, sed ii
tantummodo, qui testes de eo, quod hi pro testimonio di-
cunt, certiores quidem fecerunt, ipsi in iudicio ut testes
non comparent. Deinde posito eo, quod esse haudquaquam
concedimus, Quintiliani illo loco de injuratis testibus agi,
hic locus, quoniam primum ad parvam tantum testium par-
tem pertineret, in parva testium parte, testimonium ju-
rejurando firmatum non esse, exprobraret eoque ipso, tes-
tes ex solito jurejurando testimonium sancire debuisse, con-
fiteretur. Porro, quod Quintilianus generaliter de testibus ab
auditu loquitur, propterea is locus ad testes injuratos non
solum in privatis, sed in publicis etiam judiciis pertineret,
ita ut, si ex eo concludere licuerit, testes in judiciis priva-
tis jurejurando obligatos non esse, idem etiam de testibus
in judiciis publicis statueretur, necesse esset. Sed ille, qui
ex nostro loco, testes in judiciis privatis non juratos di-

³⁷⁾ Cf. adu. 12) et 13)

³⁸⁾ Nihilominus Glück (Pande-
cten Bd. xii. S. 191. f.) docet:
„Ueber den Ursprung des Zeugen-
„eides sind zwar die Rechtsge-
„lehrten verschiedener Meinung,
„indem einige schon längst vor
„Constantin dem Grossen Spu-
„ren von der Nothwendigkeit des
„selben sogar in Civilsachen bei
„den Classikern gefunden haben
„wollen. Allein die richtigere Mei-
„nung . . . ist ohnstrcitig dieje-

„nige, nach welcher die Noth-
„wendigkeit des Zeugeneides im
„Civilprozesse von Constantin dem
„Grossen hergeleitet wird. . . .
„Von einer Vereidung der Zeugen
„in Civilsachen findet sich . . . vor
„Constantin keine Spur;“ ei
Schweppe (röm. Rechtsgesch. und
Rechtsalterth. 2. Ausg. S. 826) de
judiciis privatis agens docet: „Erst
„von Constantin ist der Zengen-
„eid.“

³⁹⁾ Quintil. 1. O. V. vii. §. 5.

xisse, conclusit, contrarium de testibus in judiciis publicis statuit. Secundo loco, qui, testes in judiciis privatis testimonium jurejurando non firmasse, contendit, eam sententiam non meliore jure confirmare studet Valerii Maximi loco narrantis, ⁴⁰⁾ Xenocrates cum Athenis, testimonium dicere coactus, ad aram accessisset, ut more civitatis juraret, omnia se vere retulisse, universos judices consurrexisse proclamasseque, ne jusjurandum diceret. Sed primum non est, cur, hunc locum ad solum judicium privatum neque ad publicum pertinere posse, pro certo accipiamus. Deinde hic per exceptionem testi jusjurandum remittitur, quam ipsam exceptionem per raro datam esse, Valerius Maximus satis ante oculos ponit, qui de illa loquens exclamet: „Quantum honoris Athenis „Xenocrati, sapientia pariter ac sanctitate claro, tributum est!“ Haec autem exceptio postulat tanquam regulam, testi fidem testimonii jurejurando confirmandam esse. Denique, his omnibus omissis, hoc loco de judicio, quod Athenis exercitum est, neque de Romano aliquo judicio agitur et propterea eo ad rationem testium, qui ad Romanum judicium adhibebantur, illustrandam nobis minime uti licet.

Fortasse Pseudo-Asconius, qui docet: ⁴¹⁾ „Jurati testes „produci solent, non solum ne falsa dicant, verum etiam „ne, quae vera sunt, taceant“; significat, testibus, se nil nisi verum et totam veritatem, quatenus scirent, dicere, jurandum fuisse.

CAP. VI.

Quomodo testimonia data sint.

Primum de testimoniis a singulis hominibus datis agemus.

⁴⁰⁾ Valer. Max. II. 1. extr. §. 2.

⁴¹⁾ Ps. Ascon. ad Cic. Verr. pag. 184. (Or.)

Quintilianus, ubi de testimoniis exponere incipit, primo loco ponit: ¹⁾ „Testimonia dicuntur aut per tabulas aut a „praesentibus.“

Tacitus, testimonia *per tabellas* data ipsius aetate haud nova fuisse, ostendit. Dicit enim, postquam, Romae eloquentiam liberae civitatis temporibus magni habitam esse, exposuit: ²⁾ „Nec mirum . . . , cum etiam inviti ad populum producerentur . . . , cum testimonia quoque in judiciis non absentes „nec per tabellam dare, sed coram et praesentes dicere cogerentur.“ Ceterum ne dubitemus, quin Ciceronis jam aetate testimonia per tabulas, ex quibus ea coram praetore vel in judiciis recitabantur, data sint, apud ipsum Ciceronem nobis ejusmodi testimoniorum exempla conservata sunt. Jam statim haec enumerabimus. Cicero, quum Flaccum defendens de Heraclide, legato ad testimonium in Flaccum dicendum, agit, *ut iudices ejus impudentiam perspicere possent, causam ipsam, quae levissimi hominis animum in Flaccum incitavit, cum iudicibus communicavit.* Quae ira ex iudicio privato quodam exorta est: Heraclides enim Romae a C. et M. Fufiis pecuniam mutuam Hermippi fide sumpserat. Ad quam fidem liberandam postquam Hermippus Fufiis satisfecit, Heraclidem tergiversantem iudicio persecutus est. Recuperatores rem minime dubiam prima actione contra Heraclidem judicaverunt. Qui postea dixit, recuperatores, vi Flacci coactos et metu, falsum invitos judicavisse. Illo in recuperatorio iudicio, ut Heraclides Fufiorum se affirmavit nunquam omnino nomen audisse, *testimonia Fufiorum . . . recitata sunt.* ³⁾ Aliud exemplum testimonii per tabulam impertiti Cicero in orationibus adversus Verrem habitis nobis adest. Verres enim, qui non ignorabat, sumtum omnem in classem frumento stipendio ceterisque rebus navarcho suo quamque civitatem non solum in Sicilia, sed in omnibus provinciis seni-

¹⁾ Quintil. I. O. V. VII. §. 1.

²⁾ Cic. pro Flacc. XI. §. 48.

³⁾ Tacit. de oral. 36.

per dare solitam esse, prius imperaverat, ut ea pecunia omnis a civitatibus sibi adnumeraretur. Pretio certo missos fecerat plurimos nautas; missorum omne stipendium ipse lucratus erat; reliquis, quod debebat, non dederat. Sic infirmatae classi populi Romani Cleomenem Syracusanum praeesse jussêrat, quo magis soluto animo remoti atque ablegati ejus uxorem Nicem secum haberet. Praedones Cleomenem in fugam converterant, classem in litus ejectam incenderant et Syracusas irruperant. Verres, certior factus Syracusis agi nihil in foro et conventu tota die, nisi hoc quaeri a navarchis, quemadmodum classis esset amissa: illos respondere et docere unumquemque, missione remigum, fame reliquorum, Cleomenis timore et fuga id factum esse, *navarchos ad se vocari jubet. Veniunt; accusat eos, quod hujusmodi de se sermones habuerint; rogat, ut id facere desistant et in sua quisque navi dicat se tantum habuisse nautarum, quantum oportuerit, neque quemquam esse demissum. Illi enimvero se ostendunt, quod vellet, esse facturos. Verres non procrastinat; advocat amicos statim. Quaerit ex iis singillatim, quot quisque nautas habuerit. Respondit unusquisque, ut erat praeceptum. Verres in tabulas refert. Obsignat signis amicorum providens homo, ut contra hoc crimen, si quando opus esset, hac videlicet testificatione uteretur.*⁴⁾ Servio Sulpicio, Murenac accusatori, Cicero objicit, quod consulatus petitioni parum operam dederit, quum semper in inquirendo in Murenam, ut hunc ambitus reum facere posset, versaretur, itaque populum, ubi Servii *observationes, testificationes, seductiones testium, secessionem subscriptorum*⁵⁾ animadverterit, existimasse, eum petitionem consulatus deposuisse atque abjecisse. Si hoc loco *testificationes, quas populus animadcertit, a seductionibus testium discernere velimus, statuere nobis necesse est, testificationes hic ut etiam alibi ad testimoniorum per tabu-*

* Cic. in Verr. V. xxxix. §. 102.

⁵⁾ Cic. pro Muren. xxiv. §. 49.

las dandorum comparationem referendas esse. Naevius, ut praetori planum faciat, Quintium vadimonium, quod hic ipsi promississet, deseruisse, quo nitens postulare possit, ut edicto bona Quintii possidere liceat, *suos necessarios corrogat, ut ad tabulam Sextiam sibi adsint hora secunda postridie*, qua sine dubio Quintius se staturum promiserat. Quo postquam frequentes venerunt, *testificatur, P. Quintium non stitisse et se stitisse. Tabulae maximae signis hominum nobilium consignatur.*⁶⁾ En rursus testimonium per tabulas datum. Alfenus denique, *ut omnes intelligere possent, iudicio defendi Quintium . . . , viros bonos complures adrocat, testatur, Naevio audiente, se pro communi necessitudine id primum petere, ne quid atrocius in P. Quintium absentem sine causa facere conetur; sin autem inimicissime atque infestissime contendere perseveret, se paratum esse, omni recta atque honesta ratione defendere, quod petat, non deberi: se iudicium, id quod edat, accipere. Ejus rei conditionisque tabellas obsignaverunt viri boni complures.*⁷⁾ Alfenus sine dubio propositum habuit, si necesse esset, iudici hac testificatione exhibita planum facere, Quintium non indefensum fuisse, quare incommoda, quae indefenso inferri sole-
rent, in Quintium incidere non posse.⁸⁾ Ad extremum jam memorandum esse ducimus, in tabulis inscriptas laudationes

⁶⁾ Cic. pro Quint. vi. §. 25.

⁷⁾ Cic. pro Quint. xxi. §. 60. 67.

⁸⁾ In oratione pro C. Rabirio Postumo habita (xii. §. 34.) Cicero: „Recitabatur,“ inquit, „(in iudicio) identidem Pompeii testimonium: regem ad se scripsisse, nullam pecuniam Gabinio, nisi in rem militarem, datam.“ Fieri etiam potuit, ut Pompeius hoc testimonium prima in actione huius iudicii de repetundis praesens diceret, deinde testimonium literis mandaretur secundaque in actione

recitaretur. Fortasse etiam Cicero de orat. II. xxxviii. §. 147, qui, ubi de oratorum juris scientia natorum arrogantia, pro qua in minoribus navigiis rudes esse se confiteantur, quinqueremes aut etiam majores contra gubernare vellit, queritur, hoc utitur exemplo: „Quum obsignes tabellas clientis tui, quibus in tabellis id sit scriptum, quo ille capiatur; ego tibi ullam causam majorem committendam putem?“ ad testimonium per tabulas data spectat.

quoque, quae ad reos sublevandos a singulis hominibus ad iudices missae sint, non deesse. Cicero enim Lentulo scribit: ⁹⁾ „Cur autem laudarim, peto a te, ut id a me neve „in hoc reo neve in aliis requiras, ne tibi ego idem repo- „nam, quum veneris: tametsi possum vel absenti: recordare „enim, quibus laudationem ex ultimis terris miseris.“ Porro Dio Cassius narrat, Munatium Plancum propter incendium curiae, quod effecisset, populum quum in Milonem, qui Clodium occiderat, concitaret, reum factum esse, atque nulli illi usui fuisse, quod Pompejus βιβλίον ἔπαινόν τε ἅμα αὐτοῦ καὶ ἱκέτιαν ἔχον, ἐς τὸ δικαστήριον ἔπεμψεν.¹⁰⁾ Et de eadem re Plutarchus refert: ¹¹⁾ „Ἐπεὶ δὲ νόμῳ τοὺς εἰσθό- „τας λέγεσθαι περὶ τῶν κρινομένων ἐπαίνους αὐτὸς (Pompejus) „ἀφελὼν Μουνατίῳ Πλάγκῳ συγγράφας ἔπαινον ἐπὶ τῆς δι- „κῆς ἔδωκεν, . . ὁ Κάτων . . ἐκάλυνεν ἀναγινώσκεσθαι τὴν μαρ- „τυρίαν.“ Denique audiamus de hac laudatione Valerium Maximum, qui ejus hoc modo mentionem facit: ¹²⁾ „Cum „in senatorem nocentem . . . reum (Cato) iudex sedisset ta- „bellaeque Cn. Pompeii, laudationem ejus continentes, pro- „latae essent . . . protinus submovit eas e quaestione . . .“ Asconius tandem nuntiat: ¹³⁾ „Laudaverunt Scaurum consu- „lares novem . . . Horum magna pars per tabellas laudave- „runt, qui aberant.“

Multa tamen, quae testimoniorum per tabulas a singulis hominibus datorum exempla a quibusdam viris doctis dicuntur, ¹⁴⁾ aut omnino testimonia non sunt aut, si testimonia revera sunt, ea vel non per tabellas data esse scimus vel per tabulas reddita esse exploratum non habemus.

Inter testimonia, quae per tabulas data nominantur, sed

⁹⁾ Cic. ad famil. I. ix. §. 19.

¹⁰⁾ Dio Cass. xl. 55.

¹¹⁾ Plut. Cato min. 48. Cf. etiam eund. in Pomp. 55.

¹²⁾ Valer. Max. VI. ii. §. 5.

¹³⁾ Ascon. ad Cic. Scaur. pag. 28. (Or.)

¹⁴⁾ Rein, röm. Privatr. S. 477. Walter, Gesch. d. röm. R. S. 875.

omnino testimonia non sunt, numeramus rationes illas, quas Verres de sua quaestura retulerat, quaeque Cicerone postulante inter ipsius in Verrem orationem recitatae sunt;¹⁵⁾ deinde Servilii, qui, imperator populi Romani quum Olym-pum urbem cepisset, quae signa atque ornamenta ex hac sustulit, in tabulis publicis ad aerarium perscribenda curaverat, rationes, quas ideo recitari Cicero iussit,¹⁶⁾ ut Servilii sanctitas, iudicibus in memoriam revocata, Verri, qui undique ablata signa ornamentaque suppresserat, tanto maiorem invidiam conflaret; epistolas porro, quas Metellus ad Cn. Pompeium et M. Crassum consules, ad Mummium praetorem et ad quaestores urbis de provinciae suae administrandae modo miserat quasque, quia, Verrem per vim et contra leges frumentum pecuniamque Siculis extorsisse, planum facere poterant, Cicero in iudicio Verris recitandas curavit;¹⁷⁾ denique literas Pompeii ad Hypsaecum et Hypsaeci ad Pompejum missas, quae in caussa Flacciana, quamquam hanc sine dubio non attigerunt, recitatae sunt,¹⁸⁾ ut ex iis pateretur, quam facile Graeci falsas rationes inferre et in tabulas, quodcunque ipsis commodum esset, referre solerent.

In numero testimoniorum, quae per tabulas data nominantur, quae, licet testimonia ea esse non negemus, non per tabulas reddita esse contendimus, referimus testimonium, quod Verres de tumultu illo Lampsaci ad aedem Philodami exorto, cujus filiae vim allaturus erat, in iudicio ob eam rem a Nerone exercito sine dubio coram et praesens, quippe qui in Neronis consilio esset, dixerat, quodque in tabulas relatum ex iis ipsis, ad Verrinum iudicium allatis, Ciceronis jussu recitatum est;¹⁹⁾ porro, ni idem sit illud et quod proximum commemoravimus, testimonium, quod Verres in Philodami iudicio *ab accusatore rogatus*²⁰⁾ dedit; deinde te-

¹⁵⁾ Cic. in Verr. I. 11v.

¹⁶⁾ Cic. in Verr. I. 111.

¹⁷⁾ Cic. in Verr. III. 1111.

¹⁸⁾ Cic. pro Flacc. 12. §. 20.

¹⁹⁾ Cic. in Verr. I. 1111.

²⁰⁾ Cic. in Verr. I. 1111. §. 84.

stimonium, quod Malleoli mater et avia, ut Ciceronis verbis utamur, a *Cicerone productae et pudentissimae lectissimaeque feminae in tantum virorum conventum*, quantus ad Verris iudicium confluxerat, *insolitaev invitaeque prodire coactae*²¹⁾ certe non per tabulas dedere; tum T. Manilii et C. Luscii Ocreae testimonium, quod in caussa Q. Roscii Comoedi recitatum,²²⁾ quia iurati id dedere,²³⁾ non per tabulas redditum est; denique Capitonis in Sextum Roscium Amerinum testimonium, de quo Cicero haec dicit:²⁴⁾ „Veniat modo (sc. Capito): explicet suum volumen, illud, quod ei planum facere possum „Erucium (Roscius accusatorem) conscripsisse: quod aiunt, „illum Sex. Roscio intentasse et minitatum esse, se omnia „illa pro testimonio esse dicturum.“ Quis est, qui, Capitonem, ad testimonium tribuendum productum, hoc revera ex volumine, quod Erucius conscripsisset, legisse recitasseque aut Ciceroni, Capitonem hoc facturum, persuasum fuisse credat? Aperte Cicero commemoratis verbis tantummodo, Erucium id, quod Capitoni pro testimonio dicendum esset, hunc docuisse, divulgare vult.

Postremo in numero testimoniorum, quae jam per tabulas data nominata sunt, sed quae per tabulas praestita esse nobis minime exploratum est, reponimus testimonia C. Fannii et Q. Tadii, qui, quod Cicero secunda in actione in Verrem dicit, *dixerunt, se Ferri in sartis tectis exigendis pecuniam dedisse*, quorumque testimonia secunda in actione recitata sunt;²⁵⁾ porro Agyrinensis civitatis publicum in Verrem testimonium de decumis praeter leges civitati extortis, quod secunda in actione in Verrem recitatum est;²⁶⁾ denique illa M. Luculli, Chlorig et Dionis in Verrem testimonia, quae

21) Cic. in Verr. I. xxxvii. §. 94.

22) Cic. pro Rosc. Com. xiv. §. 43.

23) Cf. Cap. V.

24) Cic. pro Rosc. Amer. xxv. §. 101.

25) Cic. in Verr. I. xlix. §. 128.

26) Cic. in Verr. III. xxxi.

secunda in actione iudicii Verris recitata sunt de hereditate, quam, Dioni cuidam Siculo quum venisset, Verres Veneri Erycinae petendam curaverat, ut pecuniam a Dione ejus absolventi causa exprimere posset.²⁷⁾ Quomodo teneri potest, haec testimonia, quoniam recitata sint, per tabulas data esse eorumque sententiam, qui horum omnium testimoniorum auctores prima in actione coram iudicibus testimonia dixisse, sic data testimonia in tabulas relata et secunda in actione ex his, quo memoriae iudicum subveniretur, recitata esse censent, omnino reprobendam esse?

Qui senatusconsultis scribendis aderant²⁸⁾ aut magistratum decretis intererant, fortasse ut tabulis, quae haec senatusconsulta aut decreta continebant, obsignando publicam fidem compararent, hi, licet interdum sint *testes* vocati,²⁹⁾ aequae ac multi alii, qui eodem jure *testes* nominari possunt, non sunt hujus loci, ubi non, quomodo acta senatus magistratumque literis mandata obsignataque sint, exquiratur, sed de testimoniis agatur judicialibus.

Inveniuntur etiam asseverationis exempla, literis aut fortasse sigillo impresso tantummodo datae, qua qui asseverant id solum profitentur, libros exscriptos ex literis, quae ad res, quibus accusatio defensione aliqua nituntur, probandas cum iudice communicandae sunt, sed ipsae non ante ejus oculos poni possunt, his omnino exaequatos esse;³⁰⁾ tabulas, in quibus,

²⁷⁾ Cic. in Verr. II. VIII. §. 23. 24.

²⁸⁾ Cic. ad famil. VIII. VIII. de orat. III. II. §. 5. Cf. etiam Cic. pro Flacc. XVIII. §. 43.

²⁹⁾ Cic. ad Att. XVI. XVI. §. 15.

³⁰⁾ Cic. in Verr. II. LXXVII. §. 189. 190., quomodo Syracusis in Verrem inquisierit, his verbis narrat: „Tabulas“ (publicanorum, quae, quominus Romam deporta-

rentur, lege excipiebantur [l. c. LXXVI. §. 187.]) „in foro summa hominum frequentia exscribo: adhibentur in exscribendo de conventu viri primarii; literae lituraeque omnes assimilatae, expressae de tabulis in libros transferuntur. Haec omnia summa cura et diligentia recognita et collata et ab hominibus honestissimis obsignata sunt.“

quod servi, per quaestionem interrogati, indicaverant, literis mandatum est, revera id, quod servi responderint, continere;³¹⁾ testimoniorum denique per tabellas datorum ipsorum auctores vere esse, quorum in testimoniorum tabulis nomina inscripta sint. Jam quum haec profitentur, solis documentis ad accusationem petitionemve probandas aut refutandas allatis, ac non rebus, quas, qui illa documenta afferunt, iis ipsis planas facere student, fidem faciunt. Silentio eos praeteriremus, nisi jam nobis, quomodo testimonia per tabulas data essent, accuratius exponendum esset: quare de tertia illa

³¹⁾ Cic. pro Cluent. LXVI. §. 185. 186., quaestionem expianans, quam Sassa de quibusdam servis in filium suum Cluentium, quem, quod Opplanicum veneno necaverit, concupivit calumniari, habuit: „Jam videtis,“ ait, „illam nefariam mulierem (Sassiam), iudices, eadem manu, qua, si detur potestas, interficere filium (Cluentium) cupiat, hanc fictam quaestionem conscripsisse. Atque istam ipsam quaestionem, dicite, quis obsignavit? Unum aliquem nominare. Nemiueum reperietis, nisi forte ejusmodi hominem, quem ego praeferri malim, quam neminem nominari. Quid ais, T. Atti (qui Cluentium accusavit)? tu periculum capitis . . . tu fortunas alterius literis conscriptas in iudicium afferes: neque earum auctorem literarum, neque obsignatorem neque testem ullum unum nabis?“ Sine dubio ergo moris erat, homines honestos ad quaestionem habendam adhiberi, ut tabulis, in quibus servorum responsa

inscripta erant, obsignatis, eas revera, quae servi effati essent, continere, testificarentur. Cicero pro Cluent. LXIII., de priore a Sassa instituta quaestione loquens, haec narrat: „Advocatur (ad quaestionem habendam) amici et hospites Oppianici et ipsius mulieris (Sassiae) multi, homines honesti atque omnibus rebus ornati . . . (Servi) auctoritate advocatorum . . . adducti in veritate manserunt . . . Quaestio illo die de amicorum sententia dimissa est. Satis longum intervallum post iterum advocantur. Habetur de integro quaestio . . . Quum jam torquetur atque essent tormenta ipsa defessa neque tamen illa (Sassia) finem facere vellet: quidam ex advocatis . . . intelligere se dixit, non id agi, ut verum inveniretur, sed ut aliquid falsi dicere cogerentur. Hoc postquam ceteri comprobaverunt, ex omnium sententia constitutum est, satis videri esse quaesitum.“

classe disserere debemus, hoc est, de iis, qui, revera esse auctores, quorum nomina in testimoniis per tabulas redditus inessent, confirmabant.

Quintilianus, postquam hoc modo divisit: „Testimonia „dicuntur aut per tabulas aut a praesentibus;“ ita disserere pergit:³²⁾ „Simplicior contra tabulas pugna. Nam et minus „obstitisse videtur pudor inter paucos *signatores* et pro diffi- „dientia premitur absentia. Si reprehensionem non capit ipsa „persona, infamare signatores licet.“ *Ipsa* haec, quam dicit, *persona* tantummodo ad eum, qui per tabulas testimonium praestat, referri potest. Jam ab hac *ipsa persona* accurate *signatores*, aperte, qui his tabulis signum suum imprimunt, secernuntur. Hi si, velut *ipsa persona* testimonium dans, quod testimonio confirmabatur, testati essent, non esset, cur signatores ab ipsis testibus distinguerentur. Siu autem, aliud quid hos, qui testimonii tabellas obsignabant, eo declarasse, statuendum est, quid id esse potest, nisi, qui in tabulis testimonii auctor compareret, revera id, quod hoc testimonio confirmaretur, asseverasse?³³⁾ Sententiam, ex hoc

³²⁾ Quintill. I. O. V. vii. §. 1.

³³⁾ Quintilianus in I. O. V. vii. §. 32., ubi hoc docet: „Saepe in- „ter se collidi solent inde testa- „tio, hinc testes: locus utrinque: „haec enim se pars iurejurando, „illa consensu signantium tuetur;“ aperte commoda, quae utrique horum probandi modorum propria sint, ostendere vult. Si hoc loco *signantes* ii, quos supra diximus, *signatores* essent, h. e., si tantum, eum, qui in tabulis testimonii huius auctor vocaretur, revera id dedisse, affirmarent, consensus signantium nullo modo commodum *testationi* proprium nominari pos-

set, quod in teste, qui coram iudice testimonium dat, de testimonii auctore nunquam ambigi potest. *Signantes* hic igitur ti sunt ipsi, qui per tabulas testimonium dant. Itaque commodum *testationi* proprium in eo positum est, quod non unus solus, sed complures, quod probandum est, pro testimonio dicunt. Nequaquam autem teneri potest, testimonia per tabellas semper a compluribus, nunquam a singulis tantum hominibus data esse: quare suspicamus, *testationem* hoc loco strictiore quodam sensu non quodlibet per tabulas datum testimonium, sed id solum significare.

Quintiliani loco colligendam, ex qua alii quoque quam ipsi testes,³⁴⁾ *signatores* vocati, tabellas testimonia continentes, qui confirmarent, eos, qui in tabulis auctores testimonii commemorarentur, revera id tribuisse, obsignarint, non solum confirmat, sed acriter etiam poscit illud per tabulas exhibitum Verris testimonium, quod sibi de classis conditione dandum curavit.³⁵⁾ Hic soli navarchi de re, quae fuit testimonio firmanda, numero nautarum, exposuerunt, ita ut soli testes apparuerint. Quae autem hi coram Verris amicis, ut testimonium audirent, advocatis pro testimonio dixerant Verresque in tabulas retulerat, amicorum signis obsignabantur. Quid hic amici obsignandis tabulis, quae navarchorum testimonia continebant, declarare poterant nisi, navarchos revera horum testimoniorum esse auctores? Et illo pro Quintio orationis loco, ubi testimonium per tabulas datum, quod Naevius sibi de vadimonio a Quintio deserto comparavit, commemoratur,³⁶⁾ *homines nobiles, qui tabulas testimonium continentes suis signis consignavere*, eosdem esse ac Naevii necesarios, quos hic, Quintium non stitisse et se stitisse, testificatus est, nulla re pro vero accipere cogimur. Immo nequaquam verisimile esse videtur, homines *nobiles* per aliquot fortasse horas ad tabulam Sextiam stetisse, ut viderent, utrum Quintius vadimonium sisteret necne.³⁷⁾ Vero multo propius esse ducimus, Naevii necesarios, *ab atrii Licinii*

quod complures, ut quandam rem tabulis cum iudice communicandis confirmarent, accessiti dabant.

³⁴⁾ Etiam eos ipsos, qui testimonium dabant, testimonii tabulas signasse, adeo verum conveniens esse videtur, ut, utpinam, verba explanatine non egeat. Si quis nihilominus de ea re dubitet, ei fortasse illud per Quintilianum, qui in inco, quem in admt. prae-

ced exscripsimus, de consensu signantium in testatine inquatur, persuadentur.

³⁵⁾ Cf. adn. 4)

³⁶⁾ Cf. adu. 6)

³⁷⁾ Muretus, var. lect. xvi. 19., ut *necessarios Naevii* et *homines nobiles* ad eosdem referre possit, ponit sine necessitate, Ciceronem cum irrisu voce *nobilis* usum esse.

et a faucibus macelli corrogatos, sic ad tabulam Sextiam ex-
eubuisse, quodam temporis spatio praeterito, Quintium non
stittisse, testatos, hanc testificationem in tabula Sextia, quam
argentariam, locum idoneum, ubi testificationes aliaque hu-
jusmodi conserberentur, fuisse conjeimus, literis manda-
tam, denique homines nobiles et notos, qui forte argentariam
praeteribant, adhibitos esse, qui tabulis, in quibus testimo-
nium erat inscriptum, obsignandis asseverarent, illos revera
Naevii necessarios hoc pro testimonio dixisse. Denique non
est, cur, in illa Alfeni testificatione³⁵⁾ ab Alfeno ad compro-
bandum, Quintium defendi, advocatos et *ejus rei conditionis-
que tabellas obsignantes* eosdem fuisse, nobis statuendum sit.³⁶⁾

Hoc modo moris fuisse tenemus, ut tabulae testimonia
continentes consignandae essent et ab iis ipsis, qui haec
dabant, et ab hominibus plerumque certe notis, qui, *signa-
tores* vocati, signando asseverarent, quem tabulae auctorem
testimonii demonstrarent, revera hoc dedisse.

Tabulas, quae haec testimonia continebant, ad iudicium
afferendas ii curabant sine dubio, qui testimoniis indigebant.

Testimonia autem ex iis, quae tradidit Quintilianus, non
modo dicebantur per tabulas, sed etiam a praesentibus. Quod

³⁵⁾ Cf. adn. 7;

³⁶⁾ Liv. xxxix. 8., ubi de Bac-
chanalibus loquitur, haec dicit:
„Falsi testes, falsa signa testimo-
niaque et indicia ex (illis) of-
ficia exihant.“ *Falsa signa* hic
aperte a *falsis testimoniis*, quae,
quia praeterea *falsi testes* comme-
morantur, ad sola testimonia per
tabulas reddita referri possunt,
discernuntur. Sententia autem eor-
um, qui haec *signa*, quorum lo-
ter *testes* et *testimonia* mentio fit,
illa fuisse arbitrantur, quae au-

ctores testimoniorum per tabulas
datorum firmarent, verbis com-
memoratis maxime conveniens est.
Sallostius io Catil. 16., de juveni-
bus Catiliae proximis familiari-
busque loquens, haec dicit: „Ex
illis testes sigostoresque falsos
(Catiliam) commodare.“ Di-
stinguuntur ergo etiam hic testes
a signatoribus. Fortasse hi quo-
que *signatores* fuerunt, qui tabu-
las, in quibus testimonia erant
scripta, ad auctores eorum fir-
mandos signarent.

verum esse, nunc statim, quomodo a praesentibus testimonium datum sit, exposituri, eo ipso planum faciemus.

Persuasum est nobis, testes in judiciis publicis et privatis primum ab ipsis, qui vel actores vel rei eos produxerant, interrogatos esse, deinde etiam ab iis, in quos erant producti; quod autem testes ab utraque parte rogati responderent, pro eorum testimonio habitum esse.⁴⁰⁾ Nullo vero pacto ii, qui iudicabant aut iudicio praeerant, neque una cum litigatoribus neque soli testes interrogabant.

Primo loco enim, quod statuimus, testes a solis litigatoribus interrogatos esse, ea sententia una congruit cum reliquis iudiciorum apud Romanos exercitorum institutis, ex quibus, si regula nobis referenda est, non respublica neque hujus nomine, quicumque iudex magistratusve erat, crimina persequiebantur, sed quum criminum inquisitio solum, si quis ex populo aliquem criminis commissi accusasset, instituebatur, tum, accusationem actionemve probare aut refutare, accusatori petitorive et reo eive, a quo petebatur, curae esse debebat, ac non iudicaturi erat aut ejus, qui iudicaturis praeerat.

Secundo loco ne ullum quidem vestigium invenitur, unde, qui iudicabat aut iudicaturis praeerat, testes interrogasse colligi possit. Sint, qui repugnantes moneant, Ciceronem, Verrem accusantem, postquam, P. Gavius civem Romanum, utqui se a Verre in vincula conjectum Syracusis in lautumii fuisse questus esset, Messanae Verris jussu in medio foro nudatum, deligatum, virgis caesum et denique in crucem actum esse, narraverit, haec dicere:⁴¹⁾ „Glabrionem „(qui Verris iudicio praefuit) id quod sapientissime fecit, „facere laetatus sum, ut repente consilio in medio (prima „in actione) testem (C. Numitorium, qui a Cicerone productus de hac injuria, quam Gavius passus erat, pro testimo-

⁴⁰⁾ Non idem de laudatoribus dicendum esse, infra exponemus.

⁴¹⁾ Cic. in Verr. V. LXIII. §. 163.

„nō dixit,) dimitteret. Etenim verebatur, ne populus Romanus ab isto (Verre) eas poenas vi repetisse videretur, quas „veritus esset, ne iste legibus et vestro iudicio non esset „persoluturus.“ At hoc loco praetorem, qui Verris iudici-
bus praefuit, minime testes interrogasse, sed multo magis solummodo, quominus accnsator testem a se productum amplius rogaret neve ea de causa turbae excitarentur, prohibuisse, satis perspicuum est. Iudici autem eive, qui iudiciis praerat, incubuisse, quum in toto iudicio exercendo tum in testibus interrogandis conservare ordinem, nullo pacto negare velim.⁴²⁾ Qui dissident, porro illius a Verre de Sopatro Halicyensi exerciti iudicii nos admonentes dicant, testes hic neque a Sopatro neque ab ejus accusatoribus interrogatos esse, sed nihilominus testimonium dixisse, quum Cicero haec narret:⁴³⁾ „Tum repente iste (Verres) „testes citari jubet. Dicit unus et alter breviter. Nihil „interrogatur. Praeco: DIXISSE, pronuntiat. Iste . . . „hominem innocentem (Sopatrum) condemnavit.“ Sed si hoc loco verbis: *Nihil interrogatur*, consuetus ille plenus sensus tribuendus esset, ne praetorem quidem hos testes interrogasse — quod adversarii fortasse statuere velint — arbitrari nobis liceret, sicque, quamvis Pseudo-Asconius non alienum ab iis, quae aliunde scimus, doceat:⁴⁴⁾ „Loqui nisi „interrogato testi non licebat“; testes non interrogatos testimonium dixisse et Verrem hoc in iudicio, quod prope toto suo consilio dimisso de Sopatro, cui neque patronus neque advocatus aderant, exercuit, etiam in testibus audiendis mores et juris praecepta missa fecisse, statuendum esset. Verum illa: *Nihil interrogatur*, strictiore sensu dicta esse videntur ita, ut id, quod *testes breviter dicebant*, a Sopatri accusatoribus interrogatos dixisse, sed reum, utqui sine

⁴²⁾ Cf. Cic. de orat. II. LX. §. 245.

⁴³⁾ Ps. Ascon. ad. Cic. Verr. I. XXXIII. §. 84.

⁴⁴⁾ Cic. in Verr. II. XXX. §. 75.

patrono advocatoque esset, testes *nihil interrogasse* existimemus. Scholia Bobiensia enim docent: ⁴⁵⁾ „Proprie namque „interrogatio dicebatur, qua testes redarguebantur.“ Jam facile monere supersedemus, ex hoc contra leges exercito iudicio de ordinaria iudiciorum exercendorum ratione conjecturam fieri non licere.

Ceterum non modo omni auctoritate carent, qui, iudices vel, qui iudicio praeerant, testes interrogasse, putant, sed afferre locum possumus, quo diserte, iudicem testes non interrogasse, comprobari videtur. Macrobius enim haec narrat: „C. Titius, vir aetatis Lucilianae, in oratione, qua „legem Fanniam suasit, . . . describens homines prodigos in „forum ad iudicandum ebrios commeantes . . . sic ait: Ventiunt in comitium tristes, jubent dicere. Quorum negotium est, dicunt. Iudex testes poscit. *Ipsus it minctum.* „Ubi redit, ait, se omnia audivisse; tabulas poscit,“ et rel. ⁴⁶⁾

Tertio loco, ubicunque, qui testes interrogabant, indicantur, vel soli, qui testes produxerant, eos percontati esse perhibentur, ita tamen, ut non sit, cur, ab adversariis eos non item interrogatos esse aut interrogari saltem potuisse, arbitremur; vel, etiam adversarios, in quos producti erant, testes rogasse aut certe eos rogandi potestatem habuisse, certiores sumus.

Illuc pertinet, quod Cicero ad suam Verris accusationem respiciens haec dicit: ⁴⁷⁾ „Sic (prima in actione in Verrem) egi, ut in testibus interrogandis omnia crimina proponerem . . . tum denique testem interrogarem.“ Alio loco: ⁴⁸⁾ „Non putasti,“ inquit, „(Verres,) me tuis familiarissimis „in banc rem (signa, quae Verres in Sicilia sustulerat „absconderatque,) testimonia denuntiaturum, qui tuae domi „saepe fuissent: ex quibus quaererem, signa scirentne fuisse,

⁴⁵⁾ Schol. Bobiens. in orat. Cic. de aer. alien. Milon. pag. 342. (Or.)

⁴⁶⁾ Macrobi. Saturn. II. 12.

⁴⁷⁾ Cic. in Verr. I. XI. §. 29.

⁴⁸⁾ Cic. in Verr. I. XII. §. 51.

„quae non essent?“ et porro ⁴⁹⁾: „At quomodo (Verres) „*illa Attatica tota Sicilia nominata ab . . . Heio peripetasmata* „abstulit? non possum dicere planius, quam ipse (a Cicerone „productus testis) ⁵⁰⁾ apud vos dixit Hcius . . . Quum quae- „sissem, numquid aliud de bonis ejus pervenisset ad Ver- „rem, respondit, istum ad se misisse, ut sibi mitteret Agri- „gentum peripetasmata. Quaesivi, an misisset. Respondit „id, quod necesse erat, scilicet dicto audientem fuisse prae- „tori: misisse. Rogavi, pervenissentne Agrigentum: dixit „pervenisse. Quemadmodum revertissent? Negavit adhuc „revertisse“; denique ⁵¹⁾: „Quum testes ex Sicilia dabo, „quem volet, ille (Verres) eligat, quem ego interrogem de „patellis, pateris, turribulis (quae Verres secundum Cicero- „nem abstulit).“ Verres testis in Philodamum *ab accusatore ro- gatur* ⁵²⁾ et, quae respondit, ejus testimonium existimantur. Laelius Decianum, subscriptorem suum in Flaccum, utqui *acute testes interrogasset* ⁵³⁾, reprehendit et Cicero Graecis tes- tibus exprobrat, quod semper *accusatori plus quam ad roga- tum respondeant* ⁵⁴⁾. Pseudo-Asconius nuntiat: ⁵⁵⁾ „L. et M. „Luculli, cum accusarent L. Cottam, non usi sunt oratione „perpetua, sed interrogatione testium causam peregerunt.“ Denique etiam Plinius minor amico suo de Luceio Albino seque, accusatorum munere fungentibus, scribit: ⁵⁶⁾ „Conci- „pere animo potes, quam simus fatigati, quibus toties agen- „dum, toties altercandum, tam multi testes interrogandi“, et rel.

De testibus porro, qui non modo ab ipsis, qui produxe- rant, sed etiam ab adversariis interrogati sunt, aut quos rugandi copia certe etiam adversariis fuit, haec comperimus:

⁴⁹⁾ Cic. in Verr. IV. XII. §. 27.

⁵⁰⁾ Cic. in Verr. IV. VII. §. 16.
⁵¹⁾ §. 19.

⁵⁴⁾ Cic. in Verr. IV. XXII. §. 48.

⁵²⁾ Cic. in Verr. I. XXXIII. §. 84.

⁵³⁾ Cic. pro Flacc. XXXIII. §. 82.

⁵⁴⁾ Cic. pro Flacc. IV. §. 10.

⁵⁵⁾ Ps. Ascon. ad Cic. Verr. pag. 150. 151. (Or.)

⁵⁶⁾ Plin. epist. III. 9.

Cicero in secunda in Verrem actione: „Reducam,“ inquit,⁵⁷⁾ „iterum equitem Romanum L. Flavium, si voles (Verres): „quoniam priore actione, ut patroni tui dictitant, nova quadam sapientia, ut omnes intelligunt, conscientia tua atque „auctoritate meorum testium testem nullum interrogasti;“ et alio loco de eadem re:⁵⁸⁾ „Qui testes interrogare priore „actione nolueris (Verres): et iis tacitum os tuum praebere „malueris, quantum vis et te et patronos tuos ingeniosos „esse dicito.“⁵⁹⁾ De novo illo accusandi modo, quo in prima in Verrem actione usus est, Cicero haec dicit:⁶⁰⁾ „Nihil „inter illam usitam accusationem atque hanc novam inter- „est, nisi quod in illa tunc, quum omnia dicta sunt, testes „dantur: hic in singulas res dabuntur: ut illis quoque „(Verri et qui ei adsunt) eadem interrogandi facultas . . . sit.“ De eadem re Pseudo-Asconius ita disserit⁶¹⁾: „Cicero hoc „commentus est rationis, ut . . . tantummodo citaret testes ad „unumquodque crimen expositum et eos Hortensio (Ver- „ris defensori) interrogandos daret;“ et alibi:⁶²⁾ „Astutia „Ciceronis haec fuit utendo testibus, ut nihil reliqui esset „Hortensio nisi ut eos interrogare posset.“ Verrem Cicero hoc modo stimulare potest:⁶³⁾ „Quem voles eorum testium, „quos produxero, qui ex Sicilia testes sint, . . . rogato et „eum, qui tibi inimicissimus esse videbitur, . . . ecquid suo „nomine in statuam tuam contulerit. Neminem reperies, „qui neget.“ Cicero fratri suo scribit:⁶⁴⁾ „Mibi illud iucun- „dum est, quod, cum testimonium secundum fidem et reli- „gionem gravissime (in Gabinium) dixissem, reus dixit, si „in civitate licnisset sibi esse, mihi se satisfacturum: neque

⁵⁷⁾ Cic. in Verr. V. lxx. §. 155.

⁵⁸⁾ Cic. in Verr. III. xvi. §. 41.

⁵⁹⁾ Cf. insuper Cic. in Verr. V. lxix. §. 73.

⁶⁰⁾ Cic. in Verr. act. I. xviii. §. 55.

⁶¹⁾ Ps. Ascon. argum. ad act. I. Verr. pag. 126. (Or.)

⁶²⁾ Ps. Ascon. ad Cic. oral. in Verr. pag. 162. (Or.)

⁶³⁾ Cic. in Verr. II. lxxii. §. 152.

⁶⁴⁾ Cic. ad Quint. frat. III. IV. §. 3.

„me quidquam interrogavit.“ Cicero „quum praecipit oratori, ut ridicula, quae cadere possint, in quos nolit, quamvis sint bella, evitet, quomodo hoc accidere possit, his verbis demonstrat: 65) „Pusillus testis processit. Licet, inquit, rogare? Philippus. Tum quaesitor properans: *Modo breviter.* Hic ille: *Non accusabis. Perpusillum rogabo.* Ridicule. Sed sedebat iudex L. Aurifex brevior ipse, quam testis. Omnis est risus in iudicem conversus“; et porro oratorem docet: 66) „Permulta sunt in causis in omni parte orationis circumspectienda, ne quid offendas, ne quo irruas. Saepe aliquis testis aut non laedit aut minus laedit, nisi lacessatur: orat reus, urgent advocati, ut invehamur (nos, patroni), ut maledicamus, denique ut interrogemus.“ Asconius, ubi de Miloniana causa agit, haec narrat: 67) „Datus erat in Milonem testis Cassinius Schola . . . Quem cum interrogare M. Marcellus (qui Miloni affuit) coepisset, tanto tumultu Clodianae multitudinis circumstantis exterritus est, ut vim ultimam timens in tribunal a Domitio (qui quaestioni praefuit) reciperetur . . . Interrogaverunt (testes) M. Cicero et M. Marcellus et Milo ipse. Multi ex iis, qui Bovillis habitabant, testimonium dixerunt de iis, quae ibi facta erant: cauponem occisum, tabernam expugnatam, corpus Clodii in publicum extractum esse.“ Scaurum defendens Cicero: „Si denique,“ inquit, 68) „nitere (accusator Scauri) testibus: quemadmodum mihi cum quoque sit confiligendum, considerabo;“ et: 69) „Cum singulis disputem? Quid? non habuisti, quod dares? — Habuisse se dicet.“ Pro Coelio verba faciens haec dicit Cicero: 70) „Aiebant (accusatores) . . . fore testem senatorem, qui se pontificiis comitiis pulsatum a Coelio dice-

65) Cic. de orat. II. LX. §. 245.

66) Cic. de orat. II. LXXIV §. 301.

67) Ascon. ad Cic. Milon. pag.

68) Cic. pro Scaur. II. §. 18.

69) Cic. pro Scaur. II. §. 19.

70) Cic. pro Coel. VIII. §. 19

„ret. A quo quaeram, si prodierit, primum . . . deinde . . .“
et rel.; et multo p̄bst: ⁷¹⁾ „Haec caussa ab argumentis . . .
„ad testes tota traducta est. Quos quidem ego testes . . .
„sine ullo timore . . . exspecto . . . Ex (iis) requiram, quo-
„nam modo latuerint,“ et rel. Quum defensoris et iudicis
munera inter se comparat, Cicero: „Mihi (defensori) enim,“
ait ⁷²⁾ „semper unaquaque de re testis non solum semel, sed
„etiam breviter interrogandus et saepe etiam non interro-
„gandus, ne . . . irato facultas ad dicendum data . . . esse
„videatur. Vos (iudices) . . ., si quem nos interrogare nolui-
„mus, quae caussa nobis tacendi fuerit, existimare debetis.“
Cicero, ut levitas testium in Flaccum productorum pateat,
quaerit: ⁷³⁾ „An quisquam esse testis potest, quem accusator
„sine cura interrogat? Ubi est igitur illa laus oratoris,
„quae vel in accusatore antea vel in patrono spectari sole-
„bat. Bene testem interrogavit: callide accessit: reprehен-
„dit: quo voluit adduxit: convicit et elinguem reddidit. Quid
„tu istum roges, Laeli (Flacci accusator), qui, prius-
„quam hoc, TE ROGO, dixeris, plura etiam effundet, quam
„tu ei domi ante praescripseris? Quid ego autem defensor
„rogem?“ De Fidiculanio Falcula, ab Aebutio, adversario
Caecinae, in hunc producto teste disserens, Cicero: „Ita
„eum,“ inquit, ⁷⁴⁾ „placidum mollemque reddidi, ut non
„auderet, sicut meministis, iterum dicere, quot millia fundus
„suus abesset ab urbe.“ Denique Quintilianus, ubi ⁷⁵⁾ id,
quomodo oratoribus testes interrogandi sint, tractat, haec
praecipit: ⁷⁶⁾ „Qui voluntarium (testem) producit, scire,
„quid is dicturus sit, potest; ideoque faciliorem videtur in
„rogando habere rationem. Sed haec quoque pars acumen
„ac vigilantiam poscit: providendumque, ne timidus, ne

⁷¹⁾ Cic. pro Coel. xviii. §. 66.
67.

⁷²⁾ Cic. pro Font. vi. §. 12.

⁷³⁾ Cic. pro Flacc. x. §. 22. 23.

⁷⁴⁾ Cic. pro Caecin. x. §. 28.

⁷⁵⁾ Quint. I. O. V. vii.

⁷⁶⁾ l. c. §. 10. 11.

„inconstans, ne imprudens testis sit. Turbantur enim et a „patronis diversae partis induuntur in laqueum et plus de- „prehensi nocent, quam firmi et interriti profuissent;“ et alio loco ⁷⁷⁾: „Eorum vero, quibus denuntiatur, pars testium „est, quae reum laedere velit, pars, quae nolit; idque in- „terim scit accusator, interim nescit. Fingamus in prae- „sentia scire. In utroque tamen genere summis artibus in- „terrogantis opus est . . . At, ⁷⁸⁾ si . . . nesciet actor, quid „praepositi testis attulerit: paulatim et (ut dicitur) pedeten- „tim interrogando experietur animum ejus et ad id respon- „sum, quod eliciendum erit, per gradus ducet . . . Patro- „norum ⁷⁹⁾ in parte expeditior, in parte difficilior interrogatio „est. Difficilior hoc, quod raro unquam possunt ante judi- „cium scire, quid testis dicturus sit; expeditior, quod, cum „interrogandus est, sciunt, quid dixerit. ⁸⁰⁾

Quarto loco Asconius id, quod planum facere studemus, diserte dicit: ⁸¹⁾ „Tenere debemus,“ inquit, „interroga- „tiones testium et accusatoris et defensoris esse, et ejus, qui „prodncit, et ejus, contra quem producuntur;“ et alio loco: ⁸²⁾ „Interrogabatur autem (testis) et ab eo, contra „quem productus est.“ Non est autem, cur Asconio, qui ipsis verbis enuntiat, quod commemorati Ciceronis aliorum- que loci leviter tantummodo significant, fidem denegemus. ⁸³⁾

⁷⁷⁾ l. c. §. 15.

⁷⁸⁾ l. c. §. 20.

⁷⁹⁾ l. c. §. 22.

⁸⁰⁾ Cf. insuper Quintil. l. O. VI. III. §. 4.

⁸¹⁾ Ps. Ascon. ad Cic. Verr. l. XI. §. 29.

⁸²⁾ Ps. Ascon. ad Cic. Verr. l. XIII. §. 84.

⁸³⁾ Haec omnia negligens Rosshirt (N. Archiv d. Criminair. XI. S. 386) statuit: „Der Quaestor (qui

„quaestioni perpetuae praeest) hat- „te allein das Recht . . . die „Zeugen vor dem Consilium zu „vernehmen.“ Hoc ad proban- dum Rosshirt, quia, ut ipsius ver- bis utamur, „nach seiner übein „oder guten Gewohnheit nicht „durch eine Masse von Citaten „sich über seine Ansichten recht- „fertigt“ (a. a. O. S. 2.); nihil affert.

Reliquum est, ut quinto loco id, quod etiam Pseudo-Asconius non aperte dicit, eum, qui testem produxisset, priorem eo, in quem productus esset, testem interrogasse, probemus. Conficitur hoc primum ex eo, quod is, in quem testis productus est, non habet, quid ex hoc quaerat, quomodo eum refellat, priusquam sciat, quae ad dicenda testis productus sit et quid revera pro adversario dixerit. Hoc vero elucet ex iis, quae testis ei, qui eum produxerat rogaveratque, respondit. Tum Quintilianus dicit:⁸⁴⁾ „Patronorum in parte „expeditior, in parte difficilior interrogatio est. Difficilior „hoc, quod raro unquam possunt ante iudicium scire, quid „testis dicturus sit, expeditior, quod, cum interrogandus „est, sciunt, quid dixerit.“

Ceterum non modo accusatores, sed etiam subscriptores,⁸⁵⁾ non modo patroni caussarum, sed etiam advocati ipsique rei⁸⁶⁾ testes interdum saltem interrogabant.

Jam nobis *secundo loco* explorandum est, quomodo *civitatum* et *privatorum collegiorum* testimonia cum iudicibus communicata sint.

Nemo erit, qui dicat, omnes, qui collegii publici private, quod testimonium aliquod dicendum decrevisset, fuerint, iudicio praesentes interfuisse atque, qui non privati singulive homines sed ad civitatem aliquam aliudve quoddam collegium, quod pluribus suffragiis de testimonio reddendo decrevisset, adjuncti civitatis collegiive nomine testimonium dederint, aequae ac singulos homines, qui praesentes testimonium dixerint, a litigatoribus interrogatos esse.

At sint fortasse, qui arbitrentur, civitates aliave collegia altero illo modo, quo singulos homines testimonium dedisse ostendimus, id est, per tabulas, quas iis, pro quibus testimonium dicebant, tradidissent et hi in iudicio proponendas curarent, testimonia sua cum iudicibus communicasse. Haec

⁸⁴⁾ Cf. adn. 79)

⁸⁶⁾ Ascon. ad Cic. Milon. pag.

⁸⁵⁾ Cic pro Flacc. xxxiii §. 81.

51. 42. (Or.).

sententia partim vera, partim falsa est. Ea ponderanda simul veram enucleare possumus.

Concedimus, a Cicerone saepe testimonia publica civitatumve decreta de testimonio publice dicendo, quae, in tabulas inscripta, iudicibus in promptu fuerint, commemorari: ut Cicero de illis testimoniis, quae a Graecis civitatibus in Flaccum data esse bujus adversarii dixere, quaerit:⁸⁷⁾ „Laelio (Flacci accusatori) praesenti, per se agenti, vi legis, jure „accusationis, opibus praeterea suis terrenti ac minanti nihil „temporis causa (civitates) scripsisse aut obsignasse videntur?“ et de uno eorum testimoniorum, ab Acmonensi civitate, ut Flacci accusatores perbibebant, dato haec dicit:⁸⁸⁾ „In illo“ inquit, „testimonio, quod accusatori dicitur datum, „ceram esse vidimus;“ et de alio:⁸⁹⁾ „Decreto scribendo „primum video adfuisse Lysaniam;“ et statim postea:⁹⁰⁾ „Vel, quod est in eodem decreto scriptum, homines clarissimos civitatis, amplissimis usos bonoribus, hoc praetore „circumventos; cur hi neque in iudicio adsunt, ueque in „decreto nominantur?“ Aperte haec testimonia publica in tabulis scripta obsignataque iudicibus ante oculos posita sunt. Tum Cicero Verrem accusans: „Videt etiam (Verres),“ inquit,⁹¹⁾ „tot tam graves ab amicissimis civitatibus legationes „cum publicis auctoritatibus“ (secundum Ps. Asconium ad h. l. idem quod *literis*) „ac testimoniis convenisse;“ et alio loco:⁹²⁾ „Vis illa summi imperii (sc. Metellus, praetor Siciliensis, Verris studiosus) tantum potuit apud perpaucos „homines, non civitates (in Sicilia), ut . . . qui contra istum „(Verrem) legati decreti erant et testimonium publicum ac „mandata acceperant, vi ac metu retinerentur;“ et rursus:⁹³⁾ „(Civitatis legati) veniunt cum literis, veniunt cum mandatis,

⁸⁷⁾ Cic. pro Flacc. xvi. §. 37.

⁸⁸⁾ Cf. adn. praeced.

⁸⁹⁾ Cic. pro Flacc. xviii. §. 43.

⁹⁰⁾ Cic. pro Flacc. xix. §. 43.

⁹¹⁾ Cic. in Verr. act. I. in. §. 7.

⁹²⁾ Cic. in Verr. II. v. §. 14.

⁹³⁾ Cic. in Verr. II. lxi. §. 155.

„veniunt cum testimoniis publicis (in Verrem);“ et paulo post: ⁹⁴⁾ „Neque ejus hominis“ (Verris) *statuas in sua urbe Centuripini esse voluerunt*, „in quem ipsi cum gravissimo „testimonio publice, quod nunquam antea, Romam mandata legatosque misissent.“ Denique Archiam defendens Cicero: „Adsunt,“ ait, ⁹⁵⁾ „Heracleenses legati, nobilissimi „homines: hujus judicii causa cum mandatis et cum publico „testimonio venerunt.“ Ubique his locis vox *testimonium tabulas*, in quibus testimonia publica erant inscripta quasque qui afferrent ad iudicium legati sunt missi, significare videtur. ⁹⁶⁾ Non licet nobis omittere, etiam laudationes ex civitatum decretis in tabulas relatas et iudicibus sic in promptu positas interdum commemorari. In oratione pro Flacco dicta Cicero: „Idem (Asclepiades),“ inquit, ⁹⁷⁾ „laudationem, quam „nos ab Acmonensibus Flacco datam proferebamus, falsam „esse dicebat . . . Haec, quae est a nobis prolata laudatio, „obsignata erat creta illa Asiatica . . . Neque enim (Asclepiades) signo inspecto falsum nos proferre dixit.“ De laudatione Cluentii ex decurionem Larinatum decreto agens Cicero haec dicit: ⁹⁸⁾ „Quae dum laudatio recitatur, vos quaeso, „qui eam detulistis, assurgite;“ ac brevi postea hoc modo pergit: „Age vero vicinorum quantum studium . . ! Non „illi in libellis laudationum decreta miserunt, sed homines „bonestissimos . . huc frequentes adesse et hunc praesentes „laudare voluerunt . . Boviano totoque ex Samnio quum laudationes honestissimae missae sunt, tum homines amplissimi . . „venerunt.“ Cicero Coelium defendens: „Idem (Puteolani),

⁹⁴⁾ Cic. in Verr. II. LXVII. §. 161.

⁹⁵⁾ Cic. pro Arch. IV. §. 8.

⁹⁶⁾ Idem etiam Rein sentire, inde conjicimus, quod (röm. Privatr. S. 477.) Cic. pro Arch. IV. §. 8. ad id probandum, testimonia

saepe per tabulas solas data esse, afferit.

⁹⁷⁾ Cic. pro Flacc. IV. §. 36. XVI. §. 37.

⁹⁸⁾ Cic. pro Cluent. LXIV. §. 196.

inquit, ⁹⁹⁾ „nunc lectissimos viros . . ad hoc iudicium . . cum
 „gravissima . . laudatione miserunt.“ Fortasse etiam hic com-
 memoranda sunt haec a Cicerone pro Sestio dicta verba: ¹⁰⁰⁾
 „(Capenates) decuriones beneficium P. Sextii (quo hic eos
 „Catilinae coniurationis tempore affecerat) testimonio de-
 „clarant . . . Recita, quaeso, P. Sexti (filius rei), quid de-
 „creverint Capuae decuriones . . **DECRETUM DECURIONUM.**“
 Illam quoque Verris laudationem publicam, quam senatus
 Syracusanus decreverat, in tabulis inscriptam ad iudicium
 allatam esse, colligimus ex Cicerone, qui narrat: ¹⁰¹⁾ „Atque
 „etiam hoc me docent Syracusani, ejusmodi senatuscon-
 „sulta sese fecisse laudationis, ut omnes intelligere possent,
 „non laudationem, sed potius irrisiōem esse illam, quae
 „commonefaceret istius (Verris) turpem calamitosamque prae-
 „turam. Etenim scriptum esse ita: **QUOD ISTE VIRGIS NE-**
 „**MINEM CECIDISSET:** a quo cognoscitis nobilissimos homi-
 „nes . . . securi esse percussos: **QUOD VIGILANTER PROVIN-**
 „**CIAM ADMINISTRASSET:** cujus omnes vigilias in stupris
 „constat . . consumtas: hoc scriptum esse, quod proferre
 „non auderet reus, accusator recitare non desineret, **QUOD**
 „**PRAEDONES PROCUL AB INSULA PROHIBUISSET VERRES:**
 „quos etiam intra Syracusanam insulam recepisset.“

Sed non solum, Ciceronem complura testimonia publica,
 quae in tabulas relata cum iudicibus communicata sint, com-
 memorare, concedimus; damus insuper, testimonia publica ple-
 rumque in tabulis inscripta ad iudicium allata esse.

Atqui collegiis semper tabulas, quae testimonia contine-
 bant, ad iudicium afferendas fuisse iisque non licuisse, etiam
 per solos legatos testimonium dare, neque verisimile est et
 fortasse illis Ciceronis, Cluentium defendentis, verbis: „Non
 „illi in libellis laudationum decreta miserunt, sed homines

⁹⁹⁾ Cic. pro Coel. II. §. 5.

¹⁰¹⁾ Cic. in Verr. IV. LXIV. §.

¹⁰⁰⁾ Cic. pro Sest. IV. §. 9. 10. 144.

„honestissimos huc frequentes adesse et hunc praesentes laudare voluerunt;“ refellitur.

Porro, quum et illius testimonii, quod ab Acmonensi civitate, ut Ciceronis verbis utamur, *datum Flacci accusatori dictum est*,¹⁰²⁾ atque illius laudationis, quae Cicerone auctore ab iisdem Acmonensibus Flacco data est,¹⁰³⁾ rationem habeamus, concedimus, tabulas, quae testimonia publica continebant, interdum ab iis ipsis, pro quibus testimonia data erant, ad iudicium allatas esse; itemque nobis non verisimile videtur, omnibus, quae testabantur, collegiis necesse fuisse, ut legatos ad iudicium mitterent: quin, quod huic contrarium, fortasse illis modo commemoratis Ciceronis verbis, quibus studii vicinorum Cluentii erga hunc mentionem facit, planum fieri potest.

Atqui nihilominus moris fuisse dicimus, ut collegia publica privatave, quae testimonia dare decreverant, legatos, qui in iudicio adessent, mitterent testimoniaque publicorum privatorumve collegiorum plerumque a legatis ad iudicium afferrentur. Ubicunque enim accuratius, quomodo testimonia collegiorum publicorum privatorumve cum iudicibus communicata sint, exponitur, horum collegiorum legati iudicio interfuisse traduntur,¹⁰⁴⁾ tum quoque, quum ii ipsi, pro quibus testimonium datum erat, tabulas, quae id continebant, ad iudicium afferendas curavere.¹⁰⁵⁾ Ubi autem auctores veteres testimonia alicubi publica obiter tantum attingunt eaque forte de causa legatorum mentionem non faciunt, nihil est, quod, testimoniorum auctores legatos non misisse, arbitremur.¹⁰⁶⁾ Ubi ubi denique, qui tabulas cum collegiorum te-

¹⁰²⁾ Cf. adn. 87)

¹⁰³⁾ Cf. adn. 97)

¹⁰⁴⁾ Cic. in Verr. II. v. §. 13. XLVI. §. 114. III. ix. §. 22. XXXI. §. 73. XLIV. §. 105. IV. LI. §. 113. pro Flacc. xv. §. 34. XVIII. §. 42.

43. XXII. §. 52.

¹⁰⁵⁾ Cf. adn. 87)

¹⁰⁶⁾ Cic. in Verr. III. XXXVI. §. 83. XXXVII. §. 85. XXXVIII. §. 87. XXXIX. §. 89. XLII. §. 99. 100. V. XLIV. §. 61. Quin fieri potuit, ut

stimoniis ad* iudicium apportandas curaverint, accepimus, plerumque, collegiorum legatos eos fuisse, edocemur.¹⁰⁷⁾

In summa igitur nobis persuasum est, collegia, quae testimonia dabant, plerumque tum tabulas, quae testimonia continebant, ad iudicium afferendas curasse, tum legatos misisse, ut huic interessent. Iidem etiam illas tabulas in iudicium afferre solebant. Rarius autem testimonia aut solum per literas aut tantum per legatos cum iudicibus communicabantur.

Hi legati a civitatibus, quae testabantur, ut in iudicio adessent, missi interdum ipsi aut simpliciter *testes*¹⁰⁸⁾ aut *testes publici*¹⁰⁹⁾ vocabantur, similiterque etiam civitatum legati ad reos laudandos ipsi *laudatorum* nomine appellabantur.¹¹⁰⁾

Ceterum hi legati viaticum publicum accepisse videntur. Cicero enim in oratione pro Flacco dicta, quomodo hujus accusator sibi testimonia publica in Flaccum comparaverit, hoc modo exponit:¹¹¹⁾ „Adolescens (accusator) . . . postulat „concionem . . . ; egentes et leves spe legationis et viatico „publico . . . prolecat.“

Reliquum est, ut diligentius, quae fuerint partes legatorum, qui a collegiis testimonia dantibus ad iudicium mittebantur, exploremus.

Legatis eorum collegiorum, quae tabulas testimoniorum ad iudicium non mittebant, ea, quae collegia pro testimonio

hic commemorata publica testimonia non in tabulis scripta, sed per legatos solos prima in actione cum iudicibus communicata atque a scribis literis mandata secunda in actione recliarentur.

¹⁰⁷⁾ Cic. in Verr. act. I. III. §. 7. II. v. §. 14. XLIX. §. 120. LXIV. §. 156. LXVII. §. 161. III. XLV. §. 108. XLVIII. §. 114. II. LXIV. §. 155.

pro Arch. IV. §. 8. pro Planc. IX. §. 22. pro Coel. II. §. 5.

¹⁰⁸⁾ Cic. pro Flacc. XVI. §. 37. coll. c. XV. §. 34. in Verr. III. XLVIII. §. 114. (pro Flacc. II. §. 5. in Verr. V. XVII. §. 43.)

¹⁰⁹⁾ Cic. pro Flacc. XIII. §. 52.

¹¹⁰⁾ Cic. in Verr. IV. II. §. 19.

¹¹¹⁾ Cic. pro Flacc. VIII. §. 18. Cf. etiam ibid. VI. §. 14.

dicere decrevissent, coram iudicibus exponenda fuisse, in dubium vocari non potest.

Sed legatos etiam eorum collegiorum, quae tabulas, in quibus testimonia erant inscripta, ad iudicium miserant, coram iudicibus verba fecisse, verisimile est. Quod ut appareat, primum id ipsum afferimus, collegia, quae tabellas ad iudicium mittebant, nihilominus etiam legatos, qui in iudicio adessent, delegisse. Si quis enim putat, hos, qui interdum principes civitatis nominantur, solum, ut illas tabulas ad iudices afferrent, lectos esse, ea sententia permira, quin etiam idcirco falsa videtur, quod Asclepiades, civitatem Acmonensem tabulas, quae testimonium in Flaccum continebant, ejus accusatori dedisse et se legatum ab illa civitate, ut Flacciano iudicio interesset, missum esse, dicere potuit.¹¹²⁾ Porro Cicero de nonnullarum civitatum legatis, quarum testimonia in tabellis scripta iudicibus praesto fuisse certo scimus, his verbis utitur: „Dicta sunt . . . publice testimonia: legati Centuripini dixerunt,“ et rel.;¹¹³⁾ „(Siculi) „priori actione ita testimonia *graviter vehementerque dixerunt*, ut Artemonem, Centuripinum legatum et publice „testem, Q. Hortensius accusatorem, non testem esse diceret. Etenim ille . . . cum Androne . . . *propter eloquentiam* „legatus a suis civibus electus est, ut posset multas istius „(Verris) et varias injurias quam apertissime vobis (iudices) „planissimeque explicare.“¹¹⁴⁾ Porro: „Citat praeco voce „maxima (in causa Flacciana) legatos Acmonenses. Pro- „cedit unus Asclepiades . . . *Dixit publice data drachmarum „ccvi millia.*“¹¹⁵⁾ Voces *dicere, eloquentia* hic ad legatos,

¹¹²⁾ Cic. pro Flacc. xv. §. 34.

¹¹³⁾ Cic. in Verr. II. XLIX. §. 120. Centuripinam civitatem tabulas, quae testimonium continebant, Romam misisse, coniecimus ex Cic. Verr. II. LXVII. §. 161.

¹¹⁴⁾ Cic. in Verr. II. LXIV. §. 156.

¹¹⁵⁾ Cic. pro Flacc. xv. §. 34.

Acmonensem civitatem tabellas, in quibus ejus testimonium inscriptum erat, Flacci accusatori, ut eas in iudicio Flacci exhiberet, dedisse, nuntiatur a Cic. pro Flacc. xvi. §. 37.

qui testimonium in tabulis inscriptum ex iis recitaverint, referendas esse, nemo est, qui tenere possit. Sine dubio legati testimonium a collegio decretum; quod paucis in tabulis perscriptum erat, accuratius explicabant. Illa *mandata*, quae legatos, etiam eos, quorum civitates tabulas, quae testimonia continebant, ad iudices afferendas curabant,¹¹⁶⁾ accepisse legimus,¹¹⁷⁾ fortasse inter alia etiam, quomodo testimonia collegiorum uberius illustranda essent, praecipiebant.

Utrum ei, pro quo collegium quoddam testimonium dederat, adversarioque concessum fuerit, legatos sicut singulos ad testimonium dicendum productos homines ad arbitrium interrogare necne, parum edoctis nihil certi nobis statuere licet: quamquam non habemus, cur, legatos collegiorum ad testimonium dicendum ac non ad laudandum missos hoc modo interrogari non licitum fuisse, arbitremur. Cur non idem accipiamus de legatis collegiorum, quae reum laudabant, statim apparebit, quum ad extremum nonnulla, *quae tum testimonia a singulis hominibus data tum testimonia a collegiis tributa attingunt*, exposuerimus.

Singulos homines, qui reum laudabant, vel collegiorum laudantium legatos de laudatione et ab reo et ab accusatore interrogatos esse, nobis propter generalia illa laudationum argumenta non verisimile videtur: etsi una sola nobiscum facit auctoritas, ex qua insuper id tantummodo, accusatori potestatem legati missi ad reum laudandum interrogandi defuisse, effici videri possit. Cicero enim in secunda actione in Verrem iudicibus in memoriam redigit,¹¹⁸⁾ quod Manertinae legationis ad laudandum Verrem princeps C. Hejus¹¹⁹⁾ prima in actione dixerit, Verri navem onerariam maximam Messa-

¹¹⁶⁾ Cic. in Verr. III. XLV. §. 108.

¹¹⁷⁾ Cic. in Verr. II. v. §. 14. XLIV. §. 155. LXVII. §. 161. IV. LI. §. 113. pro Arch. IV. §. 8.

¹¹⁸⁾ Cic. in Verr. II. v. §. 13.

¹¹⁹⁾ De hoc cf. praeter statim commemorandos locos Cic. in Verr. IV. v. §. 13. LXVII. §. 150. V. XVIII. §. 47. XXII. §. 58. II. XLVI. §. 114.

nae esse publice coactis operibus aedificatam, insuper Verrem sibi non solum bona sua, verum etiam sacra deosque penates a majoribus traditos ex aedibus eripuisse. Nonnulli, qui dicant, legationi ad Verrem landandum a civitate Mamertina missae certe, haec de Verre ut cum iudicibus communicaret, mandatum non fuisse et, si accusator Verris legatum illis de rebus interrogasset, legatum nihil de iis cum iudicibus communicasse, hoc loco probari putent, accusatori legatum ad laudandum missum interrogare licuisse. At Cicero de eadem re alio loco haec narrat:¹²⁰⁾ „Prodnxi enim „(Hejum) prima actione. . . Rogatus de cybea, tenetis memoria, iudices, quid responderit.“ Num Cicero legatum ad laudandum missum, si enim laudatione prolata velint testem a Verre pro se productum interrogavisset, diceret a se productum? Immo vero hic dicendi modus planum facit, Hejum non legati munere fungentem, laudatione ex mandato promulgata, a Cicerone interrogatum, sed ab eo separatim productum esse, qui privatus testis in Verrem esset. Idcirco Cicero alibi Hejum suum testem, i. e. a se, ut testimonium in Verrem diceret, productum,¹²¹⁾ vocat.¹²²⁾ Denique Quintilianus diserte, *Hejum testimonium in Verrem dixisse post perlatam legationem*, refert.¹²³⁾ Sin autem Ciceroni, Hejum, Mamertinae civitatis legatum, laudatione prolata de hac ipsa interrogare, licuerit, non est, quomodo, Ciceronem hoc non fecisse, sed Hejum separatim *ut suum testem produxisse*, explicemus, quum praesertim Cicero Hejum productum etiam de civitatis Mamertinae rebus interrogaverit.

Secundo loco monemus, in iudiciis et publicis et privatis testimonia, quae nullis tabulis allatis coram iudice dicta erant,

¹²⁰⁾ Cic. in Verr. IV. VII. §. 16. VII. §. 17.

¹²¹⁾ Cic. in Verr. II. VIII. §. 24. I. §. 26. XXXIII. §. 81. LVI. §. 139.

¹²²⁾ Cic. in Verr. IV. IX. §. 29. Cf. etiam ibid. VIII. §. 18.

¹²³⁾ Quintil. I. O. VII. IV. §. 36.

atque, quod certum esse ducimus, etiam, si quae collegiorum legati, qui cum tabulis aderant, ad haec addiderant illustranda vel ab actoribus reisve de testimonio ex tabellis recitato interrogati responderant, a scribis literis mandata et in tabulis publicis inscripta esse.

Cicero, postquam de iudicio, quod Nero in Asia de Philodamo exercuerat et in quo Verres testimonium dederat, exposuit: „Habeo,“ inquit,¹²⁴⁾ „testimonium tuum, quod apud Neronem dixisti . . . Recita hunc ipsum locum de testimonio;“ et postea:¹²⁵⁾ „Cedo mihi ipsius Verris testimonium . . . Recita . . .“ Quod Verrem non per tabellas dedisse, inde certo scimus, quod Verres *in consilio Neronis fuit primusque sententiam dixit*,¹²⁶⁾ et testis *accusatori roganti respondit*.¹²⁷⁾ In secunda in Verrem actione Cicero haec dicit: „Cur cogis (Verres) . . . sodalis uxorem, socrum . . . contra te testimonium dicere? cur pudentissimas feminas in tantum virorum conventum insolitas prodire cogis? Recita omnium testimonia. Testimonium matris et aviae;“¹²⁸⁾ „dixit C. Fannius, eques Romanus, . . . tibi se pecuniam dedisse. Recita testimonium Fannii . . . Dixit Q. Tadius . . . tabulas protulit, quibus pecuniam se dedisse ostendit . . . Recita testimonium Tadii;“¹²⁹⁾ „dixit . . . M. Lucullus, se de Dionis incommodis (quibus Verres hunc affecerat) pro hospitio, quod sibi cum eo esset, jam ante cognosse. TESTIMONIUM M. LUCULLI;“¹³⁰⁾ „voluit Romae petere Archagathus (nummos, quos Verres sibi debuit,); Cn. Lentulus Marcellinus dissuasit, sicut ipsum dicere audistis. Recita Archagathi et Lentuli testimonium.“¹³¹⁾ Omnia haec testimonia aperte coram iudicibus dicta sunt. Nihilominus *recitari* possunt. Itaque coacti sumus, haec te-

¹²⁴⁾ Cic. in Verr. I. xxxi. §. 78. 79.

¹²⁵⁾ Cic. in Verr. I. xxxiii. §. 84.

¹²⁶⁾ Cic. in Verr. I. xxix. §. 73.

¹²⁷⁾ Cf. adn. ¹²⁴⁾

¹²⁸⁾ Cic. in Verr. I. xxxviii. §. 94.

¹²⁹⁾ Cic. in Verr. I. xlix. §. 128.

¹³⁰⁾ Cic. in Verr. II. viii. §. 23. 24.

¹³¹⁾ Cic. in Verr. IV. xxiv. §. 53.

stium dicta literis mandata esse, arbitrari. In oratione pro Cluentio habita Cicero planum facere studet, Oppianicum merito condemnatum neque a Cluentio circumventum esse. Caussam dicit, neminem profecto contendere posse, Fabricios innocentes condemnatos esse. Jam Cicero pergit:¹³²⁾ „Numquid aliud in illis iudiciis versatum est praeter hasce „invidias Avito (Cluentio) ab Oppianico per Fabricios factas . . . Exstat memoria: sunt tabulae publicae: redargue me, „si mentior: testium dicta recita.“ Non verisimile est, omnes testes hisce in iudiciis per tabulas testimonium dedisse. Si autem, non omnia testimonia per tabulas data esse, ponimus, qui Cicero ad iudicium multo antea exercitum respiciens verbis: „Testium dicta recita,“ uti potuit, si haec literis mandata essent. Roscium Comoedum defendens Cicero: „Recita,“ inquit,¹³³⁾ „testimonium T. Manilii et Lusci Ocreae;“ et paulo post:¹³⁴⁾ „Tibi vero, Piso (iudex), diu deliberandum . . . est, utrum potius Chaereae injurato in sua lite „an Manilio et Luscio juratis in alieno iudicio credas;“ et pro Coelio verba faciens Cicero: „Sed cur diutius,“ ait,¹³⁵⁾ „vos, iudices, teneo? ipsius iurati religionem auctoritatem- „que percipite atque omnia diligenter testimonii verba cognoscite. Recita testimonium C. Luceji.“ Supra intelleximus, qui per tabulas testimonium dederint, non iuratos dedisse. Nihil jam nobis relinquitur, nisi ut, haec testimonia ante Ciceronis orationes coram iudicibus dicta literisque mandata esse, statnamus. In oratione pro C. Rabirio Postumo Cicero haec dicit:¹³⁶⁾ „Est enim haec causa, QUO EA PERCUNIA PERVENERIT, quasi appendicula causae iudicatae „atque damnatae. Sunt lites aestimatae A. Gabinio . . . Jubet

¹³²⁾ Cic. pro Cluent. xxiii. §. 62.

¹³³⁾ Cic. pro Rosc. Com. xiv. §. 43.

¹³⁴⁾ Cic. pro Rosc. Com. xv. §. 45.

¹³⁵⁾ Cic. pro Coel. xii. §. 55.

¹³⁶⁾ Cic. pro C. Rabir. Post. iv. §. 8. 9.

„lex Julia (repetundarum) persequi ab iis, ad quos ea pecunia, quam is ceperit, qui damnatus sit, pervenerit . . . Ita contendo: neminem unquam, QUO EA PECUNIA PERVENISSET, causam dixisse, qui in aestimandis litibus appellatus non esset. In litibus autem nemo appellabatur nisi ex testium dictis aut tabulis privatorum aut rationibus civitatum. . . . Ait¹³⁷⁾ enim (accusator), dum Gabinio pecuniam Postumus cogeret, ex decumis imperatorum pecuniam sibi coëgisse . . . Aderunt testes . . . Ii nihil in Gabinium dixerunt . . . Ubi ergo ille mos? . . . Iisdem testibus, et quidem non productis, sed dictis testium recitatis, quasi praejudicata res ad has causas deferri solet.“ Quomodo vero *testium dicta recitari* poterant, ni literis mandata essent? Supra exposuimus, legem Pompejam de vi praecepisse, *ut, priusquam causa ageretur, testes per triduum audirentur.*¹³⁸⁾ Asconius Pedianus, ubi de causa Milonis, de vi ex lege Pompeja propter necem Clodio illatam postulati, agit, narrans, quae hac in causa tertio die illius tridui, per quod testes dati, facta sint, haec dicit:¹³⁹⁾ „Dimisso circa horam decimam iudicio T. Munatius (ille tribunus plebis, qui Miloni invidiam facere studuit,) pro concione populum adhortatus est, ut postero die frequens adesset et elabi Milonem non pateretur . . . Postero die clausae fuerunt tota urbe tabernae.“ Alio loco idem Asconius eadem de re haec refert:¹⁴⁰⁾ „Munatius Plancus . . . post audita et obsignata testium verba dimissosque interim iudices vocata concione cohortatus erat populum, ut clausis tabernis postero die ad iudicium adesset nec pateretur elabi Milonem.“ Quibus ex locis colligimus, et testium verba literis mandata esse, — alioquin quomodo obsignari poterant? — et tabulas, in quibus testium dicta inscripta

¹³⁷⁾ Cic. pro C. Rabir. Post.
xi. §. 30. seqq.

¹³⁸⁾ Ascon. ad Cic. Milon. pag.
40. (Or.)

¹³⁹⁾ Ascon. ad Cic. Milon. pag.
41. (Or.)

¹⁴⁰⁾ Ascon. ad Cic. Milon. pag.
52. (Or.)

erant, a iudicibus, quo confirmarent, eas revera, quae testes respondissent, continere, obsignatas esse, — quis enim alius testium dicta obsignaverit et qua alia de causa obsignari debebant? Ceterum testium dicta in causa Miloniana literis mandata esse, eo quoque confirmatur, quod Asconius hoc narrat:¹⁴¹⁾ „Primo die datus erat in Milonem testis C. „Cassinius Schola. Quem cum interrogare M. Marcellus „coepisset, . . . tumultu Clodianae multitudinis circumstantis „exterritus est;“ Cicero autem Milonem defendens haec dicere potest:¹⁴²⁾ „Legite (accusatores) testimonia testium vestrorum. Dixit C. Cassinius Schola . . . „P. Clodium illo „die in Albano mansurum fuisse . . .“ Iudices vero, qui in reos ex lege Pompeja de vi sedebant, tabulis, in quibus testium dicta inscripta erant, obsignandis, eas revera testium responsa continere, confirmasse, postulatur legis Pompejae de vi praecepto, *ut prius, quam causa ageretur, testes per triduum audirentur, dicta eorum iudices confirmarent, quarta die adesse omnes in diem posterum juberentur . . .*; dein rursus postera die sortitio iudicum feret, unius et LXXX: qui numerus cum sorte obtigisset, ipsi protinus sessum irent, tum ad dicendum accusator duas horas, reus tres haberet reusque eodem die illo judicaretur; prius autem, quam sententiae ferrentur, quinos ex singulis ordinibus accusator, totidem reus rejiceret, ita ut numerus iudicum relinqueretur, qui sententias ferrent, quinquaginta et unus. Non defuere, qui quaererent, quis sensus illis verbis: „Lex jubebat, ut dicta testium iudices „confirmarent;“ tribuendus esset. Accusator et reus orationes suas non coram eodem iudicum collegio, quod testes audierat, dixere et tantummodo unus et quinquaginta iudices, triginta ex unius et octoginta iudicum, qui orationes audierant, numero ab accusatore reoque post orationes habitas rejectis, sententias tulerunt. Quid jam? — Etiam omissis illis locis, quibus certiores facti sumus, in Miloniana ex lege

¹⁴¹⁾ Cf. adn. 129)

¹⁴²⁾ Cic. pro Milon. xvii. §. 46

Pompeja de vi dijudicata causa testium verba literis mandata et obsignata esse, nonne maxime probabile est id, quod conjicimus, illos iudices, quibus testes audiendi fuere, antequam dimitterentur, quomodo testimonia coram se dicta literis mandata essent, examinasse et errores, qui forte in testimoniis conscribendis irrepsissent, correxisse et hoc modo emendatas tabulas obsignando revera, quae a testibus essent dicta, continere *confirmasse*? ¹⁴³⁾

Quamquam sola haec coram iudicibus dicta testimonia literis mandata esse traduntur, tamen, quia non est, quomodo, haec ipsa perscripta, cetera non esse, intelligamus, omnia, quae vel testes vel legati a testimonia tribuentibus collegiis missi coram iudicibus dixissent, literis mandata esse, statuimus. ¹⁴⁴⁾

¹⁴³⁾ Osenbrüggen (Cicero's Rede für Milo, S. 24. N. 49.) dicit: „Asconius: testes per triduum audirentur; dicta eorum iudices confirmarent. Diese letzteren Worte sind unklar. Cie. pro Scaur. §. 19, sagt: Si quod ii (sc. testes) dicunt, non modo nullis argumentis, sed ne literarum quidem aliquo genere — confirmare conantur, aber (?) Asconius sagt, die iudices sollen dicta testium confirmare. Es ist diess wohl ein abgekürzter Satz: die Richter sollten die Glaubwürdigkeit der Zeugen prüfen, und darnach die Zuverlässigkeit der Zengen bestimmen. (?) Dadurch wurden ihre dicta erst firma (?) und von Bedeutung für den Prozess. (?) Man hat hier für confirmarent schreiben wollen consignarent. Vielleicht ist zu ändern: dicta coram iudicibus confirmarentur.“ (?)

Reilquum est, ut moneamus, etiam illa, quae Allobroges de Catilinaria conjuratione in senatu fecere, indicia perscripta esse. Solum enim defendens Cicero (pro Sull. XIII. §. 36): „Ab Allobrogibus,“ inquit, „nominatum Sullam esse dicis (accusator). Quis negat? Sed lege indicium et vide, quemadmodum nominatus sit;“ et postea (ibid. XVI. §. 40): „Itaque introductis in senatum indicibus constitui senatores, qui omnia indicum dicta, interrogata, responsa perscriberent.“

¹⁴⁴⁾ His omnibus praetermissis Rosshirt (N. Archiv d. Criminair. XI. S. 393.) docet: „Geschrieben wurde bei den Verhandlungen unter öffentlicher Autorität fast nichts; denn es kommt nur vor: das Aufschreiben des Namens des Angeklagten, das Aufschreiben des Namens des Anklägers und

Contra, testium verba per iudices obsignari debuisse, nusquam nisi in caussis ex lege Pompeja de vi dijudicatis invenimus. Et, ea revera nusquam nisi in his esse obsignata, existimamus eo libentius, quia praeter illud legis Pompejae de vi praeceptum, ex quo non idem iudicum collegium, quod testes audierat, sententiam dicere debuit — quod ad omnia iudicia pertinuisse, nobis nequaquam verisimile videtur — nihil nos cognitum habemus, quo, eosdem et testes audivisse et sententiam tulisse atque cunctos, coram quibus testimonia dicta essent, etiam sententiam dixisse, statuere vitemur: quare nobis nusquam nisi in iudiciis ex lege Pompeja de vi testium verbis obsignatis opus fuisse videtur.

CAP. VII.

Quando testimonia cum iudicibus communicata sint.

Primum quod ad testimonia per tabellas data attinet, haec plerumque inter orationes ita esse recitata, ut singulis orationum partibus, quas attingerent, accommodarentur, ex eo colligimus, quod etiam aliae literae tabulaeque ad accusationem aut defensionem probandam allatae et testimonia, quae prioribus in actionibus dicta et literis mandata erant, plerumque inter orationes recitabantur.¹⁾ Ut vero, has ta-

„der subscriptores, das Aufschreiben der iudices lecti neque re-
jecti, so dass sich das Aufschreiben nur auf die wesentlichen
„Gerichtspersonen und nicht weiter bezog.“

¹⁾ Cic. in Verr. I. xxxiii. §. 83. 84.

II. lxxiv. §. 183. III. x. xvii. §. 44. xliii. §. 102. lxxi. §. 167. V. lvii. §. 148. pro Flacc. ix. §. 20. xii. §. 27. xxxii. §. 78. pro Coel. xiii. §. 55. pro Sest. iv. i. f. pro Rosc. Com. xiv. §. 43. (pro Cluent. lx. §. 168.)

bulas interdum etiam post orationes cum iudicibus esse communicatas, satis compertum habemus,²⁾ sic etiam, interdum testimonia per tabellas reddita tum demum coram iudicibus recitata esse, nobis verisimile videtur.

Secundo loco, quando testes interrogati sint, exploraturi a iudiciis publicis exordiemur.

Nonnulli ex veterum libris excerpti loci, qui ante leges Pompejas de vi et de ambitu latas literis mandati sunt, hanc quaestionem generaliter dissolvere videntur.

Cicero enim, ut extraordinarium illum accusandi modum, quo prima in actione in Verrem usus est, excusaret, haec protulit:³⁾ „Ego tibi (Hortensi),“ inquit, „illam Aciliam legem restituo, qua lege multi semel accusati, semel dicta „caussa, semel auditis testibus condemnati sunt . . . Puta, „te non hac (Cornelia) tam atroci, sed illa lege mitissima „causam dicere. Accusabo: respondebis. Testibus editis „ita mittam in consilium, ut, etiamsi lex ampliandi faciat „potestatem, tamen isti torpe sibi existiment, non primo „judicare.“ Bis hic Cicero testium secundum accusationem defensionemque editorum mentionem facit. Idem, quum iterum de insolita illa accusandi ratione, quam Verrem reum faciens prima in actione inierat, loquitur: „Nihil,“ inquit,⁴⁾ „inter illam usitatam accusationem atque hanc „novam interest, nisi quod in illa tunc, quum omnia dicta „sunt, testes dantur: hic in singulas res dabuntur.“ Cicero hic recta via, moris fuisse, ut testes nonnisi accusatoris defensorisque orationibus finitis producerentur, demonstrare videtur. Iis, qui in illis verbis id solum, testes in reum post finitam accusationem ante defensionem interrogatos, testes contra pro reo post finitam defensionem esse productos, inesse posse arbitrentur, afferimus eundem Ciceronem,

²⁾ Cic. in Verr. I. I. §. 156.
II. xx. §. 50. I. x. §. 28.

⁴⁾ Cic. in Verr. act. I. xviii. §. 55.

³⁾ Cic. in Verr. I. ix. §. 26.

qui in caussa Flacciana haec exponit: ⁵⁾ „Quid?“ inquit, „si testium studium cum accusatore sociatum est? tamenne „isti testes habebuntur? Ubi est igitur illa expectatio, quae „versari in iudiciis solet? Nam antea, quum dixerat accusator „acriter et vehementer quumque defensor suppliciter demis- „seque responderat, tertius ille erat expectatus locus te- „stium, qui aut sine ullo studio dicebant aut cum dissimu- „latione aliqua cupiditatis. Hoc vero quid est? Una sedent, „ex accusatorum subselliis surgunt,“ et rel. ⁶⁾

Hi loci igitur generatim, omnes testes post orationes ac- cusatorum defensorumque interrogatos esse, demonstrare vi- dentur. ⁷⁾

Sed jam ad singulas ante leges Pompejas de vi et de am- bitu caussas dijudicatas animum intendamus, ut perscrutemur, num testes in iis interrogati revera ad generalem hanc regu- lam, quam invenisse nobis videmur, post accusationem de- fensionemque peroratas producti sint.

In secunda in Verrem actione Cicero multos testes te- stimonium in Verrem dicturos aut, quos postea ad testimonium dicendum producere possit, commemorat. ⁸⁾ Ergo, nonnullos testes in Verrem post accusatoris orationem interrogatos esse, certum est. Aliorum quidem etiam, qui jam testimonium reddidissent, Cicero illic mentionem fecit, sed ita, ut aut di-

⁵⁾ Cic. pro Flacc. I. §. 21. 22.

⁶⁾ Cf. etiam Valer. Max. V. VIII §. 3.

⁷⁾ Ferrat. epist. I. 3. I. m.

⁸⁾ Cic. in Verr. I. XXXIV. §. 86. XXXIX. §. 100. XL. §. 103. XLIX. §. 128. LIX. §. 154. LXI. §. 157. II. XX. §. 50. XXXIII. §. 80. XLII. §. 102. LXV. §. 156. LXXI. §. 175. LXXII. §. 177. LXXVI. §. 186. III. XXV. §. 63. XXVII. §. 66. XLI. §. 97. XLIII. §. 103. XLVI. §. 109. IV. IX. §. 19. XXII. §. 48. XXV. §. 55.

LXVII. §. 150. V. VII. §. 15. XVII. §. 43. LVII. §. 147. LIX. §. 154. 155. LXIII. §. 164. Haec omnia negligens Götting (Gesch. d. röm. Staatsverf. S. 426.) ita disserit: „Es konnte auch, wie es Cicero „in den Verrinen gethan, eine kurz- „gefasste Anschuldigung voraus- „gehen und diese hierauf durch „Zeugen weiter erhärtet werden, „worauf dann in der zweiten „Actio die eigentliche Haupttrede „ohne Zeugen folgte.“

serte dixerit, hos priore in actione testimonium dedisse,⁹⁾ aut, etsi hoc diserte non protulerit,¹⁰⁾ tamen non habeamus, cur nobis, hoc non esse factum, sit statuendum. Quae igitur ex causa Verris de tempore, quo testes producti sint, comperimus, generali illi normae non repugnant, sed tum eorum sententiam, qui, omnes testes ante accusationem interrogatos esse, censent,¹¹⁾ totam refutant, tum, quam alius quidam in medium protulerit sententiam, omnes ab accusatore productos testes ante accusationem rogatos esse, contra rei testes post accusationem ante defensionem testimonium dixisse, ejus priorem partem refellunt.

In causis Roscii Amerini, Fonteji, Cluentii, Flacci, Coelii, Plancii, Cornelii Balbi et C. Rabirii Postumi non solum

⁹⁾ Cic. in Verr. I. l. §. 1. xx. §. 52. xxviii. §. 71. xxxiv. §. 88. liii. §. 138. 139. II. v. §. 13. (coll. c. IV. vii. §. 16 et V. xviii. §. 47) II. v. §. 15. vi. §. 16. vii. §. 20. xxviii. §. 69. xliii. §. 102. xlix. §. 120. liii. §. 133. lxi. §. 149. lxiv. §. 156. lxv. §. 156. III. xlv. §. 105. V. xxix. §. 73. xxxiv. §. 90. lv. §. 143. lix. §. 155. (coll. c. I. v. §. 14.) V. lxi. §. 158. lxiii. §. 163. Cf. I. v. §. 13. II. ix. §. 25. III. lxxxix. §. 189. et IV. xviii. §. 38. cum I. liii. §. 138. (pro Tull. §. 6. (Or.) pro Caecina. l. §. 3.)

¹⁰⁾ Cic. in Verr. I. v. §. 14. xxviii. §. 71. xxxi. §. 80. xxxviii. §. 93. 94. xlviii. §. 126. xlix. §. 128. II. viii. §. 23. xxvii. §. 66. xliii. §. 103. xlviii. §. 119. III. iv. §. 22. xxiv. §. 59. xxvii. §. 66. xxxi. §. 73. xxxiv. §. 80. lvi. §. 129. IV. xii. §. 29. xli. §. 30. xi.

§. 44. xxi. §. 46. xxiii. §. 50. xxiv. §. 53. xxvii. §. 62. xxxix. §. 84. 85. xl. §. 86. xliii. §. 92. li. §. 113. 114. V. vii. §. 15. xi. §. 27. xlv. §. 116. xlv. §. 120. lvii. §. 147. lx. §. 156. lxiv. §. 165.

¹¹⁾ Sigonius, de iudic. II. 15., haec docet: „Ceterum interrogatio testium ipsam accusationem praecessit; id quod cum aliis legibus tantum est, tum Pompeja de vi Aliae leges post causam actam testes dari voluerunt ut lex Cornelia de repetundis.“ Glück/Pandecten Bd. XXII. S. 245.) dicit: „Die Abhörung der Zeugen pflegte aber gewöhnlich der Anklage vorauszufragen, wie auch unter andern Gesetzen die lex Pompeja de vi verordnete.“ Sic etiam Schweppe (röm. Rechtsgesch. u. Rechtsalterth. §. 629.) sentire videtur.

testes pro reo productos, ¹²⁾ sed etiam testes, quibus accusatores usi sunt, ¹³⁾ invenimus, qui post accusatoris defensorisque orationes vel dixerunt testimonium, vel quibus, si dicerent, hoc tempore dicendum fuit. Cicero quidem in orationibus pro Fontejo et Flacco et Coelio habitis etiam dictorum jam in reum testimoniorum mentionem facit, ¹⁴⁾ et Cluentii causam dicens, si poni liceat, hic non de testimonio per tabulas dato agi, de teste jam pro reo interrogato loquitur. ¹⁵⁾ Sed non est, quod, Cluentianam et Coelianam causas ampliatas esse, negemus et, illa, quae jam dicta essent, commemorata testimonia in priore actione ampliarum caussarum Cluentianae et Coelianae et in eadem actione caussarum Fontejanæ Flaccianaeque, quae, repetundarum caussae, comperendinandae erant, finitis accusatoris defensorisque orationibus dicta esse, abnuamus. Orationem autem eam pro Fontejo, quae nobis conservata est, secunda in actione habitam esse, inde patet, quod Cicero in ea his verbis usus est: ¹⁶⁾ „Jam enim mihi videor hoc, prope „caussa duabus actionibus perorata, debere dicere.“ Et, Ciceronis orationem pro Flacco, quae hodie exstat, secunda in actione dictam esse, ex hisce illius orationis verbis verisimile fit: ¹⁷⁾ „Atque hic Dorylensis nuper cum efferretur „... mortis illius invidiam in Flaccum Laelius (ejus accusator) conferebat ... Flacco . . quid profuit, qui valuit tam „diu, dum huc prodiret; mortuus est aculeo jam emisso ac

¹²⁾ Cic. pro Flacc. II. §. 5. pro Cluent. LXX. §. 198. pro Font. III. §. 6. pro Coel. II. §. 4. XXX. §. 73. pro Cornel. Balb. XVIII. §. 41.

¹³⁾ Cic. pro Rosc. Amer. XLIX. §. 82. XXX. §. 84. XLIV. §. 100. 101. XXXVI. §. 102. pro Cluent. VI. §. 18. pro Flacc. XXI. §. 51. pro Planc. XXXIII. §. 56. pro Coel. VIII. §. 19. 20. I. §. 24. XXVIII. §. 66. XXX.

§. 73. pro Rabir. Post. XL. §. 31.

¹⁴⁾ Cic. pro Font. IX. §. 19. pro Flacc. IV. §. 10. XLIV. §. 87. XV. §. 34. Schol. Bobiens. ad Cic. Flacc. pag. 238. (Or.) Cic. pro Flacc. XVII. §. 39. 41. pro Coel. XXII. §. 55.

¹⁵⁾ Cic. pro Cluent. LX. §. 168.

¹⁶⁾ Cic. pro Font. XII. §. 27.

¹⁷⁾ Cic. pro Flacc. XVII. §. 41.

„dicto testimonio.“ Si, Dorylensis testimonium et Ciceronis orationem in diversis actionibus dicta esse, negemus, nihil restat, nisi ut, quod non probabile videtur, ponamus, hunc Dorylensem inter testium interrogationem, in qua, ante Ciceronis orationem, sed in eadem actione, in qua haec dicta sit, facta, ipse Dorylensis testimonium suum dederit, et defensionem ipsam mortuum elatumque esse. Ea quoque igitur, quae illis ex causis de tempore, quo testes in iis interrogati sint, accepimus, generali, quam supra exposuimus, normae non repugnant: refragari autem iis, qui, vel omnes testes temporis intervallo inter accusationem defensionemque interposito testimonium dixisse, ¹⁸⁾ vel testes accusatoris ante accusationem, testes defensoris contra post hanc ante defensionem interrogatos esse, censent, facile animadverteris. Quam denique alius quidam attulerit sententiam, omnes accusatoris testes post accusationem, sed ante defensionem interrogatos, omnes defensoris testes post defensionem productos esse, ¹⁹⁾ priorem ejus partem generali, quam diximus, regulae repugnantem penitus illa refellunt.

Sed jam nonnulla ex Scauri et Cornelii et C. Rabirii causis, quae cum generali illa norma conciliari non possunt, afferemus. Cicero Scaurum defendens Triario, ejus accusa-

¹⁸⁾ Huic sententiae Mittermaier (deutsch. Strafverf. 3. Aufl. Einl. g. 13. S. 51. 52. n. 53) subscribere videtur.

¹⁹⁾ Hanc sententiam defendit Rein (röm. Privatr. S. 476.) et, testes ex consuetudine sic interrogatos esse, Klenze statnere videtur, qui tradit (Lehrb. d. Strafverf. S. 97.): „Die Zeugen wurden entweder nach gehaltenem Vortrage oder während desselben (Cic. in Verr. I. 18.) abgehört.“ Testes

enim interdum etiam inter orationes interrogatos esse, Klenze in exceptione ponere videtur: id quod inde elucere videtur, quod, ut, testes etiam inter orationes interrogatos esse, planum faciat, ad unicum c. 18. act. I. in Verr. provocat, ubi Cicero, de extraordinario suo Verrem accusandi modo, quum testes in singulas res darentur, agens, eum *illi usitatas accusationi*, secundum quam *tunc, cum omnia dicta sint*, testes dentur, opponit.

tori, hoc exprobrat: ²⁰⁾ „Tu uno comprehendinasti reum teste „producto.“ Ergo Cicero Scaurum ab secunda actione defendit. Alibi in eadem hac defensione: „Est enim,“ inquit, ²¹⁾ „unum maximum totius Sardiniae frumentarium crimen, de „quo Triarius omnes Sardos interrogavit, quod genus uno „testimonii foedere et consensu omnium est confirmatum.“ Hos omnes Sardos autem prima in actione, in qua Triarius unum testem produxit, interrogatos esse, nequaquam teneri potest. Si igitur, hos Sardos secunda in actione productos esse, statuendum est, confiteri nos oportet, eos non secundum illam generalem regulam post finitas accusatoris defensorisque orationes productos, sed ante defensionem interrogatos esse. Asconius porro, ubi de Corneliana causa agit, haec refert: ²²⁾ „Dixerunt (in Cornelium) infesti testimonia „principes civitatis . . . Dixerunt autem hoc, vidisse se, cum „Cornelius in tribunatu codicem pro Rostris ipse recitaret, „quod ante Cornelium nemo fecisse existimaretur. Non poterat negare, id factum esse.“ Jam si testes hic post finitas accusatoris defensorisque orationes producti sunt, non liquet, cur de eo, quod defensor jam confessus erat, nihilominus testes interrogati sint. Et hic et in causae Scaurinae secunda actione testes commemoratos statim post finitam accusationem testimonium dixisse, vero proximum esse videtur. Denique Cicero perduellionis reum, C. Rabirium, Quiritibus iudicibus, defendens: „Nunc de Saturnini crimine,“ inquit, ²³⁾ „ . . . dicemus. Arguis (T. Labienus, „Rabirii accusator), occisum esse a C. Rabirio L. Saturninum: et id C. Rabirius multorum testimoniis, Q. Hortensio copiosissime defendente, antea falsum esse docuit.“ Nihil vel, haec testimonia per tabulas data et inter Hortensii defensionem recitata esse, ponere velimus vel existimare possi-

²⁰⁾ Cic. pro Scaur. II. §. 29.

²¹⁾ Cic. pro Scaur. II. §. 21.

²²⁾ Ascon. ad Cic. Cornel. pag.

60. (Or.)

²³⁾ Cic. pro Rabir. IV. §. 18.

mus, Ciceronem, in secunda actione Rabirium, qui a populo ampliatus sit, defendentem, ad illa testimonia, quae in prima actione data essent, respexisse, si igitur, illa testimonia ante Ciceronis orationem in eadem actione dicta esse, statnendum est, veri simillimum videtur, ea, ad Hortensii defensionem firmandam data, illico post eam dicta esse.

Ex hisce commemoratis locis nihil aliud effici videtur, nisi, Ciceronem, ubi generatim, omnes testes orationibus accusatoris defensorisque finitis interrogatos esse, statuere supra nobis visus est, solummodo consuetudinis, a qua, licet plerique eam secuti sint, per exceptionem recedi fuerit concessum, rationem habuisse ac non legis cujusdam praeceptum, quod nullo pacto deseri licuerit, respexisse.²⁴⁾ Fortasse jam multi, quum his exceptionibus, quas fuisse negari non potest, nitantur, etiam illic iis exceptionibus locum fuisse arbitrentur, ubi in orationibus accusatorum defensorumque testimonia jam dicta commemorantur, sed nobis, quod supra exposuimus, non est, cur, orationes illas secundis in actionibus habitas et ea testimonia prima in actione post orationes data atque hoc modo regulam servatam esse, negemus. Ceterum non possum, quin commemorem, etiam illum jam saepe dictum extraordinarium modum, quo Cicero, nulla quidem, ut videtur, singulari ejus rei potestate concessa, prima in actione Verrem accusavit, et quo, ut Psendo-Asconius nos certiores facit,²⁵⁾ etiam L. et M. Luculli jam ante Verris causam L. Cottam accensaverant, perspicuum facere, non omnino, a consueto accusandi modo recedi, illicitum fuisse.

Hucusque de aetate ante leges Pompejas de vi et de ambitu latas disseruimus.

His vero legibus ordo testium interrogandorum, quem antea, etsi non omni exceptione liberum, obtinuisse statui-

²⁴⁾ Cf. Walter, *Gesch. d. röm.*
R. S. 874. (*Brisson. de formul. v.*
p. 477.)

²⁵⁾ Ps. Ascon. ad Cíc. *act. i.*
In Verr. pag. 150 et 151. (Or.)

mus, si minus in omnibus judiciis, certe in judiciis de vi et de ambitu ex legibus Pompejis agendis mutatus et inversus est.

Asconius enim hoc narrat: ²⁶⁾ „Pompejus ab interrege „Ser. Sulpicio V Kal. Mart. mense intercalario consul sine „collega creatus est statimque consulatum iniit.“ Quod 702 a. u. c. factum est. „Deinde post diem tertium,“ Asconius pergit, „de legibus novis ferendis retulit; duas ex senatusconsulto promulgavit, alteram de vi, qua nominatim „caedem in Appia via factam (qua P. Clodius ab A. Milone „occisus erat) et incendium curiae et domum L. Lepidi in „terregis oppugnatam (quae populus a tribunis plebis Munatio Planco et Pompejo Rufo, qui pro concione Miloni „invidiam fecerant, inflammatus duce Sex. Clodio scriba „effecerat ²⁷⁾ comprehendit, alteram de ambitu, ²⁸⁾ poenam „graviorem et formam judiciorum breviorum: utraque enim „lex prius testes dari per triduum, deinde uno die atque „eodem et ab accusatore et ab reo perorari jubebat, ita ut „duae horae accusatori, tres reo darentur.“ ²⁹⁾ Et in Miloniana secundum legem Pompejam de vi agenda causa revera testes ante orationes accusatoris defensorisque producti sunt. ³⁰⁾ Si haec sola de legibus Pompejis de vi et de ambitu accepissemus, facile certe statueremus, commemorata legum jussa ad sola judicia de ambitu et de vi pertinuisse. Quamquam enim Asconii verba non omnino impediunt, quominus, illa jussa ad omnia judicia pertinuisse, ducamus, tamen, leges de vi et de ambitu tempus, quo in

²⁶⁾ Ascon. ad Cic. Milon. pag. 37. (Or.)

²⁷⁾ Ascon. ad Cic. Milon. pag. 34. (Or.) Dio. Cass. xl. 49. Cic. pro Mil. v. g. 13. Ascon. ad Cic. Milon. pag. 43. 46. 55. Schol. Boiens. ad Cic. Milon. pag. 280. (Or.)

²⁸⁾ Vell. Patercul. ii. 47.

²⁹⁾ Cf. insuper Ascon. ad Cic. Milon. pag. 40. (Or.)

³⁰⁾ Ascon. ad Cic. Milon. pag. 41. seq. (Or.) Cic. pro Milon. xvii. g. 46.

omnibus judiciis testes interrogarentur, constituisse spatium-que temporis definiisse, quo exacto accusatoribus defensoribusque in omnibus judiciis perorasse necesse esset, non verisimile videtur.

At Cicero, ubi de Hortensio atque semetipso agit: „Maxime vero,“ ait, ³¹⁾ „perspecta est utriusque nostrum „exercitatio paullo ante, quam perterritum armis hoc studium nostrum conticuit subito et obmutuit: quum lege „Pompeja tenuis hornis ad dicendum datis ad causas simil- „limas inter se vel potius easdem novi veniebamus quoti- „die;“ quo leviter significari videtur, circumscriptionem illam temporis ad dicendum dati in omnibus judiciis obtinuisse. Quam conclusionem confirmat Dio Cassius. Is, postquam, multos ambitus reos factos esse, „καὶ μάλιστα ὅτι τὰ δικαστή- „ρια ἀκριβέστερον ἐκ τῶν τοῦ Πομπηίου νόμων συνήγετο,“ tradidit, quo id planum faciat, narrat, Pompejum ipsum eos, ex quibus sententiam laturo sorte ducerentur, elegisse, numerum patronorum definiisse, ad summum duas horas accusatori et tres defensori ad dicendum concessisse atque laudationum usu reis interdixisse: quibus simpliciter haec addit: ³²⁾ „καὶ ταῦτα μὲν ἄλλα τέ τινα κατὰ πάντων ὁμοίως „τῶν δικαστηρίων ἐτάχθη.“ Quoniam autem intelleximus, modum orationibus per leges Pompejas de vi et de ambitu constitutum in omnibus judiciis Pompejo auctore obtinuisse, statim animum nostrum quaestio subit, num forte etiam alterum illud legum Pompejarum de vi et de ambitu praeceptum, ex quo prius per triduum testes darentur et tum demum accusatores defensoresque orationes suas perorarent, suasore Pompejo in omnibus judiciis acceptum fuerit; num forte illa Dionis ἄλλα τέ τινα (κατὰ πάντων ὁμοίως τῶν δικαστηρίων (a Pompejo) ταχθέντα) hoc legum Pompejarum de vi et de ambitu praeceptum amplexa sint.

³¹⁾ Cic. Brut. xciv. §. 324.

³²⁾ Dio Cass. xl. 52.

Per veteres ad hanc quaestionem dissolvendam parum adjuti³³⁾ videamus, num ad eam expediendam aliquid ex temporis, quo illa communia a Dione relata Pompeji praecepta sancta esse accipiendum sit, investigatione reperiri possit.

Ea praecepta ante leges Pompejas de vi et de ambitu latas data esse, statuere nobis non licet, primum, quia Asconius his legibus formam judiciorum breviorum, quam antea valuerit, institutam esse et novam hanc formam judiciorum praesertim in eo fuisse narrat, ut uno die atque eodem et ab accusatore et ab reo peroraretur et duae horae accusatori, tres reo ad perorandum darentur; deinde, quia Tacitus, *primum C. Pompejum tertio consulatu eloquentiae frenos imposuisse*, tradit,³⁴⁾ Asconius autem refert,³⁵⁾ Pompejum post diem tertium, quam tertium consulatum iniisset, de illis legibus de ambitu et vi ferendis retulisse. Sed neque, illa communia praecepta anno 702 a. u. c. jam exacto demum in publicum proposita esse, teneri potest. Q. Metellus Scipio enim inter hunc annum de ambitu postulatus est et Dio, quum, Scipionem multosque alios de ambitu reos factos esse, narrat, hoc ex illis severis communibus Pompeji praeceptis pependisse enuntiat.³⁶⁾ Jam vobis aut statuendum est, Pompejum vel in duabus suis legibus de vi et de ambitu vel in alterutra earum hanc, quae ad omnia judicia pertinebant, praecepta sanxisse, aut ponere debemus, quum has duas leges de vi et de ambitu promulgaret, novam breviorumque eorum solummodo judiciorum formam eum instituisse

³³⁾ Madvig (de trib. aerar., pag. 6. seq.) quidem, pro certo habens, *legem Pompejam, quae de ambitu ferebatur, simul novam formam praescripsisse omnibus quaestionibus et judiciis, ut ex generali et speciali mixta fuerit: »Apertissimis verbis,«* ait, »id dicit Dio Cass.

» XL. 52. « (?) Cf. etiam Osenbrüggen, Ctc. Rede f. Milo S. 43. ff.

³⁴⁾ Tacit. de orator. 38.

³⁵⁾ Ascon. ad Cic. Milon. pag. 37. (Or.)

³⁶⁾ Dio Cass. XL. 51. l. f. 52. a. i.

atque brevi postea, certe ante a. 702 a. u. exactum, illa communia praecepta peculiari quadam lege dedisse. Utram viam ingredi oporteat,³⁷⁾ et Tacitus³⁸⁾ et Cicero,³⁹⁾ qui adeo ambigue de hac iudiciorum commutatione loquuntur, ut ne id quidem satis aperte nobis tradant, utrum haec ad sola iudicia ex legibus Pompejis de vi et de ambitu an aliquando saltem ad omnia iudicia pertinuerit, parum nos docent. Quam priorem commemoravimus viam, ea fortasse ideo alteri praestat, quod de lege aliqua Pompeja 702 a. u. lata, praeter illas de vi et de ambitu, nihil omnino scimus.⁴⁰⁾

Jam hoc posito, legibus Pompejis de vi et de ambitu vel alterutra sola illa a Dione relata communia Pompeji praecepta sancta esse, licet simul nobis ante oculos ponamus, et horum in numero modum quoque illum orationibus constitutum fuisse, et Asconium hoc tradere: „Utraque enim lex „(leges Pompejæ de ambitu et de vi) prius testes dari per „triduum, deinde uno atque eodem die et ab accusatore et „ab reo perorari jubebat, ita ut duae horae accusatori, tres „reo darentur:“ tamen nondum exploratum est, leges etiam, ut testes in omnibus judiciis ante orationes interrogarentur, praecepisse. Nam potuit etiam fieri, ut leges Pompejæ de vi et de ambitu orationibus modum in omnibus judiciis praescriberent et nihilominus, ut testes ante orationes interrogarentur, quum reliqua iudicia silentio fortasse praeterirent,

³⁷⁾ Haec de quaestione cf. Kleuze, *fragm. leg. Serv. proleg.* pag. 16. N. 77. pag. 4. N. 5. Baier, *ind. leg. in Onomast. Tull.* pag. 247. Gesebrüggen, a. a. O. S. 45. ff.

³⁸⁾ Cf. adn. ³⁴⁾

³⁹⁾ Cic. ad Att. XIII. XLIX. §. 1. Ex eo, quod lex Pompeja in Sestium hic commemoratum cadit et quod Ciceroni in ejus causa in consilium ire necesse est, col-

ligimus, hoc Sestianum iudicium non esse illud de Sestio, postulato de vi, factum, in quo Cicero orationem vobis servatam pro reo dixit. Cic. ad Att. X. IV. §. 8. Brut. xciv. §. 329. de finib. IV. I. §. 1.

⁴⁰⁾ Madvig l. c. id quoque pro certo habere videtur, omnia ea communia Pompeji praecepta lege Pompeja de ambitu sancita esse.

solis in judiciis de vi et de ambitu instituerent. At hoc non verisimile videtur.

Sed etiamsi, neque legibus Pompejis de vi et de ambitu neque alterutra earum, sed propria quadam, quae post has eodem tamen anno lata sit, lege illa per Dionem relata communia Pompeji praecepta sancita esse, ponimus — quam so- lam viam nobis, nisi alteram illam ingredi velimus, reliquam esse, supra intelleximus — ideo quod *brevior* legibus Pom- pejis de vi et de ambitu constituta *judiciorum forma* quae- stionibus ex iis legibus non omnino propria mansit, sed, quod ad modum orationibus factum attinet, reliqua judicia quaestionibus de ambitu et vi ex Pompejis legibus exaequata sunt, non verisimile videtur, testes e contrario in his ante, in reliquis post orationes interrogatos esse.

Quibus consideratis si quis, Pompejum, ut omnibus in judiciis testes ante orationes interrogarentur, instituisse, ar- bitretur, adjuvat eum Quintilianus, qui hoc dicit: ⁴¹⁾ „Ve- rum interim et singulos (testes) ut exornare, ita destruere „contingit . . . Quod iis temporibus, quibus testis non post „finitas actiones rogabatur, et facilius et frequentius fuit.“ Hic enim locus Quintiliani, in quo minime de singulis solis judiciis disseritur, cum illa sententia bene congruere videtur.

Ut paucis, quae adhuc perscrutati sumus, concipiamus, exploratum habemus, leges Pompejas praecepisse, ut in quae- stionibus de vi et de ambitu testes per triduum ante ora- tiones interrogarentur: Pompejum idem de reliquis judiciis vel utraque illa lege vel saltem alterutra earum vel tertia quadam lege constituisse, si minus certum, verisimile ta- men est.

Reliquum est, ut, quousque haec Pompeji praecepta ob- tinuerint, perscrutemur.

Hanc quaestionem subtiliter dissolvere non possumus. Sed

⁴¹⁾ Quintil. I. O. V. VII. §. 25.

ad eam, quantum in nobis positum est, illustrandam, ea, quae nobis praesto sunt, quamvis pauca, jam enumeraturi sumus. Illud, quod Pompejus de laudatoribus patronorumque numero instituerat, mox interiisse videri, hic commemorandum esse puto, quamquam ex ea re nil certi de eo, quod Pompejus de testium interrogatione praeceperat, colligi potest. Supra enim jam,⁴²⁾ et Pompejum ipsum in iudicio ex sua lege de vi alicui laudatorem exstitisse et Augusti Quintilianique aetate laudatores inveniri, exposuimus. Porro, ubi Asconius de Scauriano iudicio 700 a. u. exercito exponit, haec narrat:⁴³⁾ „Defenderunt Scaurum sex patroni, „cum ad id tempus raro quisquam pluribus, quam quatuor „uteretur: ac post bella civilia ante legem Juliam ad duodenos patronos est perventum.“ Illum legibus Pompejis constitutum orationibus modum 709 a. u. obtinuisse et eodem anno dies iudiciorum secundum legem Pompejam praestitutos fuisse, Cicero demonstrat, qui et in libro suo de finibus bonorum et malorum, 709 a. u. scripto, Catoni haec verba suggerit:⁴⁴⁾ „Quum ego te (Cicero) hac nova lege videam „eodem die accusatori respondere et tribus horis perorare,“ et rel.; et 709 a. u. Attico ut aliquid novi nuntiat:⁴⁵⁾ „Is „(Tigellius) ad me venit dixitque, iudicem operam dare sibi „constituisse (in causa Phameae, quam Cicero receperat,) „eo die ipso, quo de Sestio nostro lege Pompeja in consilium iri necesse erat. Scis enim, dies illorum iudiciorum „praestitutos fuisse.“ Quintilianus, qui de *iis temporibus, quibus testis non post finitas actiones rogabatur*, loquitur, perspicuum facit, sua aetate testes post finitas actiones interrogatos esse, et Plinius junior nos de nonnullis a senatu, se accusatore aut defensore, exercitis iudiciis certiores facit,⁴⁶⁾

⁴²⁾ Cap. I. adn. 68.)

⁴³⁾ Ascon. ad Cic. Scaur. pag. 20. (Or.)

⁴⁴⁾ Cic. de finib. IV. 1. §. 1.

⁴⁵⁾ Cic. ad Att. XIII. XLIX. §. 1.

⁴⁶⁾ Plin. epist. II. 11. IV. 9.

in quibus *probationes* post accusatorum defensorumque orationes cum iudicibus communicatae sunt.

Postremo, quia vir perdoctus contrarium statuit, ⁴⁷⁾ nec separatim lectori id, quod supra obiter tantum nobis occurrit, in memoriam reducimus, etiam in prima actione causarum, in quibus reus comperendinandus erat, testes produci licuisse. ⁴⁸⁾

Jam, quando testes in *iudiciis privatis* interrogati sint, perscrutemur.

Hos testes jam ante Ciceronis aetatem ex consuetudine post litigatorum orationes rogatos esse, C. Titius in ea oratione, qua legem Fanniam sumtuariam suavit, planum facere videtur, qui, ut Macrobius narrat, *describens homines prodigos in forum ad judicandum ebrios commeantes* sic ait: ⁴⁹⁾ „Veniunt in comitium tristes, jubent dicere. Quorum negotium est, dicunt. Iudex testes poscit. . . Tabulas poscit. Literas inspicit. . . Eunti in consilium ibi haec oratio,“ et rei.

Nihil ei sententiae, ex qua testes in *iudiciis privatis* baud secus etiam Ciceronis aetate perinde atque in publicis iudiciis post litigatorum orationes rogati sint, repugnat. Cicero in oratione pro Quintio de nonnullis, qui testimonium dicturi sint, loquitur. ⁵⁰⁾ Porro in oratione pro Tullio habita testimonia, quae jam cum iudicibus communicata sint, a Cicerone commemorantur. ⁵¹⁾ Testes prima in actione

⁴⁷⁾ Götting (Gesch. d. röm. Staatsverf. S. 426.) docet: „Die lex Servilla hat auch zuerst die Comperendinatio des Angeklagten gestattet oder die Bestimmung, in zwei Actionen anzuklagen, so dass in der ersten die Hauptrede des Anklägers (perpetua oratio) ohne die Zeugen zu hören gehalten ward, in der zweiten dagegen das einzelne durch die

Zeugen bewiesen, und dann geantwortet ward.“ (1)

⁴⁸⁾ Cf. adn. ⁹⁾ et ¹⁷⁾ Ferrat. epist. l. 3. l. m.

⁴⁹⁾ Macrobius Saturn. II. 12. Etiam Walter (Gesch. d. röm. R. S. 750. N. 69.) hunc locum ad iudicia privata refert.

⁵⁰⁾ Cic. pro Quint. XVIII. §. 58. XVIII. §. 75. XXVIII. §. 86.

⁵¹⁾ Cic. pro Tull. §. 24. (Or.)

ampliatae ⁵²⁾ hujus causae post litigatorum orationes rogatos esse, non verisimile est; nam primum Cicero adversarii defensori, Quintio, objicit, ⁵³⁾ quod nox ei finem dicendi fecerit, et, testes post hanc defensionem interrogatos esse, non verisimile videtur; deinde Quintius, quae Tullius per testes plana facturus erat, confessus est atque propterea testium interrogatione non jam opus erat. Non est tamen, quod nos vetet statuere, illa testimonia per tabellas data prima in actione inter Ciceronis orationem recitata esse. In oratione pro Caecina, actore, habita Cicero multorum testimoniorum, quae jam dicta essent, mentionem fecit. ⁵⁴⁾ Sed quum sciamus, ⁵⁵⁾ Ciceronem illam orationem bis jam ampliata causa tertia in actione dixisse, non est, cur negemus, haec testimonia priore in actione post finitas orationes dicta esse. Testimonium inter Ciceronis orationem pro Roscio Comoedo recitatum, ⁵⁶⁾ quod, ut ⁵⁷⁾ a juratis, non per tabellas datum esse existimamus, priore in actione hujus causae, quam ampliata esse coniecimus, post orationes dictum esse, pro certo, opinor, haberi licet.

Omnia igitur, quae exstant, exempla privatorum Ciceronis aetate exercitorum judiciorum cum iis facere intelligimus, qui, testes in judiciis privatis semper post orationes finitas interrogatos esse, arbitrantur. Ceterum sine dubio etiam hic, sicut in judiciis publicis, exceptionibus locus erat. Forlasse est, qui, eas inter illa modo commemorata testimonia inveniri posse, putet.

Fuerunt, qui, judicia publica et, quae de judiciis privatis ante Ciceronis aetatem exercitis per Titium accepimus, non respicientes, ex paucis illis Ciceronianae aetatis privatis judiciis aliam quandam normam, sed certe non talem, quae

⁵²⁾ Cic. pro Tull. §. 6. (Or.)

⁵³⁾ Cf. adn. praeced.

⁵⁴⁾ Cic. pro Caecin. ix. x.

⁵⁵⁾ Cic. pro Caecin. ii. §. 6.

⁵⁶⁾ Cic. pro Rosc. Com. xiv.

§. 43.

⁵⁷⁾ Cic. pro Rosc. Com. xv.

§. 45.

omni exceptione vacua esset, extricarent.⁵⁸⁾ Aperte falsa est ea opinio,⁵⁹⁾ qua, testes in privatis judiciis semper, *antequam oratores verba facerent*, auditos esse, statuitur. Qui hoc statuit: quod Cicero pro Quintio verba faciens de nonnullis testimonium dicturis loquitur,⁶⁰⁾ omnino missum facit et unice illis testimoniis, quae in Ciceronis oratione pro Caecina jam data commemorantur,⁶¹⁾ nititur. Sed Cicero nobis hac in oratione ante oculos ponit,⁶²⁾ se tertia jam actione dicere, neque ratio est, cur arbitremur, testimonia, de quibus jam dictis Cicero loquitur, proxime ante orationes tertiae actionis nec forte post orationes primae secundae actionis tributa esse.⁶³⁾

Qui denique, Pompejum, ut in omnibus judiciis testes ante orationes producerentur, instituisse, statuunt, fortasse, eum in privatis quoque judiciis id fieri jussisse, arbitrentur.

Non habemus, quod, de tempore, quo laudationes et publicorum privatorumve collegiorum testimonia cum iudicibus communicarentur, peculiaria praecepta obtinuisse, arbitremur. Facile haec praeteriremus, nisi essent, qui, ejusmodi praecepta fuisse, statuerent.

Est⁶⁴⁾ quidam, qui, laudationes per tabulas datas nullo alio tempore nisi inter defensoris orationem cum iudicibus

⁵⁸⁾ Rein (röm. Privatr. S. 476.) hoc praecipit: „Bei Civilprozessen „sind das Auftreten der Zeugen „in der Regel vor oder während „der ausführlichen Rede ihrer „Partei Statt . . . und es stand ei- „ner jeden Partei frei, des Geg- „ners Zeugen, sobald dessen Rede „vollendet war, zu examiniren.“ Adversarium vero testem alio tempore atque, qui testem producerat, interrogasse, neque verisimile videtur et nusquam nobis traditur. Walter (Gesch. d. röm.

R. S. 750.) haec statuit: „Ein ab- „gesondertes Beweisverfahren gab „es nicht, sondern dieses war in „einer freien Form in die beider- „seitigen Verhandlungen verweht.“

⁵⁹⁾ Ferrat. epist. l. 3. l. m.

⁶⁰⁾ Cf. adn. ⁵⁰⁾

⁶¹⁾ Cf. adn. ⁵¹⁾

⁶²⁾ Cf. adn. ⁵⁵⁾

⁶³⁾ Walter, Gesch. d. röm. R. S. 751. N. 69.

⁶⁴⁾ Rosshirt, N. Archiv d. Criminalr. xl. S. 393.

communicatas esse, statuere videatur. Sed ad hoc planum faciendum nihil affertur.

Alii fuerunt, ⁶⁵⁾ qui, *modo laudationes defensionis praemissas, modo huic innexas, modo hanc subsecutas esse*, statuerent, quasi norma non obtinuerit, ex qua testes, qui praesentes testimonium reddebant, quorum in numero etiam laudatores non per tabulas testantes fuisse, nemo negaverit, post orationes finitas testimonia cum iudicibus communicarent. Ii, qui, *laudationes modo defensionis praemissas, modo huic innexas esse*, statuunt, ut hoc probent, id solum afferunt, Ciceronem Flaccum defendentem haec dicere: ⁶⁶⁾ „Idem (Asclepiades) „laudationem, quam nos ab Acmonensibus Flacco datam „proferehamus, falsam esse dicebat;“ porro eum inter suam pro Cluentio orationem laudationem huius ex decurionum Larinatum decreto recitandam curasse. ⁶⁷⁾ At hae laudationes, quarum prior insuper fortasse post orationes primae actionis recitata est, per tabulas datae sunt et, testimonia per tabulas reddita modo inter orationes modo post has recitata esse, nos quoque supra docere conati sumus. Sed his ex laudationibus commemoratis de laudationibus, non per tabulas datis, conjecturam facere, nobis non licet.

Ceterum postremo in memoriam lectoris redigimus, multa jam commemorata testimoniorum exempla indicare, novos testes in secundis actionibus produci licuisse et testes primis in actionibus productos in secundis interdum rursus interrogatos esse: quamquam hoc non ita necesse erat.

CAP. VIII.

De fide testimonis habita.

Ante omnia hic generatim admonere debemus, Ciceronis

⁶⁵⁾ Sigon. de iudic. II. 19. Heinecc. antiq. Rom. IV. XVIII. §. 29.

⁶⁶⁾ Cic. pro Flacc. xv. §. 36.

⁶⁷⁾ Cic. pro Cluent. LIX. §. 196.

aetate apud Romanos nulla legum jussa fuisse, quibus praeceptum esset iudicibus, qua conditione ea, quae litigatores in iudiciis plana facere studebant, in sententia ferenda aut pro certo habere deberent aut non deberent.¹⁾

Nusquam enim talis praecepti vestigium invenimus et, nullum huiusmodi praescriptum fuisse, colligendum ducimus ex certis quibusdam locis: ut Cicero, ubi Flaccum defendit, haec narrat: ²⁾ „M. Aquillium patres nostri multis avaritiae criminibus testimoniisque convictum, quia cum fugitivis fortiter bellum gesserat, iudicio liberaverunt. Nuper defendi C. Pisonem, qui, quia consul fortis constansque fuerat, incolumis est rei publicae conservatus. Defendi item . . . L. Murenam, consulem designatum. Nemo illorum iudicium . . . audiendum sibi de ambitu putavit, quum bellum jam gerente Catilina, omnes . . . duos consules Kalendis Januariis scirent esse oportere.“ Valerius Maximus porro hoc refert ³⁾: „M. Aemilius Scaurus, repetundarum reus, adeo perditam . . . defensionem in iudicium attulit, ut, cum accusator diceret, lege sibi centum atque viginti hominibus denuntiare testimonium licere seque non recusare, quominus absolveretur, si totidem nominasset, quibus in provincia nihil abstulisset: tam bona conditione uti non potuerit. Tamen propter vetustissimam nobilitatem et recentem memoriam patris absolutus est;“ et alio loco: ⁴⁾ „C. etiam Cosconium, Servilia lege reum, propter plurima et evidentissima facinora sine ulla dubitatione nocentem, Valerii Valentini, accusatoris ejus, recitatum in iudicio carmen, quo puerum praetextatum et ingenuam virginem a se corruptam poetico joco significaverat, erexit. Siqui-

¹⁾ Huic adstipulantur Klenze (Lehrb. d. Strafverf. S. 105) et Henke (Handb. d. Criminalr. Bd. IV. S. 415).

²⁾ Cic. pro Flacc. xxxix. §. 98.

³⁾ Valer. Max. VIII. 1. §. 10.

⁴⁾ Valer. Max. VIII. 1. §. 8.

„dem iudices iniquum rati sunt, eum victorem dimittere,
 „qui palmam non ex alio ferre, sed de se dare merebatur.
 „Magis ergo Valerius in Cosconii absoluteione damnatus,
 „quam Cosconius in caussa sua liberatus est.“⁵⁾

Ex iis, quae modo attulimus, efficitur, iudicibus de fide, quam testimoniiis tribuere deberent, nil legibus praeceptum fuisse⁶⁾. Nihilominus vero stabilis quaedam et fixa existimatio de diversa testimoniorum auctoritate populo insita innataque erat, quae, quamquam iudices non constringebat, tamen sine dubio in sententia eorum formanda magni momenti erat.

De qua populi existimatione, quae fuerit, reliquum est, ut exponamus.

Romani in ponderanda testium fide respiciebant primo loco generatim, qualis esset testis omni vitae habitu et moribus; secundo loco, num testis alteri litigatorum obligatus alteriusve eorum studiosus an alterutri infestus esset; tertio loco, num testi, si certa quadam ratione caussa dijudicata esset, emolumenti incommode aliquid oriri posset; quarto loco, num testis, quae pro testimonio diceret, revera sciret; quinto loco, num gravitatem testandi bene considerans testimonium diceret; denique, num testis dicta etiam aliunde comprobarentur.

Prima igitur quaestio erat haec generalis, qualis esset testis omni vitae habitu et moribus.

Qui fidem testimonii ponderabant, quod ad vitae habitum

⁵⁾ Cf. praeterea Valer. Max. VIII. v. §. 6. Cic. pro Balb. v. §. 11. coll. c. Valer. Max. II. x. §. 1.

⁶⁾ Cum hoc etiam Klenze (Lehrb. d. Strafverf. S. 97), qui de probatione per testes agens hoc docet: „Der Grad des Beweises war dem Richter überlassen;“ et Rein (d. röm. Privatr. S. 477), ea de

re ita disserens: „Inwiefern der Richter gebunden sei, den Zeugen Glauben beizumessen, gab es keine positive Bestimmungen, indem alles auf die Prüfung der besondern Verhältnisse und Eigenschaften sowohl der Parteien als der Zeugen u. s. f. ankam;“ consentire videntur.

attinet, testis patriam, opes, genus, dignitatem honoresque, aetatem respiciebant.

In teste commendando ante omnia, eum civem Romanum esse, praedicabant ita, ut *domestici*, i. e. Romanae civitatis participes, testes omnibus alienigenis antehabebantur ⁷⁾ et iis quoque provincialibus, ⁸⁾ qui alibi, ubi non cum civibus Romanis sunt comparati, ut *ex illustri provincia orti* ⁹⁾ vel ut *in amplissima civitate*, ejus parte provinciae, nati ¹⁰⁾ quam maxime fide digni testes vocati sunt. Sunt quaedam nationes, quarum testimoniis Romani fidem omnino derogasse videntur. Quintilianus nobis hoc refert his ipsis verbis: ¹¹⁾ „Gentium simul universarum elevata testimonia ab oratoribus scimus.“ Gallos testes Cicero contemtim barbaros nominat ¹²⁾ et ex iudiciis de Fontejo sententiam laturis quaerit: ¹³⁾ „An vero, istas nationes (Gallos) religione jurisjurandi ac metu deorum immortalium in testimoniis dicendis commoveri, arbitramini, quae tantum a ceterarum gentium more ac natura dissentiant? Quod ceterae pro religionibus suis bella suscipiant, istae contra omnium religiones; illae in bellis gerendis ab diis immortalibus pacem ac veniam petunt, istae cum ipsis diis immortalibus bella gesserunt. Ab (his) gentibus sanctis et in testimonio religiosus obsessum Capitolium est. . . Postremo his quidquam sanctum ac religiosum videri potest, qui, etiam si quando aliquo metu adducti deos placandos esse arbitrantur, humanis hostiis eorum aras ac templa funestant?“, et rel. Porro Cicero de Graecorum testimoniis apud iudices in Flaccum sedentes hoc dicit: ¹⁴⁾ „De quibus (rebus) vos alii testes esse debetis, de iis ipsi alios testes audietis? At quos testes? pri-

⁷⁾ Cic. pro Font. x §. 22. [III. §. 4.]

⁸⁾ Cic. in Verr. V. 1. §. 2.

⁹⁾ Cic. in Verr. I. IV. §. 10.

¹⁰⁾ Cic. in Verr. V. XLVI. §. 122.

¹¹⁾ Quintil. I. O. V. VII. §. 5.

¹²⁾ Cic. pro Font. VII. §. 13.

¹³⁾ Cic. pro Font. IX. §. 20. x. §. 20. 21.

¹⁴⁾ Cic. pro Flacc. IV §. 9.

„mum dicam (id quod est commune) Graecos . . . Verum-
 „tamen hoc dico de toto genere Graecorum: tribuo illis li-
 „teras . . . : testimoniorum religionem et fidem nunquam ista
 „natio coluit; totiusque huiusce rei quae sit vis, quae au-
 „ctoritas, quod pondus, ignorant;“ et alio loco: ¹⁵⁾ „Grae-
 „cus testis quum ea voluntate processit, ut laedat: non ju-
 „risjurandi, sed laedendi verba meditatur. Vinci, refelli,
 „coargui putat esse turpissimum: ad id se parat: nihil aliud
 „curat . . . (Illis) jusjurandum jocus est: testimonium lu-
 „dus . . . Sed non dilatabo orationem meam. Etenim po-
 „test esse infinita, si mihi libeat totius gentis in testimoniis
 „dicendis explicare vanitatem;“ porro: ¹⁶⁾ „Mementote igitur,
 „quum audietis psepbismata (testimonia civitatum in
 „Flaccum data continentia), non audire vos testimonia: . . .
 „audire concionem concitatom levissimae nationis;“ deinde: ¹⁷⁾
 „Querendum est ergo et deplorandum de omni accusationis
 „iniquitate: primum de communi genere testium. Dicit enim
 „natio minime in testimoniis dicendis religiosa;“ et: ¹⁸⁾ „Si
 „quem infimo loco natum . . . defenderem: tamen civem a
 „civibus . . . deprecarer, ne . . . hominibus levitate Graecis
 „... civem . . . vestrum dederetis;“ alio loco: ¹⁹⁾ „Quae
 „quidem a me si, ut dicenda sunt, dicerentur, gravius age-
 „rem, iudices, quam adhuc egi, quantam Asiaticis testibus
 „fidem habere vos conveniret;“ denique: ²⁰⁾ „Ut opinor,
 „Asia vestra constat ex Phrygia, Mysia, Caria, Lydia. Utrum
 „igitur nostrum est an vestrum, hoc proverbium, Phrygem
 „plagis fieri . . . meliorem? Quid? de tota Caria nonne hoc
 „vestra voce vulgatum est, si quid cum periculo experiri
 „velis, in Care id potissimum esse faciendum? Quid porro
 „in Graeco sermone tam tritum atque celebratum est, quam,
 „si quis despiciatui ducitur, ut Mysorum ultimus esse dica-

¹⁵⁾ Cic. pro Flacc. v. §. 12.

¹⁸⁾ Cic. pro Flacc. xi. §. 24.

¹⁶⁾ Cic. pro Flacc. viii. §. 19.

¹⁹⁾ Cic. pro Flacc. xxv. §. 60.

¹⁷⁾ Cic. pro Flacc. x. §. 23.

²⁰⁾ Cic. pro Flacc. xxvii. §. 65. 66.

„tur? Nam quid ego dicam de Lydia? quis unquam Grae-
 „cus comoediam scripsit, in qua servus primarum partium
 „non Lydus esset? . . . Equidem mihi jam satis superque
 „dixisse videor de Asiatico genere testium: sed tamen ve-
 „strum est, iudices, omnia, quae dici possunt in hominum
 „levitatem, inconstantiam, cupiditatem, etiam si a me mi-
 „nus dicuntur, vestris animis et cogitatione comprehendere.“
 Sardorum denique, immo omnium Afrorum, a quibus Sardi
 originem suam ducunt,²¹⁾ testimoniis Cicero fidem non tri-
 buendam esse contendit, quum dicat: ²²⁾ „Etenim testis non
 „modo Afer (aut Sardus sane, si ita se isti malunt nomi-
 „nari), sed quivis etiam elegantior ac religiosior impelli, de-
 „terreri, fingi, flecti potest“; et alio loco: ²³⁾ „Venio nunc
 „ad testes (qui in Scaurum testati sunt) . . . Fidem (eorum)
 „tollit . . . ipsa natio (Sardorum), cujus tanta vanitas est,
 „ut libertatem a servitute nulla re alia nisi mentiendi licen-
 „tia distinguendam putent;“ denique: ²⁴⁾ „Contendes tamen
 „(Triarius, accusator Scauri,) et postulabis, ut M. Aemilius
 „(Scaurus) cum sua dignitate omni . . . sordidissimae, levis-
 „simae, vanissimae genti (Sardis) . . . condonetur.“

Opulentus testis deinde imprimis, cui crederetur, dignus
 habebatur. Crebro Cicero iudices admonet, testes suos *co-*
pijs rei familiaris locupletes et pecuniosos, ²⁵⁾ *locupletes,* ²⁶⁾ *ma-*
gna pecunia, ²⁷⁾ *primos pecunia* ²⁸⁾ *esse, maximas argentarias*
fecisse; ²⁹⁾ in testibus vero adversariorum *egestatem* ³⁰⁾ et *ino-*
piam ³¹⁾ exprobrat. Ubi autem universim *de omni, quod ab*

²¹⁾ Cic. pro Scaur. II. 45. a.

²²⁾ Cic. pro Scaur. II. §. 15.

²³⁾ Cic. pro Scaur. II. §. 38. Cf.
 ibid. §. 45. b.

²⁴⁾ Cic. pro Scaur. II. 45. o.

²⁵⁾ Cic. pro Rosc. Com. xv. §. 44.

²⁶⁾ Cic. in Verr. II. LXXI. §. 175.
 III. XLV. §. 108. IV. XXI. §. 46. V.
 LIX. §. 154.

²⁷⁾ Cic. in Verr. V. VII. §. 15.

²⁸⁾ Cic. in Verr. IV. XXXIII. §.

50.

²⁹⁾ Cic. in Verr. V. XLIV. §.

165.

³⁰⁾ Cic. pro Flacc. III. §. 6. x.

§. 23. XXXIII. §. 54.

³¹⁾ Cic. pro Scaur. II. §. 45. b.

*aliqua re externa sumitur ad faciendam fidem loquitur, haec praecipit:*³²⁾ „Persona . . . non, qualiscunque est, testimonii „pondus habet: ad fidem enim faciendam auctoritas quaeritur . . . Multa sunt, quae afferunt auctoritatem . . . opes . . . „Nam . . . opulentos . . . dignos, quibus credatur, putant: „non recte fortasse, sed vulgi opinio mutari vix potest, ad „eamque omnia dirigunt et qui judicant et qui existimant;“ et Juvenalis queritur:³³⁾

„Da testem Romae tam sanctum, quam fuit hospes
Numinis Idaei: procedat vel Numa vel qui
Servavit trepidam flagranti ex aede Minervam:
Protinus ad censum, de moribus ultima fiet
Quaestio: quot pascit servos? quot possidet agri
Jugera? quam multa magnaue paropside coenat?
Quantum quisque sua nummorum servat in arca,
Tantum habet et fidei. Jures licet et Samothracum
Et nostrorum aras: contemnere fulmina pauper
Creditor atque Deos, Dis ignoscentibus ipsis.“

Quam magni Romani testem opulentum existimarint, etiam inde apparet, quod Romani ex quadam dicendi consuetudine quemlibet testem fide dignum *locupletem* testem vocare solebant.³⁴⁾

Nobile genus testis porro, quo fides testimonio fieret, aptum fuisse videtur. Persaepe enim Cicero ad testes suos exornandos, *nobiles*,³⁵⁾ *amplissimo loco natos*,³⁶⁾ *primos genere*³⁷⁾ esse, commemorando delectatur et interdum, ubi

³²⁾ Cic. Top. xix. §. 73.

³³⁾ Juvenal. Satyr. III. 137–146.

³⁴⁾ Cic. in Verr. III. LIX. §. 136, pro Flacc. xvii. §. 40. Brut. xciii. §. 322. de divin. II. LVIII. §. 119. de off. III. II. §. 10. orator. partit. xxxiv. §. 117.

³⁵⁾ Cic. in Verr. II. xxvii. §.

66. XLII. §. 102. III. LVI. §. 129.

LXXX. §. 186. IV. VII. §. 16. V. VII.

§. 15. XXXIV. §. 90. XLV. §. 120.

LXIV. §. 165.

³⁶⁾ Cic. in Verr. V. XLVI. §.

122.

³⁷⁾ Cic. in Verr. IV. xxiii. §.

50.

fidem alicujus testimonio denegatam esse ut aliquid quam maxime miri ante oculos ponere studet, testem nobili loco natum esse commemorat: ut Fontejum defendens haec dicit: ³⁸⁾ „(Cn. et Q. Caepionum, L. et Q. Metellorum) . . . ge-
„neri . . . fidem et auctoritatem in testimonio . . . inimicitarum
„suspicio derogavit.“ Quintilianus generalia praecepta, quo-
modo testes sint refellendi, tradens hoc statuit: ³⁹⁾ „Si (adver-
„sarius) bumiles (testes) producet, vilitatem . . . oportebit in-
„cessere;“ et Cicero, testimonium Pergamenae civitatis contra
Flaccum datum ut infirmet, *sutores et zonarios* id decrevisse
contendit. ⁴⁰⁾ Denique, quod Macrobius narrat, „Plancus in
„judicio forte amici cum molestum testem destruere vellet,
„interrogavit, quia suturem sciebat, quo artificio se tue-
„retur.“ ⁴¹⁾

Testes senatorii et equestri ordinis ceteris certiores du-
cebantur. Quare Cicero testibus suis fidem conciliaturus
saepe, quod aut senatores ⁴²⁾ aut equites ⁴³⁾ sint, gloriatur.

Denique testes grandes natu auctoribus, qui aetate mino-
res erant, anteferebantur. ⁴⁴⁾

Tum fides testimonii pendebatur, ut ad animi conditio-
nem, ex qua testes aestimati sint, transeamus, ex virtute
vitaque, ex ingenio et animi cultu.

Quod ad virtutem, ⁴⁵⁾ vitam ⁴⁶⁾ moresque ⁴⁷⁾ attinet, Ci-

³⁸⁾ Cic. pro Font. vii. §. 13.

³⁹⁾ Quintil. I. O. V. vii. §. 23.

⁴⁰⁾ Cic. pro Flacc. vii. §. 17.
Schol. Bobiens. a. h. l. pag. 237.
(Or.)

⁴¹⁾ Macrobi. Saturnal. ii. 2.

⁴²⁾ Cic. pro Rosc. Com. xv. §.
44. in Verr. act. I. iii. §. 7. I.
iv. §. 10. II. xlii. §. 102.

⁴³⁾ Cic. in Verr. I. iv. §. 10.
v. §. 14. xlix. §. 128. II. xxxiii.
§. 80. xlviii. §. 119. lxxi. §. 175.

IV. xxi. §. 46. V. xxix. §. 73.
coll. c. §. 74. lxxiii. §. 163. III.
lxxi. §. 166.

⁴⁴⁾ Cic. pro Rosc. Com. xv. §.
44. Top. xix. §. 73.

⁴⁵⁾ Cic. in Verr. II. xlii. §. 102.
IV. xxiii. §. 50. pro Font. vii.
§. 13. 14.

⁴⁶⁾ Auct. ad Hereon. II. vi.
§. 9.

⁴⁷⁾ Cic. pro Flacc. v. §. 12.

cero, ut testes suos commendet, *clarissimos ex vita*,⁴⁸⁾ *bonos*,⁴⁹⁾ *optimos*,⁵⁰⁾ *natura sanctos et religiosos*,⁵¹⁾ *frugales*,⁵²⁾ *probatos*,⁵³⁾ *pudentes*⁵⁴⁾ vocat et res ab iis gestas,⁵⁵⁾ *constantiamque*⁵⁶⁾ eorum laudat. Fidem in se testantium e contrario ut minnat, *naturam leuem*⁵⁷⁾ *vanamque*,⁵⁸⁾ *vitam inhonestam*,⁵⁹⁾ *ignominiam*,⁶⁰⁾ *perfidiam*⁶¹⁾ et *audaciam*⁶²⁾ eorum in lucem profert. Postremo ubi generatim de eo, quod ab aliqua re externa sumitur ad faciendam fidem, disserit, statuit:⁶³⁾ „Naturae auctoritas in virtute inest maxime.“

Porro, ut fides testimonio compararetur, ingenium testis laudabatur.⁶⁴⁾

Denique animi cultus ei auctoritatem attulisse videtur, siquidem Cicero *doctos* exornat⁶⁵⁾ et de *illiteratorum* fide detrahit.⁶⁶⁾

Secundo loco Romani fidem testimonii ponderaturi explorabant, testisne alteri litigatorum obligatus alteriusve studiosus an alterutri infesius esset.

Iis, quae testes alicui obligati vel quocunque modo alicui obnoxii pro hoc dixerant, fides denegabatur; iis con-

⁴⁸⁾ Cic. pro Rosc. Com. xiv. §. 42.

⁴⁹⁾ Cic. in Verr. I. xlix. §. 128. x. §. 28. pro Flacc. iv. §. 9.

⁵⁰⁾ Cic. in Verr. II. xxvii. §. 66. III. xlvi. §. 109. pro Cluent. lxx. §. 198. (pro Flacc. v. §. 11.)

⁵¹⁾ Cic. pro Rosc. Com. xv. §. 44.

⁵²⁾ Cic. in Verr. I. xxviii. §. 71.

⁵³⁾ Cic. in Verr. II. viii. §. 23.

⁵⁴⁾ Cf. adn. ⁵⁵⁾ Cic. pro Font. vii. §. 14. (pro Flacc. iv. §. 9. v. §. 11.)

⁵⁶⁾ Cic. pro Font. vii. §. 13. 14.

⁵⁷⁾ Cic. pro Font. vii. §. 14.

⁵⁷⁾ Cic. pro Flacc. III. §. 6. iv. §. 9. de orat. II. lxxiv. §. 302. orator. partit. xiv. §. 49.

⁵⁸⁾ Cic. orator. partit. xiv. §. 49.

⁵⁹⁾ Cic. pro Rosc. Amer. xxxv. §. 101.

⁶⁰⁾ Auct. ad Herenn. II. vi. §. 9.

⁶¹⁾ Cic. pro Flacc. III. §. 6.

⁶²⁾ Cf. adn. praeced.

⁶³⁾ Cic. Top. xix. §. 73.

⁶⁴⁾ Cf. adn. praeced. Cic. pro Font. vii. §. 14.

⁶⁵⁾ Cic. pro Flacc. iv. §. 9.

⁶⁶⁾ Cf. adn. praeced.

tra, quae in eum, cui erant obligati vel obnoxii, testati erant, fides quam maxima tribuebatur.

Cicero generaliter id, quomodo testes refellendi, praescribens, statuit,⁶⁷⁾ *iis, si . . . metu . . . si gratia adducti sint, haec exprobranda esse*. Fidem testium in Flaccum ut infirmit, hoc modo in eos invehitur;⁶⁸⁾ „Quid? si testium studium cum accusatore sociatum est? Tamenne isti testes „habebuntur? Ubi est igitur illa expectatio, quae versari „in judiciis solet? Nam antea, quum dixerat accusator . . . „quumque defensor . . . responderat, tertius ille erat expectatus locus testium, qui aut sine ullo studio dicebant aut „cum dissimulatione aliqua cupiditatis. Hoc vero quid est? „Una sedent, ex accusatorum subselliis surgunt . . . De „subselliis queror? Una ex domo prodeunt; si verbo tubarint, quo revertantur, non habebunt;“ et alio loco:⁶⁹⁾ „Si quem infimo loco natum . . . defenderem, tamen civem „a civibus . . . deprecarer, ne . . . incitatis testibus, ne accusatoris concussoribus, convivis, contubernalibus . . . civem „ . . . dederetis.“ Alibi Cicero testibus, qui in Flaccum producti erant, vi accusatoris ad testandum *concitatos* esse, objicit;⁷⁰⁾ et tertio loco Asiaticos testes inter illos spectans: „Quem haec,“ inquit,⁷¹⁾ „communis nostrum omnium patria . . . complexa teneat; hunc, etiamsi tota Asia deposcit „ad supplicium, defendam. Quid? si . . . (non) sua sponte, . . „si (ab accusatore) impulsa, si sollicitata, si concitata, si coacta . . . nomen suum misit in hoc iudicium . . . : tamenne, „iudices, haec ad breve tempus audita longinqui temporis „cognitarum rerum fidem derogabunt?“ Denique Pergamenorum testimonium in Flaccum refutare cupiens Cicero de

⁶⁷⁾ Cic. orator. partit. xiv. §. 49.

⁶⁸⁾ Cic. pro Flacc. x. §. 21. 22.

⁶⁹⁾ Cic. pro Flacc. xl. §. 24.

⁷⁰⁾ Cic. pro Flacc. iii. §. 6. Cf.

etiam ibid. v. §. 13. vi. viii. §. 18. Schol. Bobiens. ad Cic. Flacc.

pag. 235. 239. (Or.)

⁷¹⁾ Cic. pro Flacc. ii. §. 5.

iis hoc dicit:⁷²⁾ „Nuper epulati, paulo ante omni largitione „saturati, Pergameni, quod Mithridates, qui multitudinem „illam non auctoritate, sed sagina tenebat, se velle dixit, . . „conclamarunt.“ In Capitonem, testem adversus Roscium Amerinum, hoc increpat:⁷³⁾ „Multa scelerate . . fecisti: unum „stultissime, profecto tua sponte, non de Erucii (accusatoris „Roscii) sententia: nihil opus fuit, te istic sedere. Neque enim „accusatore mulo neque teste quisquam utitur eo, qui de „accusatoris subsellio surgit.“ Adversus Sardos, qui in Scaurum testes fuere, Cicero haec dicit: „At creditum est,“ ait,⁷⁴⁾ „aliquando Sardis. — Et fortasse credetur aliquando, si . . „sua sponte venerint, si non alicujus impulsu, si soluti, si „liberi;“ et alio loco in eadem pro Scauro habita oratione: „Tu (Triarius accusator Scauri),“ inquit,⁷⁵⁾ „uno comperen- „dinasti reum teste producto. At quo teste? . . etiamne Va- „lerio teste primam actionem confecisti, qui, patris tui be- „neficio civitate donatus, gratiam tibi non illustribus officiis, „sed manifesto perjurio retulit?“ Imprimis etiam, quum te- stem pretio, ut testimonium tribueret, corruptum esse exi- stimarent, ea suspicio fidem testimonii infirmabat. Propterea Cicero, ubi fidem testium impugnat, eos *mercenarios*,⁷⁶⁾ *promissis et praemiis excitatos*,⁷⁷⁾ *pretio corruptos*,⁷⁸⁾ denique *fidem eorum cupiditate, suscepta spe et promissione praemiorum sublatam*⁷⁹⁾ esse, dicit.

Qui studio alicujus teneretur, quae pro illo diceret, eo- rum fides minuebatur: contra fides tribuebatur iis, quae tes- tis in illum diceret. Iis, quae alterutri litigatorum infestus aliquis in eum testaretur, diffidebant: sed iis fidem habebant, quae pro inimico diceret.

⁷²⁾ Cic. pro Flacc. vii. §. 17.
Schol. Bob. h. a. i. pag. 237. (Or.)

⁷³⁾ Cic. pro Rosc. Amer. xxxvi.
§. 104.

⁷⁴⁾ Cic. pro Scaur. ii. §. 41.

⁷⁵⁾ Cic. pro Scaur. ii. §. 29.

⁷⁶⁾ Cic. pro Font. x. §. 22.

⁷⁷⁾ Cic. pro Scaur. ii. §. 41.

⁷⁸⁾ Cic. pro Flacc. ii. §. 5. xi. §. 26.

⁷⁹⁾ Cic. pro Scaur. ii. §. 38.

Cicero, qui generatim, quomodo testes sint refutandi, docet, consilium dat, ut testibus, *iracundia, misericordia impulsos esse*, obijciatur.⁸⁰⁾

Ea apud Romanos sententia percrebuisse videtur, testem plerumque ejus, qui eum produxerit, cupidum esse. Inde explicari debet, quod Cicero in oratione pro Caecina haec dicere potest:⁸¹⁾ „Mibi certum est, recuperatores, antequam „ad meam defensionem meosque testes venio, illius (adversarii Caecinae, Aebutii,) uti . . . testimoniis . . . Testes „quid ajunt? P. Vetilius . . . Quid ego de hoc teste dicam, „nisi hoc, recuperatores, ut ne idcirco minus ei credatis, „quod homo minus idoneus habetur: sed ideo credatis, quod „ex illa parte id dicit, quod illi caussae maximum est alienum.“⁸²⁾ Cicero in suis in Verrem actionibus: „Ac primum,“ ait,⁸³⁾ „hoc ex te quaero: tu, cui publicani ex „Carpinatii literis gratias egerunt: pecunia publica ex aërio erogata ex vectigalibus populi Romani ad emendum „frumentum attributa . . . pensitaritne tibi binas centesimas? „Credo te negaturum . . . Utar teste. Quo? L. Vettio Chitone . . ., qui isti ita amicus et necessarius est, ut, etiamsi „vir bonus non esset, tamen, quod contra istum diceret, „grave videretur: ita vir bonus est, ut, etiamsi inimicissimus „isti esset, tamen ejus testimonio credi oporteret . . . Misi sit in Siciliam literas ad Carpinatium . . ., quas . . . inveni: „quibus ex literis impudentiam fenerationis . . . cognoscite (judices) . . . Vettius, tuus familiarissimus; Vettius, tuus affinis, „cujus sororem babes in matrimonio; tuae frater uxoris „Vettius, frater tui quaestoris, testatur impudentissimum „tuum furtum.“ Consilium, quod Verres ad testium, ab accusatore productorum, fidem evertendam iniit, detecturus Cicero haec dicit:⁸⁴⁾ „Mibi renuntiatur, ita constitui . . .

⁸⁰⁾ Cic. orat. partit. xiv. §. 49.

⁸¹⁾ Cic. pro Caecin. ix. §. 24.

⁸²⁾ Cf. Cic. pro Quiml. xxiv.

§. 76.

⁸³⁾ Cic. in Verr. III. lxxi. §. 165–167. lxxii §. 168.

⁸⁴⁾ Cic. in Verr. II. lxi. §. 149.

150.

„causam tuam (Verres), . . . ut quisque ex provincia Sicilia
 „gravior homo atque honestior testimonium vehementius
 „dixerit, sicuti Siculi multi primarii viri multa dixerunt,
 „te statim istis tuis defensoribus dicere: Inimicus est pro-
 „pterea, quod arator est. Itaque uno genere, opinor, cir-
 „cumscribere habetis in animo genus hoc aratorum, quod
 „eos infenso animo atque inimico venisse dicatis, quia fue-
 „rit in decumis iste (Verres) vehementior . . . Nunc . . . id
 „accipio, eos tibi esse inimicissimos . . . Quid ergo illae
 „sibi statuæ equestres inauratae volunt . . . ? Nam inscri-
 „ptum esse video, quandam ex his statuam aratores dedisse.
 „Si honoris causa statuam dederunt, inimici non sunt. Cre-
 „damus testibus.“ In oratione pro Fontejo Cicero ex ju-
 „dicibus quaerit:⁸⁵⁾ „An vero vos id in testimoniis hominum
 „barbarorum dubitabitis, quod persaepe et nostra et patrum
 „memoria sapientissimi iudices de clarissimis nostrae civi-
 „tatis viris dubitandum non putaverunt? qui Cn. et Q. Cae-
 „pionibus, L. et Q. Metellis testibus, in Q. Pompejum, ho-
 „minem novum, non crediderunt: quorum virtuti, generi,
 „rebus gestis fidem et auctoritatem in testimonio cupiditatis
 „atque inimicitiarum suspicio derogavit.⁸⁶⁾ Ecquem hominem
 „vidimus . . . parem consilio, gravitate, constantia, ceteris
 „virtutibus, bonoris, ingenii, rerum gestarum ornamentis
 „M. Aemilio Scauro fuisse? Tamen hujus, cujus injurati
 „nutu prope terrarum orbis regebatur, jurati testimonio ne-
 „que in C. Fimbriam neque in C. Memmiam creditum est.
 „Noluerunt ii, qui judicabant, hanc patere inimicitii viam,
 „quem quisque odisset, ut eum posset testimonio tollere.
 „Quantus in L. Crasso pudor fuerit, quod ingenium, quanta
 „auctoritas, quis ignorat? Tamen is, cujus etiam sermo
 „testimoniū auctoritatem habebat, testimonio ipso, quae in
 „M. Marcellum inimico animo dixit, probare non potuit . . .

⁸⁵⁾ Cic. pro Font. VII. VIII.
 §. 16.

⁸⁶⁾ Cf. etiam hac de re Valer.
 Max. VIII. v. §. 1.

„Si inimico testi credi non oportuit, inimicior Marcello „Crassus aut Fimbriae Scaurus . . . quam buic Galli? “ Plancium defendens Cicero: „Alia te (Laterensis Plancii „accusator),“ inquit,⁸⁷⁾ „ratio . . . ad spem hujus (Plancii) op- „primendi excitavit . . . Multi (sunt) . . . communes inimici „reorum omnium, qui ita semper testimonium de ambitu „dicunt, quasi . . . moveant animos iudicum suis testimoniis.“ Testimonium in inimicum dictum suspectum habitum esse, etiam ex Quintiliano elucet, qui dicit: ⁸⁸⁾ „Tacita quaedam „cogitatio refragatur (testimoniis per tabulas), quod nemo „per tabulas dat testimonium, nisi sua voluntate: quo ipso „non esse amicum ei se, contra quem dicit, fatetur.“ Verris in accusatione Cicero: „Onasum Segestanum,“ ait,⁸⁹⁾ „dicere audistis (iudices), se ob sepulturam Heraclii navarchi „(qui cum aliis classi propter Verris socordiam a piratis „combustae praefuerat quemque Verres cum aliis navarchis, „ne testes sui sceleris superessent, necari iusserat) pecuniam „Timarchidi, Verris aministrato, numerasse. Hoc, (ne pos- „sis [Verres] dicere: Patres enim veniunt amissis filiis irati) „vir primarius dicit: neque de filio dicit.“ Testibus in Fonte- „tejum Cicero hoc modo fidem derogat: ⁹⁰⁾ „Statuite nunc „(iudices), quid vestra aequitas . . . postulet: utrum colonis „vestris . . . credere . . . malitis, an iis, quibus propter ira- „cundiam fidem . . . habere (non) debetis;“ neque multo post: ⁹¹⁾ „Objectum est etiam, quaestum M. Fontejum ex „viarum munitione fecisse . . . Quid si hoc crimen optimis „nominibus delegare possumus . . .? tamenne vos omnia in M. „Fontejum, iratis testibus freti, conferetis? “ Denique de omnibus in Flaccum dictis testimoniis Cicero hoc modo de- trahit: „Nihil religione testatum, nihil veritate fundatum,

⁸⁷⁾ Cic. pro Planc. xxiii. §. 55.

⁸⁸⁾ Quintil. I. O. V. vii. §. 2.

⁸⁹⁾ Cic. in Verr. V. xlv. §. 120.

⁹⁰⁾ Cic. pro Font. iii. §. 5.

⁹¹⁾ Cic. pro Font. iv. §. 7, 8.

„nihil dolore expressum : contraque omnia corrupta . . . iracundia . . . reperientur.“⁹²⁾

Tertio loco, quibus, si certa quadam ratione caussa dijudicata esset, emolumenti incommode aliquid oriri poterat, ii dicebant quidem persaepe testimonium,⁹³⁾ sed fidem testimonii, quod hi, ut suas rationes adjuvarent, dicebant, non magni aestimatam esse, Cicero nos docet, qui et in oratione pro Fontejo habita planum aliquid facturus a sententia, quam exploratam his verbis ponit:⁹⁴⁾ „(Iis) qui ob ali-
„quod emolumentum suum cupidius aliquid dicere videntur,
„credi non convenit;“ proficiscitur, et in caussa Verris, ut testimonium aratorum Centuripinorum in Verrem commendet, haec dicit:⁹⁵⁾ „Quid? hoc (Verrem ab Aetnensi
„civitate decumas contra leges exigentem magnum lucrum
„fecisse) Aetnenses soli dicunt? Immo etiam Centuripini,
„qui agri Aetnensis multo maximam partem possident . . .
„Et hoc in te graviores certioresque testes sunt, quod ce-
„terae civitates (propter modum, quo Verres decumas ex-
„torserit, in eum testantes) suis solum incommodis commo-
„ventur. Centuripini, quod in omnibus fere finibus habent
„possessiones, etiam ceterarum civitatum damna et detri-
„menta senserunt.“ Tum Sex. Roscium Amerinum defendens Cicero planum facere studet, Capitonem Sex. Roscium patrem occidendum curasse et Erucium ad Sex. Roscium filium parricidii accusandum impulsisse, ut hoc modo suspicio, a Capitone depulsa, in Sex. Roscium filium dirigeretur. Jam quum, istum Capitonem testem in Sex. Roscium futurum esse, putat, eum hoc modo rejicit:⁹⁶⁾ „More majorum comparatum
„est, ut in minimis rebus homines amplissimi testimonium

⁹²⁾ Cf. praeterea Cic. de orat. II. LXX. §. 285.

⁹³⁾ Cic. in Verr. act. I. III. §. 7. II. VI. §. 16. I. X. §. 28. XLVIII. §. 126. IV. XII. §. 29. V. VII. §.

15. XLV. §. 120. et pass.

⁹⁴⁾ Cic. pro Font. VIII. §. 17.

⁹⁵⁾ Cic. in Verr. III. XLV. §. 108.

⁹⁶⁾ Cic. pro Rosc. Amer. XXXVI.

„de sua re non dicerent. Africanus, qui suo cognomine de-
 „clarat, tertiam partem orbis terrarum se subegisse, tamen,
 „si sua res ageretur, testimonium non diceret. Nam illud
 „in talem virum non audeo dicere: si diceret, non credere-
 „tur. Videte nunc, quam versa et mutata in pejorem par-
 „tem sint omnia. Quum . . . de caede agatur, testimonium
 „dicturus est is, qui . . . est . . . sicarius: hoc est, qui . . .
 „eum hominem occidendum curavit, de cuius morte quae-
 „ritur.“ Deinde, qui veneficii crimen a Cluentio propulset,
 Cicero patrem illius, quem accusator venenum, Cluentii
 consilio paratum, bibisse dixerat, quod pro Cluentio teste-
 tur, quam maxime fide dignum habet, ut quem *propter animi*
dolorem pertenuis suspicio potuisset . . . testem in A. Cluentium
constituere. ⁹⁷⁾ Si hic ergo adversus Cluentium testatus esset,
 ejus testimonium vix magni esset aestimatum. Denique Quinti-
 lianus, quaestionem, quomodo testes refellendi, tractans,
 hoc praecipit: ⁹⁸⁾ „Sequens ratio est, cum specialiter qui-
 „dem, sed tamen multos (testes) pariter invadere patroni
 „solent. Nam (tota genera testimoniorum elevata scimus),
 „ut in causis repetundarum, qui, se reo numerasse pecu-
 „nias, jurant, litigatorum, non testium habendos loco.“

Spe et studio excitati, ⁹⁹⁾ *cupidi,* ¹⁰⁰⁾ *libidinosi* ¹⁰¹⁾ testes,
 nisi suae spei, cupidini, libidini suoque studio contraria di-
 xissent, indigni, quibus crederetur, habebantur. His verbis, in
 quibus latior inest sensus, comprehenduntur alterius litigato-
 rum studiosi et alterutri eorum infesti obligatique ac quibus,
 prout causa dijudicatur, damni emolumentive quid impen-
 deat: de quorum fide jam exposuimus. Cupiditatem testis
 autem versari putabant praesertim etiam in ejus vultu, ver-
 bis totaque se gerendi ratione, quibus in ipso testando ute-

⁹⁷⁾ Cic. pro Cluent. l. x. §. 168.

⁹⁸⁾ Quintil. l. o. v. vii. §. 5.

⁹⁹⁾ Cic. pro Flacc. iii. §. 6.
 vi. §. 26. orator. partit. xiv. §. 49.

¹⁰⁰⁾ Cic. pro Font. x. §. 22.

Auct. ad Herenn. ii. vi. §. 9.

¹⁰¹⁾ Cic. pro Flacc. xi. §. 26.
 pro Sull. xxviii. §. 79.

batur. Quare Cicero pro Flacco et pro Fontejo, ubi Graecos et Gallos testes refutandi caussa cum Romanis comparat: „Qui autem,“ inquit, „dicit testimonium ex nostris hominibus, ut se ipse sustentat! ut omnia verba moderatur! ut timet, ne quid cupide, ne quid iracunde, ne quid plus minusve, quam sit necesse, dicat;“ ¹⁰²⁾ et: „Recondamini, iudices, quanto opere laborare soleatis, non modo quid dicatis pro testimonio, sed etiam quibus verbis utamini, ne quod minus moderate positum, ne quod ab aliqua cupiditate prolapsum verbum esse videatur: vultu denique laboratis, ne qua significari possit suspicio cupiditatis. . . (Induciomarus Gallus in Fontejum productus) primum illud verbum consideratissimum nostrae consuetudinis, ARBITROR, quo nos etiam tunc utimur, quum ea dicimus iurati, quae ipsi vidimus, ¹⁰³⁾ ex toto testimonio suo sustulit atque, „omnia se scire, dixit. Verebatur enim videlicet, . . ne qua fama consequeretur ejusmodi, Induciomarum, talem virum, tam cupide, tam temere dixisse. Non intelligebat, se in testimonio nihil praeter vocem et os et audaciam neque civibus suis neque accusatoribus nostris praestare debere. ¹⁰⁴⁾“ Cicero, de iis generatim, quae ab aliqua externa re sumuntur ad fidem faciendam, disserens hoc docet: ¹⁰⁵⁾ „Quae perurbationibus animi, dolore, cupiditate, iracundia, metu (concitati dicunt), quia necessitatis vim habent, afferunt auctoritatem et fidem.“ Quae hucusque Ciceronem statuere accepimus, confirmant, hoc dictum, quatenus testes spectat, ad ea referendum esse, quae hi contra eos, quorum studiosi qui-

¹⁰²⁾ Cic. pro Flacc. v. §. 12.

¹⁰³⁾ Cic. in Academ. II. XLVII. §. 146. quoque, hoc moris fuisse, refert. (Cf. Liv. IV. 40.) Sed testem nihilominus etiam, se aliquid scire, nullo suspicionis metu dicere potuisse, Cicero ipse planum

facit, qui Archiam defendens de teste pro hoc producto dicit (IV. §. 8.): „Adest vir summa auctoritate . . . qui, se non opinari, sed scire . . . dicit.“

¹⁰⁴⁾ Cic. pro Font. IX. §. 18. 19.

¹⁰⁵⁾ Cic. Top. XI. §. 74.

busve obligati, pro iis, quibus infesti sunt, atque in causis, ex quibus ipsis emolumenti aut damni aliquid nasci potest, adversus suum commodum pro testimonio dicant. Quod ita esse, demonstrat Boethius, qui ad commemoratum locum monet: „Necessitas quoque quasi id, quod latebat, „extorquens auctoritate subnixa est. Quae . . . ab . . . animo „ . . . venit . . . , quum mens quadam perturbationis vel ignorantiae necessitate confunditur. Tunc enim, quid dici, quid „taceri debeat, minime distinguens verum, quod occultum „erat, prodit atque effundit in lucem . . . Saepe etiam homines praeter ullam animi perturbationem imprudentes propria confessione obligati sunt, dum cuncta simpliciter effundunt, quae sibi nocitura non existimant.“

Cicero saepe testes adversariorum, quod *ignoti* sint, reprehendit ¹⁰⁶⁾ et hac ex causa iis fidem derogat, sine dubio, quod iudices fidem ignotorum ex iis rationibus, quibus testium fidem ponderatam esse cognovimus, aestimare non poterant ideoque, iudices de fide testi habenda dubitatione teneri, necesse erat.

Quarto loco in teste requirebatur, num, quae testaretur, scire posset ¹⁰⁷⁾ et revera sciret.

Propterea primum iis, qui *ambigue* vel *timide* vel *inconstanter* ¹⁰⁸⁾ testabantur eaque de causa suspicionem, se, quae pro testimonio dicerent, certo asseverare non posse, movebant, parva fides apud iudices erat.

Porro, quae testes non propriis suis sensibus perceperant, sed aut ex solis argumentationibus aut ex aliorum dictis hauserant, quamquam persaepe ea pro testimonio dice-

¹⁰⁶⁾ Cic. pro Font. [III. §. 4.] x. §. 22, pro Flacc. III. §. 8, v. §. 12, XVII. §. 40, pro Scaur. II. §. 15, 29.

¹⁰⁷⁾ Cic. pro Flacc. VIII. §. 19. auct. ad Herenn. II. VI. §. 9.

¹⁰⁸⁾ Cic. orator. parit. XIV. §. 51, auct. ad Herenn. II. VI. §. 9. Quintil. I. O. V. VII. §. 10.

hantur: ¹⁰⁹⁾ tamen ejusmodi testimonia minore fide fuisse quam illa, quae testes ipsi aut vidissent aut audiissent, identidem refertur. De priore enim illo horum testimoniorum genere auctor ad Herennium hoc praecipit: ¹¹⁰⁾ „Communes loci sunt quum accusatoris tum defensoris, a testibus contra testes . . . Contra testes (dicemus), . . . si . . . dicemus, . . . (eos) argumentari.“ Ut ad alterum transeamus, Cicero et de suis testibus, quae testentur, ipsos vidisse, ad augendam eorum fidem interdum praedicat ¹¹¹⁾ et iudices orat, ne testibus in se productis, qui, quae pro testimonio dicant, ab aliis tantum audierint, fidem habeant: ut in oratione pro Plancio dicta: „Illud unum,“ inquit, ¹¹²⁾ „vos magno opere oro atque obsecro, iudices, quum hujus, quem defendo, tum communis periculi causa, ne fictis auditionibus, ne disseminato dispersoque sermoni fortunas innocentium subijciendas putetis . . . Nihil est tam volucre, quam male dictum: nihil facilius emittitur, nihil citius excipitur, nihil latius dissipatur . . . Si quid sine capite manabit aut si quid erit ejusmodi, ut non exstet auctor; qui audierit, aut ita negligens vobis esse videbitur, ut, unde audierit, oblitus sit, aut ita levem habebit auctorem, ut memoria dignum non putarit: hujus illa vox vulgaris *audiri*, ne quid reo innocentino noceat, oramus.“ Seneca porro eos testes, qui vidisse quidem se negant sed audisse; testes secundae notae vocat. ¹¹³⁾ Quintilianus denique hoc dicit: ¹¹⁴⁾ „Nam tota generis testimoniorum (elevata scimus): ut de auditionibus; non enim ipsos esse testes, sed injuratorum afferre voces.“

¹⁰⁹⁾ Cic. in Verr. I. xxviii. §. 71. l. III. §. 139. IV. xxv. §. 55. pro Rosc. Com. xiv. §. 43. de orat. II. lxx. §. 285. pro Rabir. Post. xii. §. 34. Ps. Ascon. ad Cic. Verr. pag. 165. (Or.) Cf. Cujac. observ. III. §. 26.

¹¹⁰⁾ Auct. ad Herenn. II. vi. §. 9.

¹¹¹⁾ Cic. in Verr. I. v. §. 13. 14. pro Arch. iv. §. 8.

¹¹²⁾ Cic. pro Planc. xxiii. §. 57.

¹¹³⁾ Senec. natural. quaest. iv. §. 3.

¹¹⁴⁾ Quintil. I. O. V. vii. §. 5.

Quinto loco is testis fide dignus putabatur, qui, momentum gravitatemque testimoniū considerans, non leviter testimonium dicebat.¹¹⁵⁾

Quod Cicero planum facit, qui Graecis testibus in Flaccum fidem hoc modo derogat: „Itaque videte (judices),“ ait,¹¹⁶⁾ „quo vultu, qua confidentia (Graeci testimonium) „dicant. Nunquam nobis ad rogatum respondent: semper „accusatori plus quam ad rogatum. Nunquam laborant, „quemadmodum probent, quod dicunt: sed quemadmodum „se explicent dicendo... Vinci, refelli, coargui putat esse „turpissimum; ad id se parat; nihil aliud curat. Itaque non „optimus quisque nec gravissimus, sed impudentissimus lo- „quacissimusque deligitur.“

Denique aliquantum auctoritatis accedebat, si testimonium aliis testimoniis argumentisve confirmaretur.¹¹⁷⁾

Rem uno tantum testimonio firmatam non semper pro certa habitam esse, et Cicero planum facit, Triario, Scauri accusatori, hoc exprobrans:¹¹⁸⁾ „Tu uno comperendinasti reum „teste producto. At quo teste? Dii immortales! Non satis, „quod uno...“ et rel., et Valerius Maximus, qui narrat: „(P. Scaevola) testis in reum productus, cum id respon- „disset, quod salutem periclitantis magnopere laesurum vi- „debatur, discedens adjecit, ita sibi credi oportere, si et „alii idem asseverassent: quoniam, unius testimonio aliquem „cadere, pessimi esset exempli.“¹¹⁹⁾ Sed e contrario, interdum etiam uno tantum testis dicto nitentes iudices Romanos reum condemnasse, Valerius Maximus demonstrat hoc narrans:¹²⁰⁾ „Citatus... Scatinus, (de stupro) reus, uno teste, qui ten- „tatus erat, damnatus est.“ Ceterum Quintilianus quoque,

¹¹⁵⁾ Cic. Brut. LXXXV. §. 292. 293.

¹¹⁶⁾ Cic. pro Flacc. IV. §. 10. v. §. 11.

¹¹⁷⁾ Cic. de invent. II. XIV. §. 47.

¹¹⁸⁾ Cic. pro Scaur. II. §. 29.

¹¹⁹⁾ Valer. Max. IV. 1. §. 11.

¹²⁰⁾ Valer. Max. VI. 1. §. 7.

ubi de testibus refellendis exponit: „Si déficitur,“ inquit,¹²¹⁾
 „numero“ (testium), pars diversa paucitatem . . . oportebit
 „incessere.“

¹²¹⁾ Quintil. 1. O. V. vii. § 23.

005687566

THESES DEFENDENDAE.

- I. Pubertas non a toga virili sumta incepit.
 - II. Ex obligationibus incertis non semper hac intentionis forma:
„ Quidquid ob eam rem dare facere oportet;“ agendum fuit.
 - III. Non unam computatio civilis, quae dicitur, ubique rationem
habet.
 - IV. Dies non interpellat pro homine.
 - V. In furto secundum jus criminale commune animus lucri faciendi
requiritur.
 - VI. Qui delictum commissurus modum, quo non perfici potest,
adhibet, puniendus est.
 - VII. In crimine infanticidii graviditatis occultatio non requiritur.
 - VIII. Crimen falsi usu rei corruptae consummatur.
-

